


366

M

2



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
366 M 2






Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
366 M 2



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
366 M 2



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
366 M 2




pag. 183.

ERII


Kan 366

M2



pag. 184.

I S.



VII




edita &

Qui-

AN-

n

, &



*Indische
Bibliotheek
& Museum.*


n &

366
M2

GULIELMI FORNERII
&
ANTONII CONTI
Tractatus
DE FEUDIS.

Ut & Constitutio Caroli III Imp. olim edita &
exposita à MARQUARDO FREHERO. Qui-
bus accedunt *Elementa Iuris Feudalis* FRAN-
CISCI HOTTOMANNI, opusculum
postumum, nunc primum editum

à
CORNELIO VANECK, Icto, &
Antecessore Ultrajectino.



LEO VARDIÆ.
Apud HERONEM NAUTA Bibliopolam &
Typographum. M.DC.XCIV.

UNIVERSITY OF CHICAGO

LIBRARY

1900

OF THE

UNIVERSITY OF CHICAGO
LIBRARY
1900

OF THE

UNIVERSITY OF CHICAGO



1900

UNIVERSITY OF CHICAGO

LIBRARY

189

Q

Quar

Quar

Quar

Quar

Quar

Quar

Quar

Quar

PRÆFATIO.

Studioſæ Legum Juventuti,
ſuiſque præcipue Auditoribus

S. D.

CORNELIUS VANECK.

QUod nuper, cum in lucem emitterem
Ioſ. Fred. Böckelmanni Viri Cl.
Tractatum poſtuum, tentatum eſt in
Iure Canonico, ejus nunc periculum fa-
cere conſtuit in Iure Feudali; an non
videlicet prope deſertum & neglectum, ut
Canonici, ita Feudalis Iuris ſtudium
poſtliminio in auditoria Academica reduci,
Vobisſque commendari poſſint.

Quod putabam nullâ ratione effici poſſe
felicius, quam ſi é tenebris in lucem protra-
herem fugitiva quedam præſtantiffimorum
jſtorum opuscula, atque ita Vos tetricæ
Juris Civilis diſciplinæ mancipatos, paula-
tim excitarem, atque exſtimularem ad per-
diſcendas etiam, horis ſubciſivis, illas fa-
ciliores, & majorem juris Gentium ſimpli-
citatem, æquitatemque, remotis nodis &
apici-

PRÆFATIO.

apicibus Juris Civilis Romani, præ se ferentes constitutiones Juris Canonici, & Feudalis, quæ quo propius ad nostra tempora, & hodiernarum rerum publicarum formam accedunt, eo perniciosius earum ignorance in Foris & Academiis errari & peccari solet.

De utilitate & necessitate Juris Canonici dixi alias latius, & mei Vobis consilii, atque instituti rationem exposui.

De utilitate Juris Feudalis si idem nunc facere instituerem, argumenta, quæ hanc quoque Juris Romani & Hodierni partem commendant, non caperent hujus præfationis, maximè alienis operibus prefixæ, angustia, & tentarem

Rem nulli obscuram, nostræ nec vocis egentem.

Rogabitis forte rationem, quæ me movere potuit, ut hos Gul. Fornerii, & Ant. Coctii commentarios, ante seculum à Marq. Frehero, unà cum notis ad Constitutionem Feudalem Caroli Crassi Imp. editos, in lucem revocare, quam aliquod Vobis hodiernorum Scriptorum Systema interpretari

PRÆFATIO.

interpretari, aut ipse novum Iuris Feudalis Compendium, quo nihil erat facilius, componere maluerim. Ratio, quam quæritis, in promptu est. Videbam enim plerosque viros eruditos, qui his temporibus animum appellunt ad libros de Jure Feudali scribendos, vel nimis esse verbosos, quam ut eos in institutione Academicâ commode sequi liceat, vel nimis accommodatos ad peculiâres patriæ suæ consuetudines, quam ut in Collegiis, variis variarum nationum civibus, qui ad capiendum ingenii cultum ex omnibus orbis terrarum partibus ad Academias mittuntur, eam præstare possint utilitatem, quam & professores promittunt, & auditores exspectant.

Quare illos potissimum auctores quærendos, & consulendos existimaui, qui, ut in studio Juris Civilis faciendum esse res ipsa loquitur, & omnes æqui rerum aestimatores, qui de arte nostrâ in consilium mitti, & censere possunt, fatentur, ferè toti sunt in explicando paucis & perspicuis verbis illo Iure Feudali, quod est omnium maximè commune, id est, quod ex consuetudine

* 3

natum

PRÆFATIO.

natum, & duobus vulgò libris comprehensum, partem constituit Juris Civilis Romani.

Non inveniebam, qui hoc, pro ratione institutionis Academica, accuratius præstiterunt, quam Fornerius & Contius, qui in jure illo, quod dixi, Feudali communi occupati, in Feudis Gallie suæ sunt parcissimi.

E' quibus ad vestros si quid non pertinet usus,

Attamen exemplo multa docere potest,

ut Ovidii verba mea faciam.

Accedunt, ut in prior editione, Constitutio Feudalis Caroli Crassi, & ad eam Notæ, reconditæ in hoc Studiorum genere eruditionis plenæ, Marq. Freheri, Viri Cl.

His comitem adjunxi Franc. Hottomannum, in illo, quem nunc primum videtis, Tractatu postumo Elementorum Juris Feudalis, manu, nisi me oculi & omnia fallunt, Joh. Hottomanni, Fr. Fil. descripto. In quo insignis

PRÆFATIO.

*signis ille, & solo Cujacio minor, Icto-
rum coryphæus, totus est in exponendis
oratione perspicuâ, & verè Latinâ, pri-
mis Juris Feudalis communis principiis,
insuper habitis variarum Regionum dis-
sidentibus sæpe statutis, quæ auctor
Jurisprudentiæ cultores, post confecta
Academiarum spatia, ex sua quem-
que patriæ moribus & usu forensi, qui
optimus est rerum quotidianarum ma-
gister, quam ex Doctrinâ Academicâ
haurire satius existimavit.*

*Hæc ego Contii, Fornerii, ac Freheri
fugitiva, & diu desiderata, ac quasite-
nebris sepulta opuscula in usum ves-
trum iterum t. pis committere, & ea-
dem occasione expositum illum, ac pau-
cis fortè visum Hottomanni fatum è
bibliothecâ meâ, ubi aliquot annis de-
lituit, manumittere, quam ingentem il-
lam, & mole laborantem suâ scriptorum
multitudinem sine necessitate novo syste-
mate augere malui, qui persuasum ha-
beo, multa eorum, quæ his temporibus,
novorum librorum feracissimis, in lucem
edun-*

PRÆFATIO.

eduntur, proculabesse ab elegantia & eruditione horum aliorumque Lectorum, qui tanto numero proximè elapsam seculum, & Iurisperudentiam ornaverunt.

His ducibus & auctoribus subeissas horas in studio Juris Fudalis collocare, quod vobis & usui necessarium, & fructu uberrimum esse ipsi, vel me tacente, intelligitis. Viam autem rationemque in hac Iurisperdientia nostra parte proficiendi si queritis, eandem, ne longo Vos sermone morer, Vobis sequendam censeo, quam Cujacius, quo in arte nostrâ nihil politius, nihil eruditius unquam vidit Res literaria, de ratione universi studii juris rectè instituendi ab auditoribus suis consultus, his verbis monstrasse fertur: Facite, quod me videtis facere. Id est **LABORATE**, & ommissis fallacibus adolescentie illecebris, libros Iuris Civilis, quorum auctoritate, solis divinis exceptis literis, nulla nobis in terris major est, quaque partem quodammodo Iuris Civilis constituunt, monumenta Iuris Feudalis, & hos, quos vobis exhibeo & commendo, atque id genus alios melioris nota Interpretes.

Nocturnâ versate manu, versate diurnâ.
Valete.

Gul. Fornj

GUIL. FORNERII

ANTECESSORIS

Aurelianensis,

DE FEUDIS.

COMMENTATIO.

CAP. I.

DE JURE FEVDALI.

LEGES feudorum duobus libris contentę, partim ex *Conradi primi, Henrici primi & tertii, Lotharii tertii Friderici primi & secundi Impp.* institutionibus collectę, partim variis Medionensium, Cremonensium, Placentinorum, & populorum moribus descriptę, par-
responsis prudentum illustratę, Uberti
rtensii, Gerardi Capagisti, Philiberti E-
topi, commentariis locupletatę sunt.
arum non unus autor habendus est *Hor-*
tus: sicuti nec Digestorum unus *Ulpianus*,
is sententię in Pandectas, ut Hortensii
nos libros referuntur,

I. Autoritas quę sit, quęritur? Non du-
m est, quin apud Mediolanenses obrinu-
erint

erint iura hæc, populi moribus tacitè introducta, quæ *consuetudines feudorum* inscribuntur. *L. 32. de quibus, ff. de legib. toto tit. Cod. Quæ sit longa consuetudo. §. 9. Instit. de jure nat. gent. & civi.* Apud alias gentes non æquè valebunt, nisi quoad Impp. consensu approbatæ, & longa temporis diuturnitate ulitatæ fuerint. Nam quod publicè fit, probabiliter ignorari non potest, *L. 11. §. 3. ff. de Institor. actio.* & maxima est vetustatis autoritas, *l. 1. in fi. l. 2. in prin. l. vlt. De Aqua plu. arc. l. 3. § ductus 4. de Aqua quot. Novel. 23. de Appellar. c. 3.* Sed non tanta, ut necessitatem imponat iis, qui municipalibus propriisque civitatis legibus obsequi debent: quia in toto iure sanctio specialis generali derogat. *l. 41. sanctio, De pœnis, l. 80. de Reg. iur. c. generi, De reg iur. in 6.*

III. Quare his libris, unde multa nos in usum nostrum haurimus, tanquam bonis & æquis ferè passim utimur: non tam ideo, quod Franci vel Germani ea legislatione obligentur; sed quia, quemadmodum Romani leges Atticas imitati sunt, & Lacedæmoniorum mores, indeque suas duodecim Tabularum leges descripserunt, & in suam rempublicam invexerunt, *l. 2. De Orig. iur §. 10 Instit. De jure nat. gent. & ci.* & nos Romanorum iure, quasi eunomia, ad causas li-

tes-

DE FEUDIS COMMENT. 3

tesque dirimendas hodie utimur, *lib. 1. tit. 2. De feud.* Quid vetat quo minus & has beneficiariis litibus decidendis, unde placita feudalia manarunt, accommodemus? Nam & in iure pontificio crebra feudorum mentio est; imo & titulus, *cap. 1, § 2. Ext. de feud. c. 7. De constitut. c. 5. c. 17. De judiciis. c. penult. § ult. De pœnis. c. 7. De foro comp. c. gravem. De sentent. excom. cum sexcentis aliis.* Et verò in legibus Galliae municipalibus primum ferè locum sibi vindicat titulus *De feudis.*

IV. Feuda contra dispositionem iuris communis introducta esse non modo ex eo apparet, quod in universa Romana legislatione de his nulla mentio habeatur: sed etiam, quod in feudi successione æqualitatis inter heredes ratio non habeatur, *cap. 1. De feud. succ.* quam Romanæ leges tantopere commendarunt, *l. ult. Cod. de Lib. præter. l. 11. inter. C. famil. hercisc. l. 17. ut liberis, C. de collat. l. 77. cum pater filios. §. 21. De legat. 2.* Tum quod servitutis species sit feudum, *cap. ult. De ser. non ordinan. Lib. 1.* At omnis servitus mirè improbatur libero homini imposita, *l. 71. Titio, §. 2. De cond. & demonstr. l. penult. ff. de oper. libert. præterquam in redempto ab hostibus, l. ult. C. de cap. & post. l. 43. in fine, De legat. 1. & in liberto ingrato, l. 19. in-*

A 2

gra-

gratus, *De iure patro.* licet quidam dissentiant, qui caulantur hac inæqualitate diuturniorem familię memoriā conservari *l. 1. De vent. inspic.* ut apud Vascones, Normannos, & Britannos Armoricos, primo geniti filii in obtinendo patrimonio universo conditio iniquior, cæteris fratribus minoribus natu non potest non esse gravis; sed ea ratione familiam in plures non divisam facilius conservari.

V. Ex quo illud primum infertur; Feudum non præsumi, nisi probetur, *Bart. arg. l. 8, alius, C. De servit.* (Contrarium tamen in Gallia observatur) ut nec præscriptione, cuius non extat memoria, liberum potius esse prædium, *l. 6. comperit, C. De præscript. 30. vel. 40. annor.* quod & jure civili inductum videri possit, *ex l. 2. C. in quib. causis in int. rest.* inspiciendus est autem annus ultimus, ut intelligamus quis sit in possessione feudi, *l. 1. §. 1. De itinere actuque privato.*

VI. Secundo infertur, pacta omnia pœnalia adjecta in feudi constitutione, esse rejicienda, *l. 1. §. que oneranda, ff. quar. rerum act. non.* Ex his intelligitur male sensisse *Halondrum, Zasium*, & sequaces, cum de feudorum origine, de qua dicere paramus, disseruerunt.

DE

DE ORIGINE FEU-
DORUM.

I. Feudorum, quæ non modo Romanis legibus incognita, sed plerunque etiam ad- versa, originem à Romuli institutis onnuli repetunt, nempe à clientelis, Zasius *l. 2, De orig. iur. & c. 1, De feud.* Budæus *ad l. Herennius, §. 62. De Eviēt.* Cujus rei conjecturam capiunt, quod olim tenuioris & abjecti- oris fortunæ homines sese in procerum Ro- manorum clientelam conferrent jure applica- tionis, ut eorum patrocínio tuti, non tam fa- cile à potentioribus opprimerentur, *Dionys. Halicar. lib. 2.*

II. Etsi fateor inter patronum & clientem magnum necessitudinis, pietatis, & officii vin- culum intercessisse, ut hodie inter *Dominum* & *Vasallum*; duplici tamen ratione superiori sententiæ non subscribo: tum, quod illa. mutua clientelæ officia, de quibus *Gell. lib 5. c. 13.* personalia magis fuerunt, quam re- alia; feudum autem prædium datum deside- rat, quod in vetere clientelarum jure conces- sum nusquam reperies. Sed & in multis differunt, nec enim vasallus confert in do- tem filiaæ domini, nec dominum ære alieno

immersum liberare, & eximere carcere sua pecunia tenetur; *tit. si de feud. defunct. §. non est consuetudo, & ibi gloss. De alien. feud. pater.* quod cliens ille Romanus, de quo Halicarnass. & Gellius meminerunt, patrono suo debebat. Præterea etsi juris autores non uno in loco *clientum* meminerunt, *l. 5. §. 1. De his qui deiec. vel effud. l. 3. §. 1. De usu & habit. l. 7. §. 1. De capt. & postl. rever. l. 3. §. 6. de penu leg. l. 89. d. Furt. l. 3. C. Novat.* Tamen ad nostrum vasallum, (qui quandoque *clientulus* nominatur, *lib. I. tit. 10. & 13.*) applicari atq; accommodari clientela illa non potest. Obsequia pietatisque officia mutuò exhibita video; prædia jure feudi concessa nulla video, cum tamen feudum sine re immobili esse nequeat, ut statim in definitione ostendemus.

III. Lucas de Penna feudorum primam causam refert ad prædia tributaria & stipendiaria, de quibus *§. per traditionem. in fine. 40. Inst. de rer. divi.* Sed fallitur: cum feudum gratuitum sit, *beneficiumq.* nominetur. Cæterum illius loci explicatio ex Græca Theophili paraphrasi repetenda est, & Connano *lib. 3. cap. 1.*

IV. Sunt qui tradant, inde beneficiorum originem deduci, quod militibus prædia darentur. Viglius *Inst. de militari testamento.*
Ha-

Haloander *ad Novel. Iustini*. militias, *στρατείας*, eo sensu quo feudum dicimus, accipit apud Iustinianum, & Oldendorp. *in class. act.* Quod Antonius Augustinus in sua ad Lælium Taurellum *De militiis ex casu* epistola, refellit, & Lazius *lib. 1. cap. 2. de Repub. Romana*. Constat tamen veteranis agros fuisse assignatos, ejusq; vestigia extant in *l. Lucius 11. De eviction l. 15. §. 2. De rei vindic.* Qui agri duabus literis, A. V. *veterano assignati*, notabantur, interprete Valerio Probo, in libello *De notis antiquis*. Qua de re apud auctores *De limitibus agrorum* plus satis. Quo pertinet Cæsaris ad milites oratio apud Lucan. *lib. 1.*

Conferet exsanguis quò se post bella senectus?

Quæ sedes erit emeritis, quæ rura dabuntur,

Quæ noster veteranus aret, quæ mœnia fessis?

Harmenopulus *lib. 1. Epitomes*, *στρατιωτικὰ κτήματα*, *στρατιωτικὸς τόπος*, *prædia militaria*, *possessiones militares*, in quadam Zenonis constitutione vocat. Sed non omnis militia feudum est; sicut nec omne feudum, militia. Et feminæ feuda habent, *lib. 2. §. 30. De feud. femin.* Quin & regna apud Scotos, Britannos, Navarros, aliosque non paucos popu-

los feminis deferuntur, exceptis Celtis, ut ait Arist. *lib. 2. Polit.* ubi ait de iis qui parent muliebri imperio. Nec vero eæ militiæ, quæ in jure nostro emptæ, legatae, pignori datae leguntur, *l. 49. §. 1. de leg. 2. l. penult. in fine. De legat. 3. l. ult. C. de pigno. l. 18. . 2. De aliment. & cib. leg.* sunt pro feudo accipiendæ: sed pro officio seu ministerio sumendæ: cum officii & militiæ nomine idem significetur, *Conan. lib. 4. cap. 15. in fine*, cuius mercedes, Latine *commoda* dicuntur, *l. patronus 35. de leg. 3. leg. 23. d. adimend. leg. l. 1. c. de primip. Vitruvius in præfatione lib. 9.* Græcis recentioribus dicitur *ἐξουσία*, definiente Hesychio, liberalitas quædam & donatio à principe collata, & subsidia ad vitæ ulum necessaria, recentissimi Græci *ἐξουσία*, *ρογὰς*, vocarunt, ut Cedrenus & Zonaras. Sed id non est feudum. Neq. ad rem pertinet, quod ex historiis colligitur, agros militibus donatos fuisse, & Horatio Coclitæ tantum agri concessum quantum uno die aratro circumrari posset; Murio Scævola prædium trans Tiberim datum, & statuam exædificatam. *Dionys. Halic. lib. 4. Livius lib. 1. Decad. 1.* Quin & Marco Curio Dentato centum agri jugera publicè data, autor Plinius *de vir. illust.* Hæc non donata prædia, sed pro egregii facinoris mercede soluta sunt; & quidem in præ-

præteritam, non in futuram causam, *argum.*
l. 27. l. 34. §. 1. De donat. Feudum autem
 gratuitum est *Seneca lib. 3. De Beneficiis l. 1.*
De donat. l. 82. De reg. jur.

V. Quid ergo est? verius est, à variorum
 populorum legibus, moribus, & institutis ac
 temporibus Feuda manasse *tit. 1. lib. 2. De*
feudis In Gallia antiquitus feuda fuisse ex
Cæsaris lib. 6. De belli Gallico, colligunt
 quidam, cum ait, *vetustum in Gallis celebreq;*
clientum nomen; & quo quisque amplior esset,
eo plures clientes habere. More Gallorum (in-
 quit) *nefas est deferere clientes dominos suos,*
etiam in extremis malorum. Sed iis verbis non
 efficitur, nec inde apparet prædia clientes
 habuisse; quamvis de fide & mutuis officiis
 præstitis, nulla dubitatio sit.

VI. Crediderim paullo ante Caroli Magni
 tempora feuda cœpisse; & ex jure Longo-
 bardorum, qui à Carolo Magno bello supe-
 rati sunt, originem duxisse, ex bello; quia
 ob belli causam præcipuè feuda conceduntur,
lib. 2. tit. 1. & sæpe miles, in his libris *va-*
sallus dicitur. Quare ut miles ad belli neces-
 sitatem paratior habeatur, & sumtus bello
 necessarios facilius ferat, huc referenda sunt
 quæ de limitrophis fundis dicuntur, *l. 1. &*
3. C. de Fund. limitroph. l. 2. C. de off. præfekt.
prator. Orient. & Illyr. l. penult. C. de offic. mag.

milit. & lib. 1. Feud. tit. 1. & tit. 14. Lamprius in Alexandro, Quod de hostibus, inquit, captum fuit, limitaneis ducibus & militibus donavit; ita ut eorum essent, si heredes eorum militarent, nec unquam ad privatum pertinerent: dicens attentius eos militaturos, si etiam sua jura defenderent. Haftenus praefati, ad feudi definitionem divisionemque transeamus.

CAP. III.

DEFINITIO.

FEUDI.

I. Feudum est *Libera & benevola rei immobilis, vel equipollentis concessio, clienti facta, ejusve heredibus maribus legitimis, per investituram, cum utilis dominii translatione, recepta reservataque proprietate, sub fidelitate & exhibitione servitiorum, seu obsequiorum honestorum. Feud. lib. 2. tit. 23. cujus definitionis singula verba suum pondus habent & suam sententiam; ideoque sigillatim exactiusque enucleanda.*

II. *Benevola.*] Substantia feudi est liberalitas & benevolentia, & ut gratuitum sit feudum. *lib. 1. tit. penult. §. beneficium, lib. 2. tit. 23. Unde distinguitur ab Emphyteusi, quæ pecuniam mercedemq; desiderat.*

III. *Rei.*] Feudum pro re accipimus: ut
à ve-

DE FEUDIS COMMENT. II

à veterum clientela distinguatur, in qua patronum dedisse clienti prædium nusquam legitur.

IV. *Immobilis.*] Quia mobilia ideo in feudum non dantur, quod ætatem non ferant, facileque usu corrumpantur. *d. tit. 23.* In quo feudum ab usufructu differt, qui in servis, pecudibus, & iumentis, oleo, vino, frumento, statuis, imaginibus, cæterisque rebus, usu perituris constitui potest. *§. constituitur 2. Inst. de usufructu.* feudum verò in heredem migrat, *d. §. beneficium, § lib. 2. tit. 8 § tit. 26.* In quo feudum cum emphyteusi, de qua supra tactum est, convenit.

V. *Æquipollentis.*] Cujusmodi sunt redditus, nummi, annui redditus, *Novell. 7. 120. l. jubemus. 14. C. de sacrosanct. & cl.* pensiones ex camera, cavena: superficies solo non cohærentes. *tit. 1. lib. 2. §. 1.* ut est ius piscandi, venandi, aucupandi, lapides scindendi, vectigalia & portoria (quæ *pedagia* vocant) colligendi, *Alvarot. d. §. sciendum.* Item decimæ quæ Laicis dantur, & campi partus seu fructus, ut ex Aurel. aliisque Gallicis constat: quod ius jam Lateranensi concilio antiquatum est. *Zafius 4 parte feudorum. Duarenus lib. 7. cap. 1. de sacris minister.*

VI. *Heredibus maribus.*] Natura feudi est, ut ad heredem transmittatur, *lib. 1. tit. 25.*

nisi

nisi personalia sint, quæ interdum ad tempus dantur, ut feudum Guardix & Gastaldix, *lib. 1. tit. 2. insuper Parisiorum lege. tit. 1. §. 2.* Masculis autem regulariter solis, quasi familie columnis, *l. 195. De verb. signif.* Feuda, exclusis fæminis, deferuntur; nisi aliter pacto sit conventum; alioqui non admittuntur exstantibus masculis, *lib. 1. tit. 1. §. 3. & tit. de feud. fæmin. lib. 2. tit. 30.* Hinc nata est vetus Lex Salica, ex eodem scilicet fonte, unde & hi libri profluxerunt, cujus vis & usus inde usque à Philippi Magni ætate fuit, si Aristoteli credimus, *lib. 2. Polit. in verbo, ἐξω τῶν κέλτων, de qua Papon. lib. 4. tit. 1. Arrest. 2.* Similis fuit Romanorum lex Voconia, de qua Tullius non uno in loco, Theophil. *initio tit. de leg. Falc.* quæ fæminas à successionem arcebat, sublata per *leg. ult. C. d. hered.* renovata in feudis, moribus Galorum.

VII. *Per investituram.*] Sine investitura nec constitui feudum, nec comparari potest, *lib. 2. tit. 2.* Fit autem investitura hastâ, annulo, baculo, vel alia re corporali porrecta, ut infra latius.

VIII. *Utilis dominii.*] Etsi feudum transeat ad heredes, nec sine culpa auferatur, *lib. 1. tit. 21. De feud. sine culp. non amitt.* utile tamen dominium transit in accipientem, re-

remanente penes concedentem proprietate, *lib. 2. tit. 8.* in quo accedit emphyteusi, qua prædia perpetuo fruenda conceduntur *l. 1. Si ager vecting. l. 1. C. de jure emphyteut. §. 3. l. d. loc.* Nam & fruenda dantur clientibus beneficia, *lib. 2. tit. 23.* in quo differunt ab usu fructu, qui morte extinguitur, §. 3. *l. d. usufructu.* Feuda vero in perpetuum dantur, exceptis paucis, cujusmodi est *feudum Guardia & Gastaldia*, *lib. 1. tit. 2.* Sed ea quæ rarò accidunt, definitionem ex communiter accidentibus conflata non vitiant.

[IX. *Exhibitione servitiorum.*] Pro fide & obsequio fidei, (unde feudum deducunt, *lib. 2. tit. 3.*) iusiurandum necessarium est, quod obsequium seu servitium, *Homagium* seu *hominium* vulgo vocant, id est, servilis quædam opera; non quod verè servus sit cliens, ut videlicet cum hominem in jure simpliciter dicimus, servum significamus; sed obnoxius tantum. Sic posteriore sæculo *homines* dicuntur subjecti, clientes, domestici, vasalli, *l. 4. C. de dignit. l. 1. de cond. & hominib. domus Augusta. Cod. Theod. l. 5. eod. C. de repar. appellat. l. penult. & tit. C. just. de censit. per equat. & in spec. Cassiodorus lib. 10. epist. 5. l. 2. §. 1. C. de Episc. & Cleric. l. 1. C. de commerc.*

[X. *Honestorum.*] Honestæ obsequia esse oport-

portet, cum nulla rei flagitiosæ obligatio sit, *l. 26. l. 123 De verb. oblig. l. 12. §. 11. ff. mand.* Unde abrogatæ sunt turpes Gallorum beneficiaræ leges, quibus licebat patrono prima nocte cum desponsata clienti puella concumbere: & merito, ut nec libertus patrono in turpibus obsequi tenetur, & inhonestas operas detrectare potest, *l. 38. De oper. libert.* Sic nec vassallus domino turpia imperanti parere cogitur. *lib. 2. tit. 28.* sed nec servus domino in turpibus obsequitur, nec in facinoribus dicto audiens esse debet *l. 21. ff. rerum amotar. Theoph. ad §. 1. l. de jure nat. §. l. 20. De oblig. & act. l. 17. §. 7. De injur.* veluti incendere templa, ædificiis publicis manum inferre, hominem jugulare, *Quint. declam. 380. & 257. Seneca declam. ult. lib. 3. Gell. lib. 2. cap. 7.* Impossibile enim nulla est obligatio: turpia autem jure impossibilia censentur, *l. 15. ff. de cond. instit. l. 125. De verb. signif.* Honesta igitur obsequia esse debent, in quo & illud continetur, in generali feudi seu jurisiurandi conceptione, tacite excipi obligationem, qua superiori juratus obligatur.

XI. Huic definitioni non obstat, quod pecunia interdum ex pacto intervenit, ut *lib. 1. tit. 27. lib. 2. tit. 24.* & moribus nostris feuda non plane gratuitat sint, sed interdum mercedem pensionemque desiderant. Nam hoc
jure

DE FEUDIS COMMENT. 15

jure Longobardorum rarò fit; nec est omnino contra substantiam feudi, sed contra naturam tantùm, id est, solitam legem. Pacta quæ contra naturam & ingénium contractus sunt, adiici quidem possunt: quæ verò substantiam ipsam lædunt, adjecta nullius momenti sunt *pen. l. 5. ul. l. 72. De cont. empt. l. 12. De præcario.* Simile est pactum, ut ex deposita pecunia domino usuræ præstentur, id quidem notissimos depositi fines, id est, naturam excedit: sed tamen valet. *l. 24. ff. deposit. l. 11. ff. d. reb. cred. l. 27. ff. de donat. caus. mort.* Hactenus definitio; divisio sequitur.

CAP. IV.

DIVISIO FEUDORUM.

I. Differentia Feudorum est multiplex. Prima hæc, ut sit *feudum antiquum*, id est, paternum vel avitum; vel *Novum*, id est nunc primum à cliente quæsitum, cujus apud Gallos discrimen maximum est; quia filius patri vasallo heres nihil debet, præter obsequium & fidem: extraneus autem possessor multo amplius debet. Hujus speciei mentio fit *lib. 2. tit. 11. tit. 14. & tit. 50.*

II. Secunda: *feudum vel Rectum* est, id est

est *purum*, vel *conditionale*. *Purum* est, quod habet rectam propriamq; naturam feudi: *Non rectum*, cui inest conditio, ut non revocetur, vel pactum ut alienari possit. Deniq; cui hoc ex feudo inest tantum, ut amittatur ex his causis, ex quibus solet amitti feudum, *lib. 2. tit. 26. §. feudum*, & *tit. 28.* Simile ius Gallicum; quo indistincte permixta est clienti beneficii alienatio, Lotharii & Frederici constitutione id prohibetur.

III. Tertia: feudum aliud *Ligium*, id est, supremum; aliud *Non ligium*, id est, subalternum. *Ligium* proprie est, quod à summo Principe concessum, nullius inferioris obsequii exceptionem adjectam habet. *Non ligium* verò, quod ea lege & conventionem fidem obsequiumq; promissit, ne de superioris jure quidquam decedat, seu salvo jure superioris, *lib. 2. tit. 28. §. 55. in fin.* Cujus differentiae mirum in his libris silentium, frequens in historiis mentio est, & in Clementinis, & apud Speculat. *tit. de feudis.*

IV. Quarto feudum aliud *Regium*, aliud *Non regium*: *Nobile*, vel *Plebeium*, id est, (ut quibuldam placet) quod possessorem suum *nobilem* efficiat, vel *non*. *lib. 1. tit. 14. §. lib. 2. tit. 34.* Sed mihi non placet indistincte quemquam à prædio nobilitari, quamvis nobili; sed à principe tantum; neque id simpli-

DE FEUDIS COMMENT. 17

pliciter; sed ita demum, si quis à Principe de Marchia, Ducatu, vel Comitatu investitur, *tit. 14. lib. 1* Nam si prædium nullam dignitatem annexam haberet, non pariet possessori suo nobilitatem: veluti si Rex vel Imperator de uno manso, nullam dignitatem habente, quem investierit, id est, agro quem par boum uno die arare possit, *lib. 1. tit. 4. §. 5 & c. 1. Ext. de cens.* Si autem annexa sit feudo dignitas, eaque præcellens, non dubium est, quin ejus concessione nobilitas quoque tributa censeatur. Nam cum dominus servum tutorem facit, tacite eum liberat, *l. 32. in fine ff. de testa. Tut. & Instit. §. 1. Qui test. tut.* Et qui jurisdictionem mandat, omnia transferre intelligitur, sine quibus jurisdictio explicari non potest. *l. 1. De jurisdict.* Et concessa servitute omnia permixta censentur, quæ ad usum servitutis necessaria sunt; ut, substructio pontis, *l. 3. in fine, De itiner. actusq; privato l. 10. de servit.* Denique concessio aliquo jure, præcedentia quoque, adjuncta, & consequentia accedunt, sine quibuseo jure quod consecuti sumus minus commodè uteremur, *d. l. 3. & 10. vel ad id etiam non perveniremus, l. 56. l. 62. De procurat.* Eadem igitur ratione feudum dignitate præditum à principe collatum, dignitatem nobilitatemque suo possessori concilia-

B

lia.

liabit. Utapud Gallos Episcopus Belvacensis, Laudunensis, Rhemenfis, non solum Comitatum & Ducatum habent, sed etiam regni fiunt Pares ex illis duodecim, qui par excellentiam dicuntur *Les douze Pairs de France*.

V. Non est autem in dubium revocanda hac in re Principis potestas: potest enim nobilem creare nec fas est, an minus digne contulerit, de eo disputare, *arg. l. 3. ff. de offi. prætor. l. 57. in fin. de re judicat. l. 3. C. de crim. sacril. l. 5. C. de divers. rescrip.* Nobilitate ergo recens à principe donati, verè sunt nobiles; sed *novas imagines* vocat Plinius, ut distinguantur ab iis, qui ab antiqua stirpe nobilitatis suæ originem ducunt. In quo illud observandum est, ne sit obreptum Principi, *arg. d. §. 1. Inst. qui testam. tut.* Sed & pœna merito iis irrogari possit, qui plebei cum sint, audent tamen cultu & insignibus nobilium sese nobilibus æquare, eorumque jura usurpare, *arg. l. unica. C. ad legem Visell. l. unica. C. quand. civ act. cum Vlp. in frag. tit. 3.* Ubi puniuntur libertini, qui ingenuorum jura & ornamenta sibi vindicant. & hæc quidem hactenus.

VI. Universam de re beneficiaria seu feudali distinctionem, in tria capita distribuemus, Vlpiani exemplum secuti, in *l. ult. De legib.* Aut enim de acquirendo, aut retinendo,

DE FEUDIS COMMENT. 19

do, seu tenendo; aut amittendo, seu alienando feudo differemus.

CAP. V.

DE ACQUIRENDO
FEUDO.

TRIBUS modis Feudum acquiritur, *præscriptione, investitura*, id est, traditione, & *successione*; quorum duorum quidem posteriorum tantum meminit Ubertus *lib. 1. tit. 5. in fin.* Sed non est difficile ex aliorum locorum collatione, tertiam speciem adjicere, *lib. 2. tit. 26. §. 4.*

CAP. VI.

DE PRÆSCRIPTIONE.

I. Quisquis xxx. annos beneficium, nulla antecedente investitura possedit, fidemq; domino dedit, ei: pro more clientum obsecutus est, præscriptione se tuebitur, *d. §. 4.* hoc enim temporis spatio omnes fere actiones jure Romano extinguuntur, *l. 3. §. 4. C. de præscript. 30, vel 40 annorum.*

II. Quod in privatis duntaxat obtinet. Nam quæ ab ecclesia vel repub. feuda proficiscuntur, partim xl. partim centum an-

B 2

nis

nis acquiruntur. *l. ult. cum Anth. sequent. C. d. sacrosanct. Eccles.*

III. REGULA: 2. Dominus xxx, annis beneficium, quasi ad se reversum possidens vasallum vindicantem repellit, *d. § 4. & §. ult. lib. 2. t. 26* Sed & idem dominus à quovis extraneo possessore plenum dominium vindicabit; si quidem tanto tempore bona fide possederit. *l. penult. C. de præscript. 30, vel 40 annorum.* hoc Galli dicunt *facere ex fendo dominium*, apud Carnutenses *articulo. 65.* Latini, *consolidationem* nominant, Græci, *συλλογιζω*, *Theoph. §. ult. de usufruct.* Galli, *rennion.* Est enim illa tricennalis præscriptio à Theodosio instituta, securis litium, finis controversiarum, patrona juris humani, quæ etiam in publicis obtinet, *Cassiodor. lib. 3. epist. 31. lib. 5. epist. 37. in fine, Procopius de bello Vandalico lib. 3.* Male * Rævardus & Vinctus apud Sidonium (*lib. 6. Epist. 8.*) de hac re agentem *triennalis*, posuerunt, juris imperitia.

IV. Moribus Gallorum nec cliens domino, nec dominus clienti præscribit, propter necessitudinem, & jus amicitiae ultro citroque contractæ. *Parisien. leg. tit. 5. artic. 7. & 67. Aurelianens. art. 18. & tit. de præscript.*

* Rævardus & Vinctus notati.

DE FEUDIS COMMENT. 21

art. 3. & 4. idque non sine æquitate. Nam ut jure civili Romanorum inter socios & coheredes locum non habet longi temporis præscriptio l. 3. & 4. C. in quib. caus. cess. long temp. utque qui pro alio possidet, nullo tempore præscribit, l. 2. C. de præscript. 30. vel 40 annor. ita nec vasallus, salva bona fide, jus patroni in se transferre præscriptione, quæ bonam fidem perpetuo desiderat, c. possessio, De reg. jur. in 6, cap. vigilant, c. ult. 10. de præscript. Nam perfidiæ ansa præberetur, si præscriptionem hoc casu admitteremus, cum à sociis conjunctisque personis nobis non caveamus, ut facilius rem neglectam & jacentem interceptam usurpare possint, & nobis obrepere, Cic. pro Roscio Amer. Quod ad extraneum non pertinet, nec ad centenariam seu sæcularem præscriptionem, ex quo homines meminerint: quæ quidem semper propter vetustatis auctoritatem excepta intelligitur, cap. 1. X. de præscrip. in 6. Nam antiquitati rerum standum est, quoties aliunde fides peti non potest, l. 1. in fin. l. 2. in pr. l. ult ff. de aqu. pluvia. l. 3. §. 4. ff. de aqu. quot. magnum est enim vetustatis pondus, magna dignitas & auctoritas l. 28. D. probat. Item licet vasallus totum feudum vel contra dominum usucapere nequeat, partem tamen poterit: & hoc est

B 3

quod

quod dicitur in Aureliana consuetudine, *non à toto, sed quanto*, id est, pro parte præscriptionem inter has personas admitti. Ceterum quod dicitur *lib. 2. tit. 26. §. si quis triginta*. Ita verum est, si duo concurrant. Primum ut alteruter possederit xxx. annis; deinde ut tanquam feudum jure clientelari possederit. Non obstat quod unius anni spatium dicitur, quia id pertinet ad conditionem iurisdictionis, utrum domino an vasallo ex justa causa potius deferatur, si testes investituræ nulli fuerunt adhibiti, à quibus probatio exigeretur: Sed hæc ad præscriptionem non pertinet. Non adversatur *tit. 34. lib. 2. §. 1. nec tit. 55. vers. Nos autem*, ubi dominus alienationem revocat, idque nulla præscriptione obstante, quod nonnulli ita diluunt, ut præscriptio solvatur x. vel xx. annorum, *quæ longi temporis possessio* dicitur, *l. ult. C. de præscript. long. temp.* non de tricennali, de qua *d. §. si quis triginta*, quod mihi non placet. Itaque verius esse crediderim, hanc quoque tricennalem intelligi, ac rejici, quoties feudum contra præcepta legum dominiq; voluntatem alienatur: ut singulare sit, nulla possessione, nulla exceptione domini directi jus convelli posse. Nam cum mala fides possessori non suffragetur, *6. possessor, De reg. jur. in 6. malæfidei* autem
po-

possessoris sit, qui contra interdicta legum mercatur, l. 7. C. de agric. & censit. c. contra, De reg. jur. in 6. non dubium, alienati contra Imperatorum Lotharii & Frederici constitutiones feudi præscriptionem defendi non posse. Hæc de præscriptione: sequitur ut de investitura disseramus.

CAP. VII.

DE INVESTITURA, SECUNDO ACQUI- rendi modo.

I. Naturalis acquirendi beneficii modus est investitura, id est (ut scribitur lib. 2. tit. 2.) *Posseſſio, qua fit quando hasta vel aliud corporeum quodlibet porrigitur a domino feudi, testante se investituram facere, idque solenniter presentibus & adhibitis testibus, paribus curiæ seu convasallis, vel iis deficientibus, extraneis saltem.*

II. Dicitur, *vel aliud corporeum*, cujusmodi est annulus, c. 4. X. de concess. prebend. Paulus Æmilius lib. 5. Gallicæ historiæ: *investitura ecclesiastica, baculique sacri, ac annuli dandi jure cessit Augustus.* Baculi, annuli, gladii, hastæ, vexilli, glebæ ex fundo arreptæ traditio, ritu solemnī facta, argumen-

tum est possessionis *c. 2. X. de consuet. ubi Sco-*
tatio vocatur, & tit. 1. de pace tenen l. 77..
§. 2. de leg. 2. l. 9. §. 6. de acquir. rer. dom, l. 1
§. pen. de acquir possess. l. 1. C. de crimi. ex-
pil. hered. Sed ita demum clauium traditio
 possessionem transfert, si res præsens sit,
 neque tantum pedibus, sed & manibus &
 oculis possidemus rem præsentem vel certe
 demonstratam, *l. 74. de contrah. empt. l. 51.*
de acqui. possess. l. 79. de solut. l. 2. C. de peric.
& commod. rer. vendit.

III. Non est igitur investitura proprie tra-
 ditio, ac nec possessio vera, sed nota quædam
 ac argumentum tributum feudi, cum præce-
 dit contractus, fides sequitur, tum ritus sus-
 cepti clientis in præsentia testium, denique
 possessio nam hic ordo servatur: nec aliud
 est investitura quàm confirmatio promissi
 feudi. *Vestire* enim Longobardis est *confir-*
mare & constituere. ut errare videantur ii qui
 Latinam vocem putant *investituram*; quam-
 vis non negem, *vestituram* à iō sensu dici,
 & *investmentum* à Livio lib. 4. Sed nihil ad
 rem, ut & ii improbè calumniantur Azonis
 traditionem de vestitis pactis; quæ nudis op-
 posuit, non quod veste tecta sunt, ut Quin-
 tinus in *Analect*, & *Corrasius* in *Miscellaneis*
 deriserunt; cumq; futorem pactorum ne fri-
 gescerent, dictitarunt, ignari vocis antiquæ
 qua

qua pacta vestiri, id est confirmari re secuta, stipulatione, lege dicebantur, *gloss. l. juris gent. 7. de pactis*. Sic investitura feudi confirmatio est testibus adhibitis facta, *lib. 2. tit. 58. c. 3. §. idcirco. c. 3. X. de de his quæ fiunt à major. part.*

IV. Inde quæritur, an cum extranei testes non sint idonei, exceptis feudis clericorum *lib. 1. tit. 26.* an sint idonei, qui pares esse desierunt, qui vasalli erant tum, cum promitteretur feudum, sed amplius non sint tempore investituræ. *Resp. lib. 2. tit. 19.* valere testimonium. Quod diligenter notandum pro pondere testimonii, ut ad reigestæ tempus referatur qualitas conditioq; testis, non solum ad tempus quo testimonium dicitur. Quæritur etiam, utrum investitura fidelitatem præcedat? & præcedere debet. *lib. 2. tit. 4.* ubi obiter observa Amphibologiam, similem veteri oraculo: *Aio te Æacida.* & ei quod extat in *l. alio. 9. ff. de aliment. & cib. legat. eos alere te volo.* Sed hæc obscuritas tollitur ex *tit. 7. in fin lib. 2.* ubi sicut & in duobus præcedentibus titulis, concepta fidelitatis formula describitur.

V. Quæritur, præstita fide, factaque investitura, si dominus in possessionem inducere vasallum nolit, cogere possit? Et *d. tit. in fin.* traditur, compelli posse, & per

moram ad omnem utilitatem obligari: quamvis jure civili, qui promisit tradere, præcise non cogatur, sed præstando eo quod interest, liberetur, *l. 1. l. 12. De Action. empt.* ut accidit in omnibus faciendi obligationibus, quæ in obligationem ejus quod interest transfunduntur, *l. 13. in fi. de re jud. l. 72. vers. Celsus, De verb. obligat.*

VI. Duplex est investitura propria scilicet & impropria. Propria corporalis, de qua jam dictum est; altera verbalis tantum seu civilis, quam Gellius *festucariam* vocat, *lib. 20. cap. 10.* id est, adumbrata & imaginaria possessio, quæ solo domini testimonio nixa sufficit, etiamsi desint alii testes. Cur enim ei non credatur, cujus potissimum interest? *arg. l. 3. §. 1. D. sc. filan.* Cur si vassallus contentus sit domini confessione, aliena solemnia desiderabimus? Et hodie hoc jure utimur in Gallia.

VII. Ut autem rectè atq, ordine fiat investitura, quatuor hæc dispicienda sunt. Primum, an is qui investituram fecit feudumve dedit, facere dareve possit. Deinde, an is cui dederit, sit idoneus. Tum, an ea res data sit, cujus dandæ facultas fuerit. Postremo, an eo ritu, quo debeat, & solemnibus adhibitis facta sit: in quo nos Hermogeniani partitionem imitamur in *l. 7. §. 1. ff. de*

de confirm. tuto. Primum igitur videamus,
qui feudum dare possint.

CAP. VIII.

DE HIS QVI FEVDVM

DARE POSSINT.

I. Feudum dare possunt ii penè omnes,
quibus rerum suarum alienatio non est inter-
dicta, id est, domini. Quo in numero ha-
bentur & viri ecclesiastici, veluti Episcopus,
Archiepiscopus, Abbas, & reliqui deinceps
clerici, *lib. 1. tit. 1. 6, 26.* Ergo & Roma-
nus Pontifex, qui aliis præest, *can. cuncta:*
6. q. 43.

II. Sed ita, si res infeudari potest, id est,
in feudum dari solita sit. *d. tit. 1. § 6.* Ne-
que enim decimæ à clericis in Laicos trans-
ferri possunt, prohibente id Lateranensi con-
cilio, *cap. prohibemus, 19. X. De decim. cap.*
cum apostolica. 7. de His quæ fiunt à prælat. Si-
lius in 9. canon. cap 2. cap 5. § 6. Etsi solem-
nia servantur, de quibus *can. sine exceptione.*
12. q. 2. c. nulli, De rebus eccle. non alienand.
Novell. 7, § 120. Auth. hoc jus, C. de sacros.
eccl.

III. Sed & nulla dubitatio est, quin viri
ecclesiastici suum ipsi patrimonium ab eccle-
siæ

siæ peculio distinctum, in feudum dare possint liberè, sicut & testari de suis facultatibus, *Apost. can. 40. can. sine manifeste. 12. q. 2.* quo pertinet tit. *de peculio cleric.* Quare si quid clericus de suo patrimonio delibare & in feudum concedere velit, proclivius est ut sine capituli consensu solitaq; solennitate valeat investitura, *d. tit. 26. vers. in clericorum.*

IV. Reges, cæteri; principes, qui præter Deum superiorem non agnoscunt, feuda vel regalia, id est, dignitatis expertia, ut villam, fundum, silvam, *d. tit. 1. & lib. 2. tit. 10.* Quin & omnes Laici, rustici, plebei que feudum dant, quod dicitur *ignobile*, *d. tit. 10.* si tamen mentis suarumque rerum compotes sint, ne eis interdicta sit alienatio, *l. 7. ff. de donat.* ut surdo, muto; prodigo, furioso, *l. 2. tit. 3.* quo loco & fæminæ id licere traditur & minori xxv. annis, in feudo scilicet veteri confirmando, non novo conferendo.

V. Hic tractatur de tutore, cujus auctoritatem in veteris feudi investitura necessariam esse negat Accursius. Tum quod feudum, ut ager vectigalis, amplius tradentis non sit, *argum: l. 1. si ager. vect.* Tum quod pupillo paternum debitum solvere necesse sit, *c. 1. X. de solut.* & quidem sine prætore autore, *l. 5. §. 6. de rebus eorum.* Idemque Zasius
part.

DE FEUDIS COMMENT. 29

part. 5. sentit. Ipse ab utroq; dissentio. Tum quod feudi dominium non absolute in accipientem transferatur, ita ut aliquo casu revocari non possit, ut latius ultimo hujus tractatus capite disseram: Tum quod pupillus nihil quidquam, nisi cum conditionem suam meliorem faciat, sine tutore agat, l. pupillus De auct. tutorum. Nec obstat d. l. 5. quæ decretum prætoris necessarium non dicit, at tutoris consensum auctoritatemque non excludit: est enim tutor in re pupillari loco domini, l. 11. Quod vi aut clam. l. 7. § 3. Pro empt. l. 27. de administ. tutor. l. 56. § 4. De furtis.

CAP. IX.

DE HIS QUI FEUDVM
ACCIPERE POSSUNT.

I. Feudum accipere omnes, qui non prohibentur, possunt. Quin & mulier, & servus, nisi in eorum conditione erretur, lib. 2. tit. 3. § personam. Minor etiam beneficii capax est: nam etsi fides necessario danda est, & ante annum decimum quartum nemo juret, offertur tamen iurjurandum in maturam ætatem. lib. 2. tit. 26. §. si minori, legitima autem & idonea ætas Gallis censetur 20. annus. l. Parisiens. tit. 1. l. Aurelianensi tit. 1. 11. Mo-

II. Monachus quoque & clericus feudum accipit, *c. ex transmissa. 6. X. De foro compet. & Panor. cap. 5. X. De judic.* Zasius tamen parte v. aliter sentit; atq; in eo disputat, monachos solitudini mancipari, 16 q. 1. Clericis armorum usu interdici, *c. 1. X. de vita & honest. cler. militantes Deo secularibus negotiis implicari non decere, can. placuit, 21. q. 3.* Denique eo ipso quod arma non capiant, feudum amittere, *lib. 2. tit. 26. §. qui clericus.* In quo vir magnus labitur, ejusque sententia aperte refellitur, *lib. 2. tit. 40. in fine d. c. ex transmissa*, ubi clericus feudum habere potest: nec animadvertit posse eos, qui ad belli munera obeunda inepti sunt, à Domino necessitate præstandorum obsequiorum, si hoc eis indulserit, ut vicaria substituti opera utentes serviant, *lib. 1. tit. 24.* quo passim jure utimur in Gallia, Nec obstat *tit. 21. lib. 2.* nam ibi agitur de feudo militi primum dato militaris industriæ causa, non clerico; cui gratificari dominus ab initio potuit, & Francum feudum, id est, immune concedere: alioqui initium primaq; feudi conditio & lex investituræ primum dicta spectabitur, ut si minus idonei ad bellum, veluti mutus, claudus, cæcus, adversa valetudine impeditus, monachus, & alii, non retineant feudum primæ investituræ causa, *lib:*

lib. 2. tit. 26. tit. 30. item tit 36. in fin.

III. Feudum accipere prohibetur, quisquis se ad fidem (unde & feudum derivari opinantur) sacramento obstringere detrectat, *lib. 2. tit. 3. in fine.* Item adoptivus relictum à patre civili feudum non accipit, § *adoptivus. d. tit. 26. lib. 2.* Adoptivorum jura in succedendo legibus Romanis præscripta hîc non sequimur: qui, quamvis legitimis & naturalibus comparentur, plerumq; eorum tamen conditio hîc deterior est, & jure Romano quoque in nonnullis articulis, *l. 42. De bon. libert. l. 7. De bon. damnat. l. 51. in fin. De legat 2. l. 76. De cond. & demon.*

IV. Item si nuptiæ contrahantur: ne filii ex eo matrimonio nati patri ab intestato succedant vel non succedant in feuda, sed in allodia tantum & res mobiles, quæ pactio jure civili damnata est, *l. 15. C. de pact. l. 2. C. de collat.* Jure Longobardorum & Legge Salica probata, *lib. 2. tit. 26. §. filii. & 29. de filiis natis ex matrim. ad morganaticam contract.* legendum, *morgegavicam*: vox antiqua Longobardorum, ex duabus conflata, quarum prior diem matutinum, posterior donum, quasi *Morgen gab* / id est, donatio à viro uxori facta ipontaliorum die, ducta origine à tempore, quo id fit. Græci *ὑπόθεσις*, Latini *donationem propter nuptias* vocant.

V. Le-

V. Legitimi ergo succedunt in allodiis, sed ex pacto à feudis removentur. Jure civili æqua est conditio legitimorum, eorumque qui ante nuptias suscepti secuto matrimonio legitimorum jura consequuntur, *l. 23. C. de nupt.* Sed & moribus nostris, quamvis rara sit adoptio, non prorsus tamen rejicitur. Nunc obtinuit, ut qui liberos non habet, possit in alium transferre feuda ea conditione, ut adoptatus & nomen & insignia vel stemmata ferat. Extat apud Cassiodor. adoptio facta per arma, *lib. 2. epist. 14. & epist. 2. lib. 8. epist. 1. & 9.* Deniq; nec pupillus, nec adultus, nisi tutore vel curatore autore feudum capit. Zasius *5. parte*, contra sentit, cui non assentior; quia pupillus sine tutore non obligatur, *l. 5. De auth. tut.* nec ad lucrum quidem captandum, *§. 2. De auth. tut.* ne scilicet litibus implicetur, *l. 6. De minor.* accepto autem feudo nascitur ad servitia seu obsequia obligatio: quæ si pupillus, ubi adoleverit, non præstet, feudo privabitur. *tit. 55. §. 1. in fine.*

QUARVM RERVM FIAT INVESTITURA

I. Univerſa hæc quæſtio decem ſequen-
tibus pronunciatis continetur. In primis,
quæ res alienari non poſſunt, in feudum
non dantur, *lib. 2. tit. 3. §. ſed etiam*. Feu-
di enim datio alienatio eſt, quando & id
quod minus eſt, ſcilicet pignus, ſervitus,
& uſus fructus, alienatio recte dicitur, *No-
vell. 7. §. l. ult. C. de reb. alien. non alienan.*
Unde rei Eccleſiaſticae inveſtitura nulla eſt,
l. 14. C. de ſacroſ. eccl. niſi forte ſolitæ ſint
infeudari, lib. 1. tit. 1. §. tit. 6. cap. 2. X. de
feud.

II. Mobilium rerum non fit inveſtitura,
lib. 2. tit. 1. in fine. niſi immobilium natu-
ram ſequantur, ut penſiones, redditus, num-
mi, panes civiles, teſſere frumentariæ, *No-
vell. 7. Clement. exiit. De verb. ſignif. l. ult.*
C. de jure dotium.

III. Occupatum à meo cliente feudum
alteri poſſidendum, citra ejus conſenſum,
dare nequeo, *lib. 1. tit. 9. tit. 22. in fine. tit.*
27. in ſi. lib. 2. tit. 26. §. moribus. tit. 35. tit.
55 §. præterea ducatus, qui omnes loci in can-
dem recidunt ſententiam.

C

IV. Rei

IV. Rei communis pars rectè infeudatur, & vassallus consortem domini sui ad divisionem compellit, *lib. 2. tit. 58. §. item sciendum*: re autem perperam divisa, poterit se læsum conqueri, & XL. annos beneficio adæquationis uti *Alvarot. d. §. sciendum*. Quod jus adæquandi profectum quidem est ex Longobardorum legibus, *lib. 2. Tit. de præscript. l. si inter fratres*. Sed ejus ratio peti potest à jure Romano. *l. 17. C. de collat. & l. 3. C. com. utriusq; judic.* in qua quod dicitur, perperam factam divisionem in melius reformari oportere, nihil aliud est quam exæquationis inter consortes jus. Male vulgo in eo desiderant læsionem supra dimidium justii pretii, ut in emptione, *l. 2. l. 8. C. de rescind. vend. c. 3 c. 6 X. de empt.*

V. Feudum acceptum cliens subinfeudare non prohibetur, si modò sine domini fraude, & consensu accedente id fiat, *lib. 2. tit. 9. & tit. 36.* partem autem sine domini consensu alienare potest, *lib. 1. tit. 8.* sed æquè idoneus & sufficiens est subrogandus, alioqui eum investire dominus non tenebitur,

VI. Contractus beneficiarius non de nostris tantum, sed & de communib. reb. fieri potest, *lib. 2. tit. 58. §. 3.*

VII. Sed & rei alienæ investitura fit, *lib. 2. tit. 8.* ut & jure civili res aliena vendi & tra-

tradi potest, *l. 28. l. 25. §. 1. De contrah. empr.*
 Qua in specie, si rem alienam esse vasallus
 reiciverit, ad evictionem, nisi nominatim ea
 promissa sit, non ager, *arg. l. 2. C. de evict.*
 At si ignorat, re evicta dominus, denunci-
 atione ei rectè facta, tenebitur aliud feudum
 dare, *d. tit. 8. d. l. 18. ubi notatur.* Idq; æquum
 est, *ex l. 18. §. ul. D. de donat.* ne quis fal-
 sa beneficii spe clientes lætetur, nihilq; tra-
 dat, quia res evicta in bonis non est, *l. 190.*
De reg. jur.

VIII. Et si feudi, quamdiu possidetur,
 pura fieri iuvestitura nequeat, *lib. 1. tit. 9. &*
tit. 26. conditionalis tamen potest. Nihil
 enim vetat, quo minus beneficio, quod à
 tuo vasallo adhuc possidetur, me sub condi-
 tione investias, vel in diem: qui actus dein-
 de vacante & aperto feudo confirmabitur, *d.*
tit. 9. Quod genus investituræ veluti insidio-
 sum, & nefaria cogitatione alienæque cala-
 mitatis exspectatione plenum, Lateranensi
 concilio in sacerdotiis sublatum est, *c. 2. &*
2. X. De concess. preben. notat. in l. ult. C. de
pact.

IX. Investitura non modò novi, sed &
 veteris feudi fit, *lib. 2. tit. 3. & 32.* quæ re-
 novatio appellatur, *glossa l. ult. C. de jure Em-*
phyteu. Nova investitura est, quæ fit cum
 primum acquiritur feudum, quæ non nisi à

paribus curiæ probari potest, *lib. 2. tit. 58.* Vetus vero est, cum antiqui feudi possessio redintegratur & renovatur; quod quidem intra annum & diem, ex quo apertum fuerit feudum, petitur, *lib. 2. tit. 24. § 55.* Gallorum moribus intra 40. dies. *Parif. tit. 1. cap. 1. Meldensum articulo 124.* diversi temporis ratio videtur, quod Gallorum jure ex clientis mora non statim amittitur feudum, sed possidetur tantum à domino cum fructibus, dum fidelitas præstetur. Quam diu dormitat dominus, cliens vigilat: contraque dormitante cliente, vigilat dominus: id est, alter alterius causæ tuendæ excubat, *Parif. art. 4. Meldens. 124. Trecens. 22. Vigilare,* est rem suam curare diligenter & augere; *dormire* vero, negligere, *l. pen. D. quæ in fraud. cred.* Lotharii vero constitutione, negligentia vasalli, intra annum investituram non petentis, amissione feudi mulctatur; æquum est igitur eum qui in uno læditur, in alio sublevari.

CAP. XI.

DE INVESTITURÆ
SOLENNIBUS.

Ritus & forma investituræ est, ut hasta, fustis, annulus, vel quid aliud corporeum à do-

domino clienti porrigatur, idq; præsentibus paribus ejusdem curiæ vasallis, *lib. 1. tit. 20. lib. 2. tit. 2. tit. 4. tit. 51. in princ. & § idcirco*, ut sic traditio beneficii facilius probetur, quibus deficientibus, ad investituræ fidem faciendam, utendum erit elogio seu testimonio investituræ in scriptis celebratæ, quod *breve testatum* dicitur, *d. tit. 2. d. tit. 4.* Juramentum à vasallo præstitum, *lib. 2. tit. 5. tit. 7. tit. 55. in fin. tit. de pace Constant. §. vasalli.* cujus forma triplex præscribitur, *lib. 2. tit. 5. tit. 6. tit. 7. ubi in fin. §. dominus*, diligenter observandum mutuuum clientis & patroni officium, mutua pietas, mutuuum auxilium, de quo & jure civili *l. 5. §. 1. De jur. patron. l. 33. De bon. liber. l. 24. l. 38. §. 9. Ad l. Inl. de adult.* ut sit eadem correlativorum natura. *C. de indict. viduit. toll. l. ult. C. de fruct. & lit. expens. l. 8. C. de malef. & mathematic.* Illud etiam obiter notandum, quod excipitur *d. tit. 7. de Imperatore & rege.* quia semper antiquior dominus exceptus intelligitur, *lib. 2. tit. 28. §. ult.* Multo magis Deus exceptus intelligitur in omni promissione generali, ne quid turpe, impium, inhonestum, contra leges bonosve mores promissum juratumve intelligatur, *l. 7. §. 16. De pact. l. 112. §. ult. De leg. 1. l. ult. C. de non numerat. pec. l. 15. De cona. instit.* Dari autem
C 3 & ac-

& accipi per procuratorem investitura potest, *lib. 2. tit. 2. §. sed utrum, & tit. 58.* In quo differt feudum ab investitura Emphyteulis, quæ procuratorem non admittit, *l. ult. C. de jure Emphyt.* Galli quid servant, concepta formula legitur Meldensium legum, *art. 124. tit. 14. § 1.*

CAP. XII.

DE SVCCESIONE
IN FEUDIS.

1. Ascendentes descendentibus in feudo non succedunt, *lib. 2. tit. 50.* Nam si feudum antiquum, quo pacto ad patrem vel avum, à quibus profectum est, mortuo filio vel nepote revolvetur? Si novum, filio sine liberis decedente, ad dominum revertitur, fitq; consolidatio cum dominio. Feudum enim heredum ac descendentium favore ferè conceditur, *lib. 2. tit. 23.* Si tamen pater senio fractus filiorum favore sese feudo abdicarit, & illi sine prole si decedant, feudum à patre abjuratum, id est, refutatum, ad patrem decrepitum, non ad dominum revertitur, *lib. 2. tit. 14.* Refutare hîc dicitur, alibi *finem facere*, alibi *aperire*, Gallice *renoncier*, *lib. 2. 49.* Inde profectum illud jus
puto

puto, quod nos *Sarmians* dictitamus. Birturigum moribus similiter pro successione habetur donatio vel cessio à patre facta, atq; ob id beneficium paternum remanere intelligitur.

II. Liberi parentibus succedunt, nec agnati ex latere admittuntur, quamdiu superunt descendentes, in infinitum, *lib. 2. tit. 11.* quod & jure Romano obtinet. *Inst. de hered. ab intest. Novell. 118. Vlp. in fragment.* id locum non habet, si pater culpa feudum amitteret; tum enim exclusis descendantibus, ad agnatos, qui quarto gradu sunt, devolvitur, *lib. 2. tit. 26. § licet, vers. si vassallus.*

III. Et feudum regale non migrat in heredem, *lib. 1. tit. 4.* usu tamen & consuetudine impetratum est, ut illa successio admittatur, *lib. 1. tit. 13. in fin.* Qui loci etsi prima specie dissidere videantur, tamen, si exacte examinentur, in altero regulæ exceptionem deprehendemus. Regula est in *d. tit. 14.* Feuda regia & dignitates finiri vita accipientis, nec in his ullo modo heredem succedere, exemplo fructuarii, *l. pen. C. de usufruct. §. 3. 3. Inst. de usufruct.* quia principum beneficia personalia sunt, & morte extinguuntur, *l. 1. de constit. princ. §. 6. §. ult. De jur. natural. gen. l. 191. De reg. jur.* Exceptio verò est in
C 4 d. tit.

d. tit. 13. in f. usu impetratum hodie esse, ut successio hujusmodi in feudis admittatur. Lex que successionem inhibebat, hac ratione forte nitebatur, quod cum beneficia ob amicitiam & virtutem ut plurimum conferantur, l. 9. D. pro socio. & longa sit morum, industriæ ac meritorum differentia, l. 31. De solut. multum refert Principis quemnam suæ militiæ præficiat, utrum eligatur an nascatur Dux, Comes, Marchio, nec enim filii paternarum virtutum, ut & facultatum, cernunt hereditatem. Sæpe filii heroum noxæ. Consuetudo verò, quæ postea legem abrogavit, hoc spectasse videtur, ut beneficium patris in heredes propagatum amiciores rei pub. cives redderet, & ad obeunda bellica pericula promptiores, sublato scilicet metu calamitatis, qui in posteros manat, dum hoc cogitant filios sibi in beneficio successuros. Quemadmodum & contra parentes filiorum supplicio à scelere revocantur, l. 5. C. ad l. Jul. majest. l. 8. Quod meus causa, Cic. in quâdam ad Brutum epist. grave est. &c.

IV. Feudum novum non ritè coram Pares acceptum ad heredes non transmittitur, *lib. 1. tit. 25.* Erant autem Pares curiæ vasalli ejusdem domini, qui & *confraters* nominantur: cujusmodi sunt XII. Franciæ pares, quos *patricios* vocat Budæus *annot. in Pandect.*

Et Lu-

DE FEUDIS COMMENT. 41

§ *Lucius lib. 3. tit. 5. Placito ult.* Solebant autem Pares curiæ non modo investituræ adhiberi, sed etiam quoties de feudo erat controversia Pares ipsi judicabant, *c. 5. X. de jud. lib. 2. tit. 16. tit. 34. tit. 54. § lib. 1 tit. 18.*

V. Filius, si per culpam in patrem commissam feudum amiserit, non succedet, *lib. 2. tit. 55.*

VI. Denique si patricius est pater, & cum plebeia secunda uxore nuptias contrahens ita pepigerit, ne filii inde suscepti in feudo succedant, tunc prioris thori liberi liberos ex plebeianatos excludunt, *lib. 2. tit. 26. §. filii. § tit. 29.* Quod pactum non tam de aliena superstitis hereditate initur, quam lex quædam videri debet à patre dicta suis facultatibus. Et quamvis jure conventio de viventis bonis reprobetur, *l. 15. 19. l. ult. C. de pact.* ideoque Bald. *d. tit. 29.* consuetudine introductum angustissimè observandum asserit Mediolani tantum, quod mala consuetudo sit corruptela non lex *l. 2. C. que sit long. consuet. c. ult. X. de consuetud.* mihi videtur deesse causâ idonea, cur liberi aliqui nothi, quibus pater & vitæ autor est, legitimi ab ipso effecti, de paterno judicio conquerrantur. Adde, quod pater de sua, non de aliena successione paciscitur. Et quamvis jure civili nemo pacto, sed lege vel testamento

fiat tantum heres: *l. 130. De verb. signif. §. ult. Quibus alien. licet vel non.* tamen heredes ex contractu vocari ad successionem, Senatusconsultis probat *Papo. lib. 20. tit. 1. Arrest. 14. tit. 2. Arrest. 1, 2, 3.* Idq; Arvernorum Pictonumq; legibus cautum est, & jure pontificio, si jurijurandi relligio accesserit, *c. 2. De pact. X. in 6.*

CAP. XIII.

DIVERSA FILIORVM
PARENTIBUS SUCCEDEN-
tium genera.

I. In multiplici differentia sunt filii primum naturales ac legitimi, filii masculi, justis nuptiis quæsit, in patris potestate existentes, §. 2. *De patria potest.* Secundo, emancipati, manumissi & soluti patria potestate, §. 9. *De hered. ab intest.* 3. Exheredati, *Tit. de exher. lib. & tit. C. de lib. præter. vel exher.* 4. Præteriti, *l. 30. De lib. & posth.* 5. Adoptivi & arrogati. *Inst. de adopt.* 6. Legitimati. §. *ult. de nupt. & Novel.* 7. Putativi seu præsumptivi, id est, falso crediti, qui dissimulato nomine in aliquam gentem irrepunt *c. 10. De prob. c. 2. c. 14. Qui filii sint legit.* 8. Liberatorum alii sunt mares, alii fæmi-

DE FEUDIS COMMENT. 43

minæ, *l. 195. in fin. De verb. signif.* Postremo alii primogeniti, alii postea geniti. de quibus sigillatim dispiciendum est.

II. Filii legitimi ac naturales in patris potestate existentes, patri succedunt, exclusis omnibus agnatis, in feudo æqualiter, id est, ex æquis portionibus; etiamsi ex inæqualibus partibus heredes à patre testamento instituti essent, *lib. 1. tit. 8. & lib. 2. tit. 1. §. & quia.* Nam pater inæqualem divisionem inter liberos de feudo, illis dissentientibus, facere non potest, *d. tit. 8. in fine.* Nulla ordinatione facta defuncti in feudo valente vel manente, id est, non potest pater testamento mutare, quo minus liberi succedant æqualiter. Si vero in dispari gradu essent, veluti filii & nepotes ex alio filio præmortuo; hi quoq; succedunt cum suis patruis, sed in stirpes, *lib. 2. tit. 11. De success. fratr.* Moribus Gallorum *πρωτογενείας* seu *πρωτογονείας*, i. primogenituræ jure aliud servatur, & pro liberorum numero variæ portiones inter fratres fiunt, pro cujusque regionis moribus. *Tit. 1. de feud. consuetud. Gallicar.*

III. Sed quoniam diximus non unam esse formam & speciem descendantium liberorum, videamus quinam ad hanc regulam pertineant. Ergò non tantum filii in potestate agentes, exclusis agnatis, feudo æqualiter succedunt,
lib. 1.

lib. 1. tit. 1. & tit. 8. in verb. aqualiter. sed & qui in sacris patris esse defierunt: sublata hodie emancipationis ac patriæ potestatis (quæ quidem ad patris successionem pertinet) differentia. *Novell. 118. l. 9. C. de collat.* Liberi quoq; præteriti & exheredati, jure vel injuria, æquè succedunt, si nihil in dominum feudi enormiter peccaverint; cum à domino, non à patre feudum acquiratur, nec patri super feudo statuere aliquid & testamento disponere concedatur, *d. tit. 8.* Adoptivos non succedere palam est, *lib. 2. tit. 26. §. adoptivus.* nisi vel eos ad successionem feudi consuetudo vocaret, vel antiquum feudum esset, si adoptati fuerit, idque non ignoret dominus, *notatur d. tit. 26. §. naturales.* Cæterum quod illuc astruunt interpretes, adoptatum successurum, si ita à principe arrogetur, ut succedat in feudo, ipse non probo; tum quod generaliter & indistinctè ab hac successione excluduntur adoptivi, *d. §. adoptivus.* tum quod nihil in patroni & agnatorum perniciem moliri princeps jure possit. *l. 39. d. adopt.* itaque quod dicitur principum beneficia late explicanda, *l. penult. De const. princ. c. 1. & 6. De donat. c. X 16. X. De verb. signif.* sic accipiendum est, si beneficium totum sit principis, atque ab illius solius liberalitate profectum, nec ad alterius injuri-

am

am pertineat, *d. l. penult.* Si verò de privatorum beneficentia agatur, jus tertii illæsum & illibatum manere debet, *l. 2. §. 10. ne quid in loc. pub. l. 35. C. de inoff. testamen. l. 42. De vulg. & pupill. substit. notavimus, ad tit. C. de divers. Rescript.* Adde, quod nec tam facile sineque delectu fiebat adoptio, nec nisi hæc quæ sequuntur, concurrerent. Primum, causæ cognitio *l. 15. §. ult. De adopt. & eod. tit. just.* Deinde ætatis *§. 4. de adopt. Cic. pro Domo. Seneca lib. 3. Controvers.* ut adoptans plena pubertate, id est, XVIII. annis major sit adoptato, *d. l. 15. §. 4. in fine.* Tertiò, habenti liberos non licet extraneos adoptare, vel naturales legitimare, *l. 17. §. 3. De adopt. l. 3. C. de adopt. ubi idoneam causam, id est, quod liberos non habeas. Julius Firmicus lib. Matheseos 7.* Ab extraneis adoptati hereditatis titulo patrimonium quesierunt, ut fiant eorum legibus filii, quibus natura proprios filios denegarat. In veteri Narbonensi inscriptione ita scriptum est: *Sterilitatis defectu sine prole feci conjugem, qui ejus opera Adrianum adoptatum in imperio successorem habui.* Quarto, iterum adoptantis ætas spectatur, ut minor LX. annis non adoptet, sed liberis potius det operam *d. l. 15. & l. 17. De adopt.* Quinto, adhibendi sunt ii in adoptione, quorum interest, quiq; eo facto

læ.

læderentur, *l. 39. de adopt.* Quæ omnia si concurrant, adoptivus perinde ac si è patre progenitus esset, jura naturalis legitimique consequitur, *l. 5. C. de adopt. l. ff. eod. Gell. lib. 5. c. 19.* sed jura naturalia non dissolvit adoptio, *l. penult. C. d. rit.*

IV. Sequens quæstio, de filiis extra matrimonium natis, qui non uno modo appellantur, modo *nothi*, modo *marferes*, modo *spurii*, modo *illegitimi*, modo *naturales*, modo *incestuosi*, *scotii*, *Parthenii*. Quintilianus *lib. 3. cap. 8.* Didymus *in lib. 4. Iliad. Homeri. Nov. 74. & 89.* Et hi omnes quidem in patria potestate non sunt, quia extra nuptias quæsit, § 1, *De pat. potest. §. penult. De nupt.* qui non succedunt patri veteri lege Attica, cujus Scholiastes Aristophanis meminit. Sed incestuosi ex illicito & damnato complexu nati, deterrimæ sunt conditionis, *Amb. ex complexu. C. de incest. nuptiis.* quia nec matri, nec patri succedunt: quamvis ii qui *spurii* dicuntur, matre libera, sed incerto patre orti, matri quadamtenus succedunt, qui ideo *spurii* dicuntur, id est, vulgò concepti, quasi *s. p. sine patre*, autore Plutarcho; qui patrem demonstrare non possunt; matre tamen certa editi, vel concubina vel nobili fæmina, teste Seneca, Pomponio, & Isidoro. Male enim Alciat. *lib. 4. c. 5. Parerg.*

Ha-

Haloander in *Novell.* existimant, eos tantum nothos à Iustiniano vocari *Novell.* 89. qui ex concubina nascuntur. Nam etiam eos intelligit, qui gignuntur ex ancilla; quod patet ex ea parte, in qua tractatur, quomodo offerens se curiæ legitimus fiat: cum ancilla non possit esse concubina. Ergo nothi nomen generale, *d. c. 8.* sicut & naturalis, *l. 5. De prescript. verb. l. ult. qui sunt sui vel alieni jur. Caus. lib. 1. Inst. Harmenopol. lib. 5. tit. 8. l. 35. De vulg. & pupil. subst.* Naturales succedunt matri jure civili, §. 3. *Inst. de S. C. Orficia.* Hoc jure tamen bastardi seu nothi heredes non sunt clienti beneficiario, & excluduntur à beneficio, *l. 5. C. ad S. C. Orfic.* ratio est, ut ab illicita Venere homines ad honestatem nuptiarum allicentur. Hoc ita nisi legitimati, id est, natalibus restituti fuerint; quod olim quatuor fiebat modis: scilicet, per nominationem filii testamentariam, per oblationem curiæ, per subsequens matrimonium, & rescriptum principis. *N. 74. N. 89.* Duo priores hodie exoleverunt, posteriores in usu sunt. Nam nothus à patre oblatus principi, vitiosi ortus maculam repurgat, & in feudo postea acquisito succedit, non autem in antea acquisito, *d. tit. 26. §. naturales*, cum de illis consensisse videri non possit dominus,

cum

cum primum feudum concederet, *arg. l. 51. §. 1. De leg. 2.* cujus legitimationis elegans exstat formula apud Petrum de Vineis, *lib. 6. c. 16.* ex qua obiter summa notanda sunt, primo vers. *omnia jura legitima restitimus*; ut tanquam legitimi & legitimo thoro nati succedant; nam alioqui non succederent, ut supra diximus. Secundo vers. *que feudalia non existunt*; quia naturales filii, licet postea fiant legitimi, in feudis antiquis non succedunt, *d. §. naturales*. Tertio, ex vers. *Et ad omnes actus publicos, & civiles honores admittantur*, à quibus scilicet excluderentur, *l. 6. De Decurion.* Quarto, ex vers. *objectione prolis illicita in posterum quiescente*; nam nothum jam restitutum natalibus, conviciandi animo non licet laceßere; & is qui infamandi causa nothum vocaverit, actione injuriarum tenebitur: quamvis qui meretricem, meretricem vocat, nothum nothum, quia quod obicit verum est, injuriarum non tenetur, *l. 18. De injuriis, l. 5. C. eod. Pap. lib. 8. tit. 3. Arres.* Nothum nominare non peræque apud omnes gentes infamiae fuisse, notat Eustathius in *Homor. Iliad. 8.* Quinto, ex vers. *Ita tamen quod vicesimam partem proventuum omnium bonorum, que prædicta legitimationis beneficio ad eosdem pervenerint, singulis annis reddant curiæ nostræ, ad recognitionem*

nem gratia, quam iis super hoc duximus indulgendam. non ergo gratis princeps concedit legitimationem, sed accepta vigesima parte, reliquum nothi. Simile quoddam in manu-missione servorum servabatur, *l. 1. C. de ve-ctigal.* & Arrianus apud Epictetum, *lib. 2. cap. 1. εἰκοστή*, id est, vicesimam vocat. Gallici reges eo nomine aliquid, sed longè minus, sibi sumunt.

V. At quid si per subsequens matrimoni-um legitimetur filius, *ut c. 6. X. qui fil. sint legit.* Omnes ad unum, & Zasius 8. parte, succes-surum putant. Ego vero idem quod in su-periore specie statuo, aioq; textum, *d. §. naturales*, generaliter conceptum, miserè de-tortum in angustias coactum ab interpreti-bus fuisse: qui lege non distinguente distin-guere non debuerunt, *l. 8. De Public. in rem act.* Nec obstat *d. c. 6.* ubi omnis natalium labes secutis nuptiis eluitur & purgatur: sed non ideo, quando fiunt legitimi, protinus succedunt feudo. ut nec recte colligitur; ad-optimum esse legitimum filium, ergo succe-dere feudo. Utrumque enim falsum est, *d. §. adoptivum d. §. naturales.* restituti na-talibus omnia quidem legitimorum jura consequuntur, ut & adoptivi: sed singulare est in feudo, ut non succedant, & in hoc ge-neri per speciem derogatur, *l. 80. De reg. jur.*

D

VI. Ju-

VI. Jure civili filia cum filiis æqualiter ad successionem parentum vocantur, ut qui fæminas à maribus secernit, naturæ opificium accusare Iustiniano videatur, *l. 4. C. de lib. prat. & exher.* Hoc jure non succedunt fæminæ, nisi nominatim id caveatur, *lib. 1. tit. 1. §. hoc autem notandum, tit. 8. §. filia. lib. 2. tit. 11. §. ad filias.* At naturam accusat, qui à mare fæminam in successione distinguit. *d. l. 4. & novella 118.* delectum filiorum filiarumque & sexus discrimen sustulit Iustinianus. Sed feuda sunt virilia, nec in imbecilles fæminas cadunt, tum propter animi imbecillitatem, tum quod cœtibus virorum eas interesse dedecet, *l. 9. De statu hominum, l. 2. De reg. jur. l. 1. De postulando, l. 5. C. de adopt.* Cato apud Livium de leg. Oppia: *Majores nostri, inquit, nullam rem, ne privatam quidem agere fæminas sine auctore voluerunt, ideoque in manu esse parentum, & fratrum, virorumque.* Adde quod vasallus judicat inter pares ejusdem curiæ, *l. 2. tit. 16. & 46.* at mulier à judicandi munere arcetur, *d. l. 2. De reg. jur. l. 12. De judic. i. ult. C. de arbit.* ergo in feudo non succedit. Rursus, arcana domini celanda sunt, & ad id se cliens jurejurando astringit, *lib. 2. tit. 6.* At levitas illius sexus etiam jure notata est, *c. 10. X. de verb. signif. l. 1. ff. ad S. C. Velleia.* Et pro-

proverbio nobilitata, *Mulieri ne mortua quidem fidas.* Eras. notumque est Papirii Prætextati matris exemplum ex Gellio, Valerio, & Bal. in l. 12. C. de suis & legit. hered. Denique mulieres à viris defendi oportet, non à mulieribus viros. Nam ut Semiramis, aut Camilla, aut Penthesilea Vergiliana, & Johanna Dertrea Aurelianensis obsidionis liberatrix, & hujusmodi viragines reperiantur, ut sapientes & constantes plerumque sint, vitium nostræ regulæ non adferunt: cum leges de iis quæ ut plurimum fiant, non quæ raro accidunt, ferantur, l. 3. Si pars hered. petat. l. 3. 4. 5. 6. De legib. His opinor rationum fundamentis nititur lex Salica, Viconia, & Feudalis, quæ mulierum in feudi successione deteriore conditionem effecit. Justiniani sententia de bonis allodialibus accipi debet, non de feudis, quæ ea ætate adhuc ignota erant.

VII. Putativos, de quibus in c. 2. c. 14. X. qui fil. sint legitimi, si publico civitatis aut vicinæ errore habeantur, succedere in confesso est, l. 6. de his qui sunt sui vel alieni juris. maxime si pater materve de prole non dubitent: aliàs secus, argum l. 83. De cond. & demonst. Quam legem de filio ex concubina, non ex matre familias nato, accipendam esse, probo lib. 2. Selectorum.

VIII. In hermaphrodito potentior sexus spectabitur, si controversia sit, Androgynus sit mas aut femina, *l. 10. De statu hominum, l. 15. §. 1. De test.* Clemens Alexandrinus negat ullos esse hermaphroditos, *lib. 3. cap. 10. Pedagog.* quorum meminit Plato, Plinius, & nos hisce oculis vidimus.

IX. Postremo muti, surdi, propter utriusque cognationem communi à Græcis nomine, *καφοι* dicuntur, aut aliàs impediti succedunt non solum in Gallia, ubi feuda ad instar patrimoniorum redacta sunt, sed etiam veteri jure Longobard. *lib. 2. tit. 36.* si modò non sunt planè inutiles, & deploratæ à medicis valetudinis, *lib. 1. tit. 6. in fin.* & hac distinctione eos locos alioqui in specie pugnantes conciliamus.

CAP. XIV.

DE SVCCESIONE
COLLATERALIU IN FEU-

*do succedentium, tertius locus, qui XIII.
regulis concludetur*

I. In feudo nouo nec frater fratri succedit, nec ullus alius collateralis alteri, etiam si ambo una investitura feudum acceperint;
ni-

DE FEUDIS COMMENT. 53

nisi pacto id caveatur, ut invicem succedant, *lib: 1. tit: 14. § si duo: tit: 20. lib: 2. tit: 11. 12. 14.* nisi feudum utriusque nomine alterius pecunia, vel simpliciter communi ematur, domino sciente; vel simul procincti in hostem invadentes, adepti sunt, quasi *συνεταροθνησχόντων*, commorientium foedus percusserint, ut in *l: 19. C. de pact:* In Gallia nihil opus est pacto, nec domini consensu, *de quo d: tit: 12.* sed deficientibus descendantibus mutua fratrum successio in feudis recepta est, perinde ac in cæteris bonis allodialibus.

II. In feudo antiquo seu paterno nullis existentibus liberis descendantibus, successio ad proximos agnatos devolvitur, id est, ad eos qui ex primo stipite primoque acquirente orti sunt, *l: 2. tit: 11. vers: quod ita intelligendum est.*

III. Defuncto nullos heredes relincente, fratres utrinque conjuncti succedunt in feudo æqualiter, *d. tit: 11. vers: his deficientibus.* Galli licet primogenituram plurimi faciant, æquales tamen successionis portiones in transversali linea faciunt, *Parisi tit: 1. §. 20. Aurelior: tit: 16. §. 1. in fin.* cui tamen loco refagari videtur *tit: 1. §. 45.* qui nec conciliatus nec animadversus est à Pyrrho Aurelianensi: Consuetudinum interprete.

IV. Si sint fratres utrinque conjuncti, &

simul fratres ex uno tantum latere, æque in feudo masculino eos succedere censent, *DD.* & *Alvarot: d. tit: 11.* quibus subscripsit Zasius 8. parte, in fin. quod quidem falsum existimo, & contrarium juris civilis præceptis, quibus indecisa feudali quæstione, si forte his libris prætermissa sit, utimur, *lib: 2. tit: 1.* atque jure novissimo fratres utrimque conjuncti fratrem ex altero tantum latere conjunctum excludunt, *Novell: 118. c: 3.* Quamvis lege Parisiorum æqualiter succedant in rebus mobilibus & rebus quæsitis.

V. Si fratre mortuo supersint fratres & fratrum filii, qui vulgo nepotes, hi cum patris vel avunculis succedunt in stirpes, jure feudali & Justiniani privilegio, licet inæquali gradu sint, *d. Novell: 118. d. tit: 11. §. his deficientibus.* olim enim frater succedebat fratri, excluso nepote seu fratris filio, *§. 5. De legit: agnat: success:* Idque jure Gallico obtinet; *L' oncle exclut le neveu.*

VI. Si moritur qui reliquit solum fratrum filios & patrum, isto casu licet omnes isti sint defuncto in gradu æquali, nempe tertio, tamen isti filii fratrum excludent magnum patrum suum, id est, patrum defuncti, *d. §. fin autem, vers. illud palam, d. Novell: 118. & lib: 1. tit: 50.*

VII. Fratrum filii per se succedunt patruo
in

in stirpes, non in capita, secundum jus commune; quod sequimur quoties propria decisione jure municipali deficiamus, *lib: 2. tit: 1. d. Novell. 118.* Quod olim vehementer controversum inter Azonem, Accursium, Salicetum & Zasium, tandem decisum à senatu Parisiensi, teste Lucio, *lib: 8. tit: 10. Arrest: 5. & Pap: lib: 21. tit: 1. Arrest: 10. 11. 12.* Eadem agitata est controversia in conventibus Imperii Spiræ habitis, ut refert *Cantinnocula §. ult: De hered: qui ab intest.* In stirpes succedere est, cum non singuli singulas & æquas hereditatis portiones ferunt, sed plures unius personæ vice functi, unam tantum portionem ferunt, eam nempe quam pater si viveret, habiturus esset, *Vlp: in fragmentis. tit: 26.* In capita succedere, est in vires seu æquales portiones succedere ex numero personarum, κατὰ τῶν προσώπων ἀριθμὸν, *d. Novell: 118.*

VIII. Nepotes fratrum, id est, filii filiorum fratrum patruo magno qui succedunt, in capita, *d. Novell: 118.* Unde sumpta est *Authen: post fratres. C. de legitimis hered: Vlp: d. tit: 26. §. agnatorum, Harmenop: lib: 5.* Jure patrum magnum excludunt, licet eodem gradu sint, *lib: 2. tit: 50. §. paternum.* Quos tamen jus civile simul admittebat, *§. 4. I. d. legit: agn: succ.*

I X. A proximioribus post fratrum filios, remotiores excluduntur, *d. §. si vero, & §. huiusmodi.*

X. Muti, surdi, morbo desperato impediti, agnato non succedunt, nec in feudo quidem paterno seu antiquo; inopibus tamen nonnihil ex illo datur, quo se exhibere & alere possint, *lib: 1. tit: 6. in fin. lib: 2. tit: 26.*

XI. In clericis ac monachis idem servatur, *lib: 2. tit: 21. & 36.* nisi in investitura actum sit ut succedant. quo pertinet mos Gallicus vicarii vasalli, quem *Pollucem & Castorem* vocant; quia collegia & ecclesie nunquam moriuntur, sed substitutionis beneficio perpetuo funguntur, *l: 76 De iudic.*

XII. Deficientibus legitimis & suis heredibus, feudum ad dominum revertitur: quin & mutua conjugum successio, (licet jure civili probata, *tit: unde vir & uxor.*) in feudo exclusa est, *l: 1. tit: 15.*

XIII. Denique feminae non succedunt in feudo, *lib: 1. tit: 1. §. hoc autem: & tit: 8. §. filia lib: 2. tit: 11. ad filias*, cujus rei quadruplicem supra attulimus rationem.

Sed hoc tribus casibus non obtinet. Primum, si feudum faemininum sit, *lib: 2. tit: 30.* Deinde, si dominus filiam vasalli investiat in in gratiam paternorum obsequiorum. *Lib: 1. tit: 24.* nihil enim vetat quominus propter

pa

patris clientis benemerita filiae remittatur obligatio servitiorum, *l. 2. tit. 2. in fin.* Postremo, si dominus feudum concesserit vasallo, ejusque heredibus masculis pariter ac faeminis, tum deficientibus maribus, faeminæ ex pacto succedunt, *d. §. filia, d. §. hoc autem. d. §. ad filias.*

XIV. Si tamen filius & filia clienti nasceretur, hæc ab illo excluderetur, *lib. 1. tit. 6. quin etiam.* Exclusa autem semel muliere, omnis ab ipsa orta proles cujusque sexus, in perpetuum à feudo obtinendo excluditur; quasi sublato antecedente corruat subsequens. Probat. *l. 1. de offic. ejus cui mand. est jurisd. l. 129. §. 1. De reg. jur.* Quid si nullis relictis liberis, filius vasalli patris obitum mox sequatur? & sororem admitti placeat nec feudum ad dominum reverti quasi qui subito extinctus sit, omnino non vixisse videatur, *c. 3. X de verb. signif. gloss. in l. 18. C. De jur. deliberand. nec esse videtur quandiu non durat, l. 10. §. 7. De in rem verso, l. 48. De reg. jur.* Nec obstat *l. 1. & 2. C. de posth.* illic enim odio præteritionis iniquæ momentum temporis scriptis heredibus nocet, ita ut posthumus natus & illico mortuus, paternum rumpat testamentum.

XV. Illud pro Colophone adiiciendum est, filios descendentes feudum non posse accepta-

re, repudiata patris hereditate: collateralibus
verò feudo contentis, jus esse abstinendi he-
reditatem agnatorum, *l. 2. tit. 45.* Ratio
differentiæ est, quod filii strictius obligentur
patri quam cognati, transversales heredes,
*l. ult. C. de impub. & aliis sust. §. 1. 2. Inst. de
hered. qualit. & differentia, l. 11. De lib. &
posth.* Hactenus de tribus acquirendi feudi
modis.

CAP. XV.

DE FEUDI RETEN-
TIONE ET USU.

Feudum iisdem fere artibus, quibus ab ini-
tio partum est, retinemus; & utimur, si
& dominus à vasallo consequatur, & hic ab
illo habeat, quæ oportet; quæque vel natu-
ra feudi vel conventionis placito nuncupata
sunt, observentur; & ea non fiant, propter
quæ feudum amittitur. Atque hoc caput in
duos præcipuè articulos deducitur: Quid va-
sallus ex investitura fructus habeat, quid do-
minus. Itaque clientem hæc commoda se-
quuntur.

CAP. XVI.

DE COMMODO QUOD VASALLUS EX FEU- do accipit.

ARTICULUS I.

I. Primum, ut fidem dedit, statim realiter à domino in possessionem mittendus est, *lib. 2. tit. 7.* nec domini mora aut frustratio impunita est, nec ille præstatione ejus quod interest, liberabitur. Sed cum investitura in dando consistat, præcisam necessitatem habet, *lib. 2. tit. 26. §. si facta l. 72. in fin. De verb. oblig.* Quamvis in meri facti obligationibus succedat id quod interest, *l. 13. in fin. De re judic. l. 72. vers. Celsus, De verb. oblig.*

II. Unde vasallus *utile* (quod vocant) *dominium* acquirit, cujus nomine quasi rei vindicatione contra quemlibet possessorem, etiam contra dominum ipsum, experitur. *lib. 2. tit. 8. §. rei, arg. lib. 1. si ager vectig.*

III. Imo si prædio beneficiario evicto litem vasallus domino denunciarit, dominus ei aliud æquè bonum feudum restituet, *d. tit. 8. §. 1.* & nos superiori capite, cum de alienæ rei investitura ageremus, attigimus.

IV. Sed nec vasallum dominus absq; causâ
cui-

ejicit, *lib. 1. tit. 21.* nec eo dissentiente feudum distrahet, *lib. 2. tit. 34. §. ex eadem* & cum jus patronatus sit personale, *l. 26. §. 12. vers. sed si delegatus, De cond. indeb. l. 8. De assig. libert l. 7. l. 1. De obseq. a liber. § l. 7. C. de oper. libert* placet ut liberos, ita vassallos à patrono invitos mutari & alienari non posse. *Molyn. tit. 1 ll. Parisiens.* nisi forte cum universitate transferat, *arg. l. 62. De acq. rer. d'm.*

V. Ex omni causa ex qua vassallus feudum amitteret, ex eadem feudi dominus proprietatem ipse amitteret, propter scilicet æqualitatis regulam quæ inter eos religiosè servanda est: adeo ut nec sese invicem accusare, nec sese mutuo testimonio lædere possint, *lib. 2. tit. 6. in fin. tit. 16. § domino. tit. 33. §. in quibus tit. 34. §. ex eadem, § tit. 47.*

VI. Hoc etiam juris habet vassallus, ut in causis feudalibus judicet, *lib. 1. tit. 18. lib. 2. tit. 16. tit. 34. 39. 46. § 55.* Hinc apud Gallos *Pares curia*, id est, XII. regni proceres vassalli de suis controversiis inter sese ipsi disceptant & decidunt, *Lucius lib. 4. tit. 5. placito ult.* Hinc & feminae ex feudo jurisdictionem habent, licet alioqui à judiciis removeantur, *l. 2 De reg. jur.* hinc etsi clerici coram judice ecclesiastico conveniantur, nec alibi, *c. 12. X. de foro competenti.* si tamen feu-

DE FEUDIS COMMENT. 61

feudum possideant, ad Laicorum judicum tribunalia vocabuntur, *c. 5. X. De jud.*

VII. Feudum ejusve partem invito domino subinfeudare cliens potest, modo non deteriore domini conditionem faciat, si videlicet æque idoneum vasallum sibi sufficientem substituendum offerat, *d. tit. 34. §. similiter*: tamen alienare non potest, *lib. 2. tit. 38.*

VIII. Quin & feudum refutare, id est, deferere & abjurare potest agnatis, vel ipsi domino, cui non est adeò addictus, ut non possit beneficium abdicando sese fide data solvere ac liberare, *d. tit. 38. in fin. & sequent.*

IX. Postremo vasallus omnes rei beneficiaræ fructus, etiam pendentes, natos post Calendas Martias usq; ad Augustum, ita suos facit, ut de iis disponere & ad heredes transmittere possit; etiam si feudum ad dominum reverteretur, ut si novum feudum, & cliens sine liberis decederet, *lib. 2. tit. 28. §. penult.* At vasallus fructuario comparatur, *lib. 2. tit. 23. in fine*; fructus autem pendentes necdum collectos, sed solo cohærentes fructuarius non lucratur, nec ad heredes transmittit, *l. 47. De usufr. §. 36. Inst. De rer. divis.* Sanè etsi aliqua similitudine jungantur, *d. tit. 23. in fin.* conditionem tamen vasalli meliorem

rem esse constat, ut qui utile dominium habeat, *tit. 28. lib. 2.* cum fructuarius vix naturalem possessionem habeat, *l. 12. De acq. poss.* & ususfructus morte utentis extinguatur, *l. penult. C. de usufruct. §. 3. Inst. eod. d. §. 36.* feudum autem ad heredes transeat vassalli, *d. tit. 23.* & nos supra ostendimus.

CAP. XVII.

DE COMMODO QVOD

DOMINUS EX FEU-

do percipit.

ARTICULUS, II.

I. (I.) Dominus autem pro feudo dato hæc consequitur. Primum, fidelitatem, de qua *lib. 2. tit. 4. 5. 6 & 7.* cuius formulam supra exposuimus. Quo autem tempore petenda sit investitura, & fides juranda, non nihil etiam supra attigimus. Illud adiciendum est, in feudo novo nullum vassallo terminum præscriptum ad fidem præstandam. Si tamen citatus à domino, vel Paribus curiæ, mox sese non sistat; feudo privabitur, *lib. 2. tit. 24. §. 1.* In feudo antiquo militem à pagano seu plebeio distinguimus: hic intra annum & diem, ille intra annum & mensem renovatio-

DE FEUDIS COMMENT. §3

vationem investituræ & fidelitatis petere debet, *lib. 1. tit. 22. in princ.* apud Gallos varia in eo quidem tempora præstittuntur, sed pœna levior, quâ fructuum damnum negligenti & cunctanti vasallo irrogatur.

II. Plures heredes vasalli mortui, si feudum non sit divisum, jurabunt; unus tantum serviet. Si verò divisum, is solus ad quem pervenerit feudum, jurabit & serviet, *lib. 2. tit. 26. §. omnes.* Vasallus enim ejusdem feudi nomine plures dominos agnoscere non tenetur, *lib. 2. tit. 55. §. præterea.*

III. Domino, pluribus heredibus relictis, decedente, singulis seorsim fides præstabitur, *d. lib. 1. tit. 22. §. lib. 2. tit. 17.* nisi vasallus domino & heredibus copulative antea jurasset, iterum jurare non cogetur, *c. veritas. X. de jurejurand.* uni tamen, quem heredes ipsi ex sese delegerint, serviet vasallus, *d. §. præterea, arg. l. 2. De exerc. act. l. 34. d. usus. arg. §. 3. De legat. l. ult. C. comm. de legat.* quæ variè apud Gallos observantur.

IV. Inderdum autem à fide intra tempus lege præscriptum, non præstita, vasallus excusatur, si legitima subsit causâ, ut absentia, ignorantia, mortis insperata, capitalis odii, itineris periculosi, *d. tit. 22. d. §. 1. lib. 2. tit. 24. §. pen. tit. 26. §. vasalli, de pace Constant. l. 42. De reg. jur.*

V. (2.)

V. (2.) Præterea dominum adjuvare tenetur vasallus: sed ita si dominus officium flagitet; nec enim aliter vasallus ad obsequia tenetur, quam si ejus opem imploret; dominus autem in gravi discrimine versetur, idque vasallus compertum habeat, *d. tit. 26. §. licet. lib. 2. tit. 37. in fin.* Imo si causam injustam foveat dominus, obsequi vasallus non tenetur: & bellum finitimis populis temerè inferentem vel invitum suscipientem, dominum impunè deseret. In dubio tamen corpus domini tuebitur, non alium impetet, eique injurius erit, *lib. 2. tit. 28. in fin.* dominum autem in prælio vel in acie periclitantem usque eo comitabitur comes vasallus, dum mortuus sit aut lethaliter vulneratus, *lib. 1. tit. 5.* Lethale autem vulnus ex medendi præceptis cognoscetur, adhibitis in arte peritis, quorum renunciationi fides habetur, *l. 1. De vent. inspic. c. ex liberis. X De frigid. & malef.*

VI. Quid si aufugerit cliens, dominumque deseruerit, qui tamen discrimine se liberavit, nec ei ignavia vasalli obfuit? Existimo, fugam puniendam esse, *l. 3. De re milit. Zasius 10. parte*, contra sentit; sed perperam: quia sola fuga sufficit, ut feudum committatur, *d. tit. 5. in princ.* quia fuga aliis ignaviæ exemplo est, *l. 6. §. 3. De re militari. Insti-
nian.*

nian. militarium leg. cap. 28. Dionys. Halicar. lib. 9. Antiquit. Diod. Sicul. lib. 12. Harmenop. lib. 1. tit. 26. Adde quod non tantum exitus rerum, sed & consilia legibus vindicantur, d. l. 3. §. 15. De re milit. Cic. pro Milon. Verum si vasallus tot vulnera acceperit, ut domino auxilio esse nequeat, aut nisi mature decedat, non procul absit ab immimentis mortis periculo; jure aufugiet, suamque salutem domini incolumitati anteponet: etsi id ipsum in servis jura non patiantur, lib. 1. tit. 5. tit. 21. in fin. in verbo, potuerit, l. 1. §. 28. ad S. C. Syll.

VII. Nunc videamus contra quos teneatur vasallus defendere dominum? contra omnes, etiam fratrem, filium, & patrem, lib. 1. tit. 28. in fin. Quod mihi durius videtur, & humanitatis conciliatrici naturæ adversum. Nec oportet ad rem ita attentos esse homines, ut generali sacramenti formula se obstringi patiantur, ut omnibus adversentur, etiam iis, quos naturæ pietas & sanguinis necessitudo sociavit. Nec juramentum debet esse vinculum iniquitatis, *c. non est obligatorium. X. De reg. jur. in 6. cap. 2. X. De pactis, in 6. c. cum contingat. c. quanto. X. De jurejurand. cap. inter, 22. q. 4. Non aderit cliens patrono contra dominum antiquiorem, d. tit. 28. non contra patriam, tit. de pace Const.*

E

§. va-

§. *vasalli*, arg. l. 35. *De relig. & sumpt. fun.* Denique non contra se ipsum: quia pietas rectè instituta incipit à se, *can. si non licet*, 23. q. 5. Et in omni generali oratione persona loquentis excipitur, l. 18. *C. de solut.* l. 30. *in fin. D. locat.* l. 40. *in fin. D. de cond. & demonst. c. petitio. X. De iurejur.*

VIII. De sumptibus ambigitur. Sane si instrumento investituræ actum est, vel consuetudine receptum, quibus sumptibus vasallus dominum juvet, res expedita est. Id enim sequimur, quod dicat consuetudo, vel pacto conventum est, l. 32. *De leg. l. 1. §. 6. Deposui.* Quod si non sit definitum, & feudum opimum est, humanius est, ut gratis serviat arg. l. 18. *De oper. libert. Spec. tit. de feud. §. quoniam. vers. 22.* At si tenue feudum sit, sumptus à domino præberi Zasius 7. parte probat, maxime si extra territorium pergendum est, *lib. 2. tit. 40. arg. l. 17. C. de Erog. milit. annone.*

VIII. Dominum feudi vasallus an alere, & mersum ære alieno, aut in vincula conjectum liberare tenetur? Id DD. omnes uno ore negant, & est text. in *lib. 2. tit. 26. §. licet, in fin.* ut mihi ridicula videantur Zasii, 7. parte, & Hostiensis in *summa de immunitate eccles.* & *Spec. in d. §. quoniam*, cæterorumque sententia, astringentium filiam domini à cliente dorandam. Alioqui melior esset filiae con-

DE FEUDIS COMMENT. 67

conditio, quæ ex dote ipsa aleretur, quam patris, cui famelico à cliente alimenta dene-
gari possent: quod esset absurdum, ne effe-
ctus sit potentior sua causa. contra *l. 1. De
off. ejus cui mand. est jurisd.* Id verò nusquam
legibus cautum invenies, nam quod ex *Hali-
carnas. lib. 2. Antiquitat.* idem Zasius protu-
lit de clientis & vasalli similitudine, nos e-
tiam in præfatione confutavimus, & ad hoc
jus non pertinere ostendimus. Non obstat
epistola 16. lib. 5. Petri de Vineis Cancellarii
Frederici II. Imper. nam quod illic Campa-
nis pecuniam in filiae dotem Imperator dari
jussit, regni jus est, vers. *Regni nostri Sicilia*,
vers. *de mandato*, vers. *Iustitiariis*, vers. *re-
gnicolis*. Quod ad privatos trahi non debet,
nisi, ut placet *Fabro*, §. *aqua*, de *sactionibus*.
vel in id consentiant omnes, vel diuturna
consuetudine id invaluerit. *Vide Paponem lib.
13. tit. 3. Arrest. 2. 3. & 4.*

IX. (3.) Vasallus hoc domino debet, ut
eum nec accuset, nec testimonio lædat, nec
ad juramentum calumnie præstandum adi-
gat, nec interdicto unde vi in eum experia-
tur: denique simplicem actionem, non qua
domini, cui parendum est, existimationem
minuat, intendat, *l. 2. tit. 33. §. in quibus
gloss. & textus, lib. 2. tit. 22. arg. l. 1. §. 43. de
vi ant vi armata.*

E 2

X. (4.)

X. (4.) Sed & feud ideteriorem conditionem facere vasallus non potest, *lib. 2. tit. 6. §. ex contrario.*

XI. (5.) Postremo hoc debet cliens domino, ut, etiam feudo abdicato, eum nihilominus colat & observet, *l. 2. tit. 38.* ne pristini beneficii memoriam animo delevisse videatur. Extant enim adhuc impressa quædam vestigia & reliquæ pristinæ necessitudinis, ac amicitiae reciprocae. *gloss. aurea, d. tit. 28. in verbo, non debet.*

CAP. XVIII.

DE FEUDO AMITTENDO

I. Tribus potissimum modis amittitur feudum *casu* videlicet, *voluntate*, & *culpa*, de quibus sigillatim dicemus.

II. *Casu* amittitur, si fortuito beneficiarius mutus surdusve fiat, aut alioqui minus idoneus officio, cujus gratia beneficium ab initio collatum fuit, *lib. 1. tit. 6. in fin. lib. 2. tit. 21. §. tit. 36.* Si enim non serviat vasallus domino, feudum condicetur & repetetur, *lib. 2. tit. 24.* Sanè moribus Gallorum defectus vel vitium corporis vel animi feudum clienti non adimit, cui per vicarium militem
ser-

DE FEUDIS COMMENT. 69

fervire licet, *Fab. lib. 1. de legit. patr. tut. Instit.*

III. Casu quoque beneficium amittere intelligitur, qui nullos liberos vel agnatos reliquerit; tunc enim feudum est apertum, & ad dominum revertitur, *lib. 1. tit. 7. § 8. & lib. 2. tit. 28. §. penult. & ult. tit. 50*

IV. *Voluntate* beneficium duobus modis amittitur. Priore, cum id à vasallo refutatur seu abdicatur, *lib. 2. tit. 14. § 28. ut & ususfructus cessione amittitur, §. 3. Inst. de usufruct.* Idque etiam dissentiente domino, *d. tit. 38. cum invito beneficium non detur, l. 69. ubi notavimus, De reg. jur.* Et jam quæsitum beneficium cuique liberum est repudiare, *l. penult. C. de pactis.* juriq; suore-nunciare, *l. 40. De minorib.* Posteriore, cum vasallus finit juri suo præscribi, *l. 2. tit. 26.* fingitur enim alienare velle, qui rem suam patitur usucapi *l. 28. De verb. signif.* Sed hoc Gallici mores non recipiunt. *Paris. lib. 1. cap. 7. Aurel. tit. 1. §. 10. & tit. de præscript §. 3. & 4.* qua de re supra pluribus in *cap. 1. diximus.*

V. Culpâ vasallus amittit feudum primò, si ingrato fastidio dominum contemnat; quod fit si investituram intra tempus non petat, *lib. 1. tit. 22. lib. 2. tit. 24. & tit. 40.* Vel cum verbali seu civili & imaginaria investi-

E 3

tura

tura facta à domino, realem investituram offerenti, evocatus, se per contumaciam sistere nolit: nisi sit feudum immune & expers fidelitatis; quod pacto remitti potest, *d. tit. 24. §. est & alia, in fine, l. 2. tit. 3. in fine.*

VI. Vel accusatus à domino vel curia ter accersitus, non pareat, ut à sese criminis invidiam amoliat, amittet feudum, *lib. 2. tit. 22. ubi glossa eximia omnia citationum præcepta complectitur.* Si tamen intra annum se sistat paratus se defendere, sumptusque litis, quos præjudiciales vocant, refundat, audietur, ci- que possessio restituetur *l. 15. C. de judic. cap. 4. X. De dolo, Imbert. l. 1. cap. 2. Inst. forensium.*

VII. Vel cum vocatus ad expeditionem dominum proficiscentem comitari dedignatur, *lib. 2. tit. 55. §. firmiter.* si certè spacium competens clienti detur, §. *firmiter* quod ex temporis & personæ qualitate metiri oportet, *l. 137. §. 3. De verb. oblig. & ex itineris ratione, l. 2. §. 4. Si quis cant.* ut arma quoque & equos comparet, dilatio dabitur: quæ omnia in sagacis iudicis arbitrio & prudentia posita sunt, *lib. 2. tit. 28. §. ad hoc.* Pendent enim à circumstantiis, quæ nulla certa lege continentur, sed ex æquitate statuuntur a iudice, *l. 3. De re judic. l. 14. De divers. temp. præscript. l. penult. Rerum amotar.* Excusatur vassallus si vel ante pubertatem servitium non præstet

Ret, *lib. 2. tit. 26. §. si quis decesserit.* vel dimidium fructuum vel proventuum illius anni malit solvere, vel alium substituere, *d. §. firmiter.*

VIII. Vel si servitium, cuius nomine feudum concessum est, detrectetur, *lib. 1. tit. 21.* nam & donationes ob causam factæ, vel sub conditione ac modo, non secus, hac causa vel conditione cessante, vel modo, non impleto, revocantur, *l. C. de donat. qua sub modo.* Vel denique si vasallo iustitiam facere vel jus dicere nolit, *lib. 2. tit. 24. §. illud.*

IX. Secundo, si non contemnendo tantum, sed merè delinquendo dominum injuria afficiat vasallus, feudum amittit. Quod fit, si dominum in acie periclitantem vel in campestri pugna lethaliter vulneratum, dimittat, *l. 2. tit. 24. §. 1. item qui dominum, l. 1. tit. 5.* Nec enim ut fabulæ spectator adesse debet, sed periculi partem sustinere, *lib. 1. tit. 21. in verb. laboraverit arg. lib. §. 1. 34. in verb. dicis causa, D. ad S. C. Syllan.* vel cum sciret domino damnum imminere, certiore non fecerit, *d. tit. 24. §. praterea.*

X. Vel uxorem domini adulterio corruperit aut turpiter & impudice colluserit, quod *cucurbitare* dicitur *lib. 1. tit. 5. lib. 2. tit. 38. & seq.* Et hoc verum est, siue uxor ipsa consentiat adulterio, siue dissentiat. Nam & facta nostris servis & liberis etiam vo-

lentibus injuria nos pertingit, *l. 1. §. 5. l. 26. De injur.* Idemque de sponsa domini dicendum, quæ uxoris jure censetur. *§. 9. Inst. de nupt. l. 15. §. 24. De injur l. 7. C. ad leg. Jul. de adult. l. 60. §. 5. & l. 15. & l. sequenti, De ritu nupt. Basil. lib. 6. tit. 37. Theod. Bals. & Zonaras in 66. canon. Apost.* Quamvis in pœnis irrogandis & odiosis negotiis mitior sententia probetur, *l. penult. De pœnis, c. odia. X. De reg. jur. in 6.* tamen legis Iulix verba de adulteriis coercendis de viro loquentia, sponsum non excludunt, & adulterium in sponsa vindicant, *l. 13. §. 3. ad leg. Jul. de adult.* Quod & ad viduam extendunt interpretes. quibus adversari videtur textus *d. tit. 21. in verb. domino viventi.* Idem in concubina, quæ etsi dignitate ab uxore differat, *l. 49. §. parvi, de leg. 3. l. antepenult. C. de nat. liber. Sidon. Apollinaris lib. 9. epist. 6.* et in concubinam non committatur adulterium, *l. 3. ff. de concub. Demosth. contra Nearam.* Tamen intemperantia vasalli hæc non erit impunita, ut interpretibus placet; quia domino juramento ad honestatem obstringitur, *lib. 2. tit. 6. & ex periurio feudum amittitur, d. tit. 24. §. illud.*

XI. De osculo, quod adulterii suspicionem arguit, aliud Itali, aliud Galli censent. Illi osculum puniunt, *Bald. c. tua X. de procur.*

*cur; Alc: lib: 4. c. 10. Parerg. § l: 2. Solutio
matrim Donatus in Eunuch, Act. 4. Sce: 3.
in fin. Nos osculum culpa vacare putamus.
quare eo nomine non amittitur feudum.*

XII. Si vasallus non adulter, sed adulterii
internunciatus & quasi proxenetasit, feu-
dum perdet. cum & lenocinium ad legem
Juliam spectet, *l: 10. §. 1. 2. l: 8. l. ff:
ad leg: Iul: de adult: & eadem lenonibus, quæ
adulteris pœnæ statuuntur, l: 3. §. 3. De ac-
cusat. Quod scilicet vix, sine sequestro &
emissario Veneris, adulterium admittatur,
aut certè admittat vix laterent, arg: l. 1. ff: de
recept: Novell: 14. § 51. Ita Longinus leno-
nes vocat, accipitres mulierum, qui lege So-
lonis ultimo afficiebantur supplicio.*

XIII. Privatur quoque vasallus, si domi-
ni nulum, sororem, filiamve stupravit, *d: tit:
24. §. rursus, d: tit: §. item si fidelis. Atqui
si domini fratrem interfecerit, non ideo feu-
dum amittet, l: 2. tit: 37. multo ergo lenius
cum eo qui stupri consuetudinem cum ejus
sorore habuerit, ageretur? Sed cordato viro
minus grave est filiam aut sororem suam oc-
cidi, quam violari, l: 8 §. 2. D. quod meus
caussa. Exemplum Virginii apud Livium l:
3. Decad. I. Halicar. lib. 11. Antiquit. § Pom.
pon. l: 2. De orig. juris, qui filiam suam Ap-
pii Claudii libidini subtractam, arrepto gla-*

E 5

dio,

dio, ex taberna lanionis extracto, trucidavit. Stuprum autem vel adulterium ita demum punitur, si à sciente dolo malo committatur. Nullum enim sine dolo crimen vindicatur. Unde vassallus si citra dolum matronæ aut virgini vitium obtulerit, excusabitur, *arg. l. 12. ff. de lib. cau. l. 3. §. 6. ff. de hom lib. exhib. ut si in mulierem larvatam aut personatam inciderit, aut meretricia veste utentem l. 15. §. 15. ff. de injur. Fab. lib. 7. c. 3.* Meretrices enim, quæ in lustris prostarent, signum aliquod publicè gestasse constat, non modò ex Felino, *in rubr. de test. cogend. vulg. l. 1. §. 1. ff. furt. adv. naut.* (Sicuti fabricenses stigmatibus notabantur, ut agnoscerentur & fugientes ad opus revocarentur, *l. 3. C. de fabricen. lib. 11. §. ulp. d. §. si quis virgines, vers. si meretricia veste.*) Sed & ex Tertulliani Apolog. c. 6. *Video, inquit, inter matronas atque prostibulas nullum de habitu discrimen relictum, Clemens Alex. l. 2. cap. 2. Padagog. l. nulla, 11. C. Theos. lib. 15. tit. 7. de Scenicis:* unde obiter mendum tollendum est, &, pro *robur*, legendum, *rubor*; transpositis literis.

XIV. Vassallus injuriam atrocem domino faciens, aperte, vel per insidias, feudum amittit, *d. tit. 24. §. porro lib. 2. d. tit. 5. §. similiter lib. 1.* Nam & easdem ob causas uxor repudiari, filius exheredari, perfecta dona-

natio revocari potest, l. 8. C. de repud. l. ult. C. de revoc. donat. Novel. 115. c. 3.

XV. Insidiatus autem vasallus domino, eumve obsidens, non tantum feudo mulctatur, sed & in legem Corneliam de sicariis & veneficis incidit, l. 7. C. ad l. Corn. de sicar. §. ult. si quadr. paup. l. 130. De reg. jur. l. 60. De oblig. & actio. l. 2. De privat. delict. Et hoc jure in Gallia utimur; additurque in sententiis judicum, reos damnantium, clausula, *La confiscation à quil appartiendra.*

XVI. Si tamen vasallus duobus dominis inter se belligerantibus, cum ab utroque evocaretur, antiquioris domini partes sequatur, novoque domino nocuerit; feudum non perdet, lib. 2. tit. 55. §. illud quoque praeipimus. Quid ergo alius dominus consequetur? Dimidium scilicet proventus illius anni, nisi substitutum maluerit dare vasallus, d. §. firmiter. Equidem malim ipse, positis armis, in domo dimidium unius anni utrique pendere, quam alterutrum lacerare.

XVII. Sed & jure cæso domino, vasallus feudum non perdet: si ob corporis sui, rerumque suarum tutelam vim vi repulerit, l. 3. De just. & jure. l. 4. Ad l. Aquil. l. 1. C. unde vi. c. 3. X. de homicid. Cic. pro Mil.

XVIII. Contrahens cum inimico domini amicitiam, feudum perdit, lib. 2. tit. 26. l. 28.

l. 28. in fin. C. de inoff. test. & amicos reorum punitos olim ex Q. Curtio liquet. v. l. 5. C. ad leg. Iul. majest. abrogata nunc quod ad hoc attinet, per l. 22. C. de pœnis.

XIX. Instituta in dominum accusatione, delatione, testimonii dictione, feudum amittitur, *l. 2. tit. 23. d. tit. 24. §. item si delator.* Ut tamen minori xxv. annis ignoscatur, *l. 14. §. 1. ff. de bonis libert. l. 5. §. 9. ff. de his qua ut indignis.* Quia tamen minor propter non petitam tempestive investituram feudo privatur, *lib. 2. tit. 55 §. prater ea*, cur ei, si ad accusandum dominum descenderit, parcendum esse arbitremur? cum in delictis venia minori non detur, quamvis pœna mitigetur, *l. 37. De minoribus. l. 1. §. 2. C. si advers. delict. l. 9. §. 2. ff. de minor.* nec mihi probatur, quod nostri interpretes generalem hanc juris definitionem ad falsam & calumniolam accusationem contrahant, in *d. tit. 24. §. item si delator.* Ut enim reipubl. intersit delinquentium scelera patere & coerceri, *l. 18. D. de injur. l. 51. in fin ff. ad leg. Aquil. Gell. lib. 20. cap. 1.* minimè tamen id per vasallum fieri oportet, *arg. l. ult. C. de delat. Tull. pro rege Deiotaro.* Adde, quod in *d. §. item si delator*, hæc verba, *dispendium grave senserit*, ex delatione, satis indicant, dominum culpa non vacasse, cui alioqui sua freto innocentia nullum

ab

ab accusatore periculum crearetur. Eodem pertinet quod *Novell. 115 c. 3.* filius patrem citra exhereditationis periculum omnino non accuset, cui ea in re vasallum comparamus. Nisi ea accusatio dominum nefariè pestem patriæ aut principis perniciem molientem, proderet, *d. c. 3. d. l. ult.* Nam salus reipubl. omni pietate antiquior est, *l. 35. de relig. & sumpt. l. 19. § 7. De capt. & postlim. Cic. 3. Officior.* & publica utilitas privatam vincit; *c. secundo X. de postul. prelat. Valer. lib. 1. c. de pietate in patriam.*

XX. Quid si vasallus suam suorumque injuriam persequatur? & dominum impune accusari putant *d. l. 14. § 6.* Ut & in causâ feudi dicere in eum testimonium vasallus non prohibetur, cum nova investitura non nisi per Pares curiæ probetur, *lib. 2. tit. 33. §. quod autem, & tit. 32. in princ. l. 2.* Si eam autem in alterius injuriam quis ulciscatur, plurimum sane interest, *l. 12. C. de his qui accusare. l. 8. ff. de accusat. l. antepenult. C. de his qui accus. Basilicôn lib. 60. tit. 34. & 66.* & ibi interpres Græcus, *cap. 130. concil. Cartaginien. can. omnibus 2. q. 6.*

XXI. Denique si vasallus dolo abnegat dominum, feudo spoliabitur, *lib. 2. tit. 26. §. vasallus. tit. 34. §. ult.* unde Gallorum mores profluxerunt, qui propter abnegatum domi-

minum, & propter falsum rerum beneficii jure concessarum, catalogum, clienti feudum eripiunt. *Paris.* §. 30. *Aurel.* 8. *Meldens.* 185. nam & inficiatorem leges civiles averfantur vehementer & oderunt, *l. ult. De rei vind. Auth. contra C. de non numer. pecu. l. 10. §. 1. De fidejus l. 22. in fin. De re judicat, l. 1. §. 15. ff. quadrup.*

XXII. Alia sunt exempla, veluti alienati injussu domini feudi, arcani detecti, proditoris, homicidii, & si sint ejusdem generis, quæ ab interpretibus coacervata lubens omitto, cum ad superiorem causam, si parem majoremve rationem habent, nullo negotio revocentur, ut non semel admonet *Hortens. lib. 2. tit. 23. in princ. tit. 22. 28. §. ad hoc. arg. l. 12. §. l. seq. De legib. arg. l. ult. si quadrup. Tullius in Topicis: Valeat, inquit, equitas, quæ paribus in causis paria jura desiderat.*

XXIII. Reliquum est ut videamus, ad quos feudum amissum revertatur. In qua quidem quæstione sic statuendum est: Amissum culpâ in dominum commissâ feudum, sive antiquum, sive novum, ad dominum ipsum redit, exclusis, ascendentibus & descendantibus, *lib. 2. tit. 24. §. denique, & tit. 37. vers. cum. autem ad dominum.* tacita enim conditio feudo inest, ut ad exemplum donationis sub modo facta, causa non secuta,

ta, revocetur, *l. 1. C. de donat. quæ sub modo.* Accursius tamen & Hostiensis feudum antiquum, ob culpam vasalli, domino committi negant; quibus astipulatur Zasius 10. parte; & hæret propter feudalis textus dubios & ancipites. Sed dubitationis causam omnem præcisam puto, *d. § denique d. vers. cum autem*, ubi diserte hæc prima regula probatur. Cui tamen locus non est in iis casibus quos supra excussimus.

XXIV. Quibus addere licet & hos, scilicet si ita facta sit investitura, *ut non solum pater, sed & filius feudum haberet*: culpa patris jus filio quæsitum non minueret, *arg. l. 7. ff. de usufructu accrescen. l. ult. D. de usufructu.* Vel si feudum datum sit vasallo ob præterita merita; ut quia dominum insidiis latronum liberavit: quia non tam beneficium est, quam egregii laboris merces, quæ ingratitudine aut culpa postea nata non revocatur, *l. 27. & l. penult §. 1. De donat.*

XXV. Quid si collegio, civitati, universitati, Ecclesiæ, feudo dato, administrator, rector, abbas in dominum peccet? Alvarotus sentit feudum apud reliquos collegas mansurum, nec ad dominum reversurum: quia vitium personæ unius obesse universis non debeat, *c. X. De reg. jur. in 6.* Aliter ipse censeo, & mediam viam sequor; nempe ut quamdiu,

diu is, qui deliquit, vivat, ad dominum re-
vertatur; eoque mortuo collegium, civitas,
vel ecclesia feudum recuperet, *l. 2. tit. 40. in fin.* Merito. nam delictum omne morte
extinguitur, *l. ult. inf. Ad l. Iul. majest. l. 2. C. si reus vel accus.* Demosthenes *epist. 3. in fin.* Ipsi autem, qui elegerant, vitiosumque
administratorem præfecerant, affines culpæ
fuerunt, & aliquatenus rei, §. 3. *De oblig. quæ quasi ex delicto, §. ul. de societat. l. 72. ff. Pro socio & mala electio electoribus imputatur, l. 2. De decur. l. 1. C. de peric. tutor.*

XXVI. Cum non in dominum, sed in
alium commissa culpa feudum amittitur; si
quidem antiquum fuerit, agnato collaterali
in quarto gradu vel remotiori acquiritur, ex-
clusis omnibus descendantibus & agnatis in-
tra quartum gradum, *lib. 2. tit. 26. §. si va-
fallus culpam, & tit. 31. d. §. denique. lib. 2 tit. 24.* Feudum autem novum per vasallum de-
linquentem amissum non in dominum, sed
in alium quemvis, ad dominum redit, ex-
clusis omnibus descendantibus, *d: §. si vasa-
llus culpam.* At cur agnati post quartum gra-
dum admittuntur, filii vero in universum ex-
cluduntur? Quia consanguinitatem usque ad
quartam lineam metimur, *c. licet, X. de con-
sangu.* In filiis autem duplex est ratio. Una,
quod in illis metuatur paternorum morum
ex-

DE FEUDIS COMMENT. 81

exemplum, ne sit mali corvi malum ovum,
*arg. l. 31. §. 21. De edictio edict. l. 5. C. ad
 l. lul. majest. Canon: si gens. 10. 56. distinct.*
 Altera ratio; quia pater eo ipso terretur,
 quod ipsius poena etiam in filium derivetur:
 cum instinctu naturæ magis parentes libero-
 rum supplicio quam proprio moveantur, §.
ult: De noxalibus, l. 8. in fin. Quod met: caus:
Cic: in quadam ad Brutum epistola de Lepidi li-
beris. Plutarch. de sera Numin: vindict. Et hanc
 rationem Duarenus *l. 4. c. 5. de sacros: Ec-*
cles: minister. ad spurios, quibus etiam inno-
centibus patris intemperantia officit, produ-
xit. Plura ad has tres regulas pertinentia
scripserunt Zasius in 10. parte, Alvarotus, &
Andreas ab Isernia lib. 2. tit: 24. §. ult: 3. Ho-
stiens: in summa de feud: lib: 3. decretal: Baro
lib: 2. cap. 6. & 8. in methodo Feudorâm.

E X P L I C I T.

F

A N.

ANTONII CONTII AN-
TECESSORIS BITURGUM

Methodus de Feudis.

INDEX CAPITVM.

- I. De origine & libris Feudorum.
- II. De definitione Feudi.
- III. De divisionibus Feudorum.
- IV. De acquirendo Feudo.
- V. Qui feudum dare possint,
- VI. Quibus personis feudum dari possit : sive ,
Qua feudum accipere & adquirere possunt.
- VII. Quibus modis feudum adquiratur : & pri-
mum de Investitura.
- VIII. De successione Feudi.
- IX. De reliquis modis acquirendi feudi, jure po-
tissimum Francorum.
- X. De alienando Feudo.
- XI. Quibus modis feudum amittatur & fini-
atur.
- XII. De conservando feudo : sive de Iudiciis feu-
dalibus ; & primum, ubi quis agere vel
conveniri debeat.
- XIII. De actionibus Feudalibus.

A N-

ANTONII CONTII,
ANTECESSORIS
Biturigum,
METHODUS DE FEUDIS.

Ad Tit. XX. libr. III. Dicretal.

SUPERIORIBUS titulis variæ alienationum species relatæ sunt, quibus partim Dominium transfertur, partim non transfertur. Transfertur per *Venditionem* & *Permutationem*: Non transfertur per *Precarium* & *Emphyteusim*, ut supra de locat. & conduct. cap. ult. Merito igitur hæc subiicitur species Alienationis, per quam nec Dominium transfertur, & tamen Alienatio est: quia ususfructus species Alienationis est, l. ult. C. de reb: alien: non alienand. Cui feudum persimile est, ut videre est apud Congestorem Librorum Feudor. lib. 2. tit. 23. In quib. caus: Feud: amitt: §. ult.

Singularis autem hæc materia est in Jure Canonico: in civili jure nulla ejus alienationis mentio fit, neque etiam Beneficiorum. *Beneficium* enim Longobardica voce *Feudum* dicitur. Quamvis enim hi Libri de Feudis, solent Civilibus adjungi; jure Civili tamen non comprehenduntur. Nam Obertus ho-

rum librorum Congestor, post Justinianum
quingentis annis vixit.

DE ORIGINE, ET LI- BRIS FEUDORUM.

CAP. I.

I. **O**RIGO autem Feudi unde sit,
doctissimi dubitarunt. Primus *Haloander* putat, mentionem eorum fieri in *Novellis*, sub appellatione *Militiarum*. Verum hanc sententiam *Haloandri* refutant multi. Militiæ enim fuerunt officia certa ministris Magistratuum assignata, quæ pecunia vendi poterant, & ideo in commercio erant, ut fuit officium Apparitorum. Apparet ergo multum differre Militiam à feudo. Nam Militia est jus personæ; Feudum in rebus immobilibus & quasi in possessione consistit.

II. *Budæus* & *Zasius* in l. 2. de orig: jur: rerulerunt ad jus clientelarum vetus, & dixerunt, *Feuda pendere ex clientelis*. Dominus enim Feudi nihil aliud est, quam patronus. At jus clientelæ ex XII. Tab. originem sumpsit. Hujus tamen clientelæ rara fit mentio in libris nostris. Nam postquam Respub. in unum hominem translata est, exolevit, ut Cicero testatur in multis locis, & lib:

x. de

1. de Orator. Verum nec hæ clientelæ comparari possunt cum Feudis: Cùm enim cliens se dabat in clientelam nobili Romano, retinebat tamen liberam rerum suarum administrationem, eratque tantum personale jus. Sed hodie illi Domini in vassallos summum jus non solum in personam, sed etiam in res habent; neque commodè referri potest ad Clientelâs hæc origo.

III. Tertia sententia est Viglii, *ad Rubr. tituli: Inst: de test: mil:* qui ait, *hæc Feuda originem traxisse ex summa providentia Imp: in tyrones, qui ad militiam adhibebantur.* His enim dabantur prædia, ut facilius sustineri possent & postea illa à Longobardis *Feuda* dicta sunt Hanc sententiam non approbo.

IV. Postremò Sigismundus Loffredus tradit originem majorum. Cùm enim Imp: Romani recentiores ferè semper in aliquo loco iter faciebant, & amicos Iurisconsultos, & militiæ peritos sibi adjungebant, qui eos in via comitabantur, inde *Comites* dicti, *l. 4. D. de off: assessor.* His ergo Comitibus, ut majorem alacritatem obtemperandi adderent, certa prædia assignabant Imp: quæ colerent per alios colonos, ex quorum fructibus se alerent. Et refert Sigismundus, primùm Constantinum certas villas designavisse, & postea idem quoque fecisse Reges Longobardorum.

VI. Sed verissima sententia est, relictis aliis omnibus, quod Impp: limitaneis militibus, & ducibus certa loca limitum & territoria assignarunt, ab hostibus capta, quæ omnia dabantur militibus. Antè enim Imperatorum erant omnia prædia capta, quod postea mutatum est, & prædia militibus data sunt. Quod primum fecit Alexander, ut Lampridius refert, ita quidem ut essent militum; in heredes autem eorum tum demum transferrentur, si eorum heredes etiam militarent, nec unquam ad privatos ejusmodi prædia pervenirent: quod si pervenirent, publicarentur. Quod confirmat Vlp. in l. 15. §. 2. D. de rei vind: l. 11. de evict: ubi dicitur, quasdam possessiones fuisse Veteranis in præmia assignatas. Sed & idem confirmat l. pen: § ult: C. de fund: limitroph: (lib.) 11. in qua l. pen: statuitur, ut loca limitum & territoria possideri tantum possint a Castellanis & limitaneis militibus, de quibus judicavit antiquitas. Quibus verbis ostenditur, multis superioribus temporibus id in usu fuisse. Sed origo hinc esse non videtur, quia hodie Feudis annexæ sunt Jurisdictiones.

VI. Sed jure Romano est incognitum, ut aliquis habeat aliquam jurisdictionem ratione Feudi vel Terræ: quod in Feudis contrarium est. Huic objectioni respondemus, posse ex
d. l.

d. l. pen: colligi, jurisdictionem una cum limitrophis transire solitam in milites, quod probat verbum, *Territoria*: quia territorium nihil aliud est quam locus cum jurisdictione, idque probatur ex *l. 239. §. 8. de verb. significat.* Sed Territorii alia est derivatio, non à terrendo, id est submovendo, *d. l. 239. §. 8.* sed terendo, quod frequentius à civibus teratur, autore Varrone *lib. 4. de Ling. Lat.* Aliam etymologiam tradunt, quòd milites in eo loco terrere hostes possint & repellere.

VII. Verùm in his variis etymologiis potior, quæ in jure nostro probatur. Et ego animadverti, antiquissima Feuda à Castellanis teneri. Et sententia hæc in majoribus Feudis est verissima. Quod ad minora attinet, videntur ortum habuisse ex antiquo jure Clientulorum, quia in aliquo vetusto libro Veromanduorum legi, hinc originem habuisse, quod homines infirmiores, qui à potentioribus premebantur, in clientelam procerum sese cum suis prædiis dederunt, ut defenderentur ab illis.

VIII. Mentio tantùm fit Feudorum in jure Canonico, ut *c. Que in ecclesiarum X. de Constitution. c. Ceterum, X. de judic. c. ex transmissa c. verum. X. de for. competent. c. ad nostram. c. cum laicis. X. de rebus Ecclæs. alien. vel non Celm. Pastoralis de sent. & re jud. & b. i. nostro.*

F 4.

IX.

IX. Aliàs mentio non fit Feudi. Sunt Libri de Feudis congesti ab Oberto. Quorum librorum nullam esse auctoritatem *Molinaus* vult, quia ab Oberto homine privato, nullo præcedente jussu aut mandato, seu principis seu populi, fuerint compilati & conscripti. Denique quia illud jus Longobardicum est & barbarum, & in multis locis sibi contrarium, in multis etiam contra LL. Romanas. Verbi gratia, successionem, quæ fæminas excludit, quod tamen Justinianus prohibuit, approbat. Dicendum tamen est, illos haberi pro Authenticis, cum aliud jus deficiat. Nam *Iason*, *Zafius*, *Alciatus*, & *Baro* semper hos libros auctoritatem habere scripserunt. Nulla enim est memoria, qua non hi libri in scholis publicè lecti sunt, Imperatore non contradicente.

DE DEFINITIONE FEUDI,

CAP. II.

I. **F**EUDUM, Longobardicam vocem, Latinis esse *beneficium* diximus. *Beneficium* vocabulum est, quod latè accipitur, & à Seneca sic definitur: *Beneficium est benivola actio, tribuens gaudium accipientibus, capiensque tribuendo, in id quod facit prona & sponte sua*

sua parata. Sed hæc definitio huc non pertinet. Hic enim pro materia subjecta, sic definitur: *Feudum est res immobilis, ita data alicui, ut ejus proprietas penes dantem maneat, ususfructus verò ad accipientem, heredesque ejus masculos, vel feminas, si ita dictum sit, in perpetuum transeat: dummodò accipiens ejusque heredes fideliter domino serviant.* Hæc definitio ab O-berto composita est. Ceteri aliter defini-erunt: sed eorum definitiones mihi non probantur. *Beneficium est rei immobilis, sub fidelitate datio.* Verum aliquid videtur omisisse, videlicet, *retentionem domini & translationem ususfructus.* Baro sic: *Beneficium est res soli, fidelitatis nomine, utenda data. & per consequens, retinetur dominium.* Dicit, *res soli,* quia Feudum tantum in rebus immobilibus consistit, tit. 1. lib. 2. §. ult.

II. *Fidelitatis* verbo notatur propria qualitas & substantia Feudi, per quam à ceteris rebus, quæ simili ferè titulo possidentur, Feudum separatur. Primùm enim Beneficium Ecclesiasticum sequitur non esse Feudum: quia quamvis detur ab Episcopo, non tamen datur sub conditione Fidelitatis; quia non sic confertur ab Episcopo, ut qui accipiat, serviat Episcopo, sed ut Ecclesiæ serviat & ministret, 21. qu. 3. c. placuit.

III. Præterea Feudum à Precariis separatur,

F S

tur,

tur, & à Donationibus ; quia in illis nulla intervenit fidelitatis obligatio : quamvis Donatio propter ingratitudinem revocari possit, tamen non cogitur donatarius pugnam pro donatore suscipere. Inde constat falsum esse, quod quidam dixerunt, *Fenda olim nihil aliud fuisse, quam Precaria*, & fuisse sic olim Feudum jure Civili cognitum. Quia dicebant, olim nullum tempus fuisse præfinitum, sed dominium, quandocunque voluisset dominus, potuisse revocari, *ut tit. 1. lib. 1. Feud.* quod idem in Precario fuisse. Primò enim Feuda fuere revocabilia ad nutum domini, & sic Precaria : secundo, annalia : tertio, vitalia, id est, ad vitam tantum accipientis durabant : quarto, transmissibilia ad primum gradum liberorum : quinto, ad secundum gradum liberorum : sexto, ad omnes legitimos ; postea in infinitum, *d. tit. 1. lib. 1. Qui feud. dar. poss.* Quod argumentum falsum est. Quamvis enim ad nutum revocabantur, tamen fidelitatem debebat Vasallus, quod in Precario non fuit. Denique distinguit Feudum à rebus Emphyteuticis, vectigalibus, & in perpetuum locatis & Censuabibus : quia in illis pro fidelitate intervenit pensio, seu Canon, vel vectigal. Unde intelligimus, non tradi Feudum, ut melioretur fundus, sed ut domino obsequium præstetur, Sunt
ta-

tamen quædam Feuda, in quibus præter fidelitatem aliquid exigitur à vasallo, vel in pecunia, vel in alia pensatione, & propterea non desinunt esse Feuda.

CAP. III.

DE DIVISIONIBVS
'FEUDORUM.

I. **F**EUDORUM aliud *Ecclesiasticum*, aliud *Laicum* vel *Seculare* est.

II. *Seculare* est, quod à Secularibus detineri potest vel solet: *Ecclesiasticum*, ab Ecclesiasticis vel ab Ecclesiis: *lib. 1. Feud tit. 1. & tit. de cler. qui investit. fac. & tit. Episc. vel Abb. &c.*

III. Laica beneficia tantum à Laicis hominibus possunt possideri, non item ab Ecclesiasticis, nec suo nomine vel nomine Ecclesiæ, nisi sit paternum, *lib. 2. tit. 26, si de feud. defunct. sit content. & int. ag. & dom. §. qui clericus.* ubi dicitur, cum qui Clericus sit, hoc ipso solo Feudum amittere. Sed jure Canonico hinc distinguitur. Potest enim Clericus suo nomine retinere Feudum, nec amittit per Monachismum, *c. ex transmissa. X. de for. competent.* At Ecclesiæ nomine Feudum tenere jure Francorum non potest. Quin

si requirat Dominus, jus habet jubendi, ut relinquat vasallus Feudum intra annum Domino vacuum. Ratio est: Quia Ecclesia comparatur faminae. Famina autem Feudum retinere non potest, quia non potest pugnam facere pro domino; sed vasallis incumbit necessitas pugnandi, denique nulla videbitur ab Ecclesia utilitas praestari domino. Si itaque hoc moribus observatur, poterit dominus adinere Feudum vasallo. Potest tamen Rex hoc admittere sua auctoritate.

IV. Secunda Divisio Feudorum est, quod alia *Nobilia*, alia *Ignobilia* sunt. *Nobilia* sunt, quæ nobilitant possessorem suum. Apud Obertum enim *Terra nobilitat personam*; quod contra est jure Romano: quia immunitas agris data ad personas non pertinet, nec eas immunes reddit, l. 3. *Et ult D. de censib.* Constat itaque hanc divisionem non congruere Iuri civili.

V. Sed Nobilium Feudorum sive Beneficiorum quædam dignitatem annexam habent; quædam carent dignitate. Quæ habent dignitatem, sunt, veluti Ducatus, id est, qui habent Ducalem dignitatem connexam: Comitatus limitaneus, id est, Marchia. Quæ non habent dignitatem, sunt eorum qui simpliciter Capitanei Regis vel majores Valvasores dicuntur. Hæc Divisio

visio non congruit etiam juri Gallico. Nam Franci habent regulam: *Neminem nobilitari propter Feudum, nisi quis dignitatem habens Feudum à Rege acceperit.* Quoties enim Rex illa Feuda confert, nobilitant. Si autem Dux suum Feudum vendat, non tamen emptor fit nobilis. Id quod etiam colligitur ex *l. un. C. de his qui à Princ. vacat. accep. (lib. 10. tit. 44.)* Ideoque plerisque moribus Provinciarum cautum est, posse Feuda nobilia transferri in ignobiles personas, salvo tamen honore Regis, hoc est, non illos fieri propterea nobiles.

VI. Tertia Divisio: Feudum aliud *Regale* est, aliud *non Regale.* *Regale* appellant, cui dignitas quædam regia accedit. Dignitates Regis sunt, cum quis potest cudere monetam, Judices dare &c. Etiam usu obtinuit Ducatum, Comitatum & Marchiam esse Feuda regalia, & ceteras dignitates, quæ à Rege conferuntur. Unde quidam dicunt, quod sit dictum hoc *Feudum regale*, quod à Rege datum sit. Sed hæc denominatio absurda est, ut testatur Baro. Quidam tamen hoc collegerunt ex *lib. 2. tit. 10. Quis dicat. Dux vel March.* & ideo etiam regale dici Feudum, quod à Rege concessum sit. Sed hæc vana sunt.

VI. Quarta divisio. Feudorum aliud est *Ligium*, aliud *Simplex*, id est, non *Ligium*.
Hæc

Hæc divisio colligitur ex *Clem. pastoralis de re judicat.* quo loco Clemens V. scribit, *Regem Sicilia esse hominem ligium Ecclesie Romanæ & proprium vasallum.* Feudum ligium igitur est feudum arctissimum & summæ, post Deum, fidelitatis & obsequii; quando scilicet vasallus jurat solemniter, se adfuturum Domino adversus omnes, nemine præter Deum excepto: ita ut ei adversus parentes etiam auxilium ferre velit. Qui non sunt Ligii, non coguntur Domino adversus Principem auxilium ferre. Et dictus est *ligius*, quasi ligatus & subjectus arctissimo vinculo. Hinc sequitur, *nullum feudum ligium posse dari, nisi ab Imperatore vel Rege, qui summam habent potestatem.* Denique neminem posse esse ligium duorum Dominorum, ut refert *Speculat. Bald. Ias. & alii, gl. in c. pastoralis in verb. Homo ligius. in d. Clem. de re Judicat.* Sed hæc duæ consequentiæ non congruunt moribus Gallorum. Nam his cavetur: *posse aliquem Ligium esse Domini summam potestatem non habentis*: idque colligi potest ex moribus Pictonum, *rit. de feud. art. 81.* & moribus Ambianorum, *art. 138.* quo loco apparet posse aliquos vasallos ligios esse etiam non summorum: ut Dux Nivernensis non habet summam potestatem; sed tamen ipse Regis Francorum Ligius est.

VIII.

VIII. Feudorum quoddam constat secundum *mores francorum jure parili*, aliud pleno *jure obsequii & fidelitatis*. Jure parili sive paritatis feudum constat, quoties possessor domino nullum sacramentum fidelitatis debet; fidelitatem tamen debet, sed juramentum remittitur. Et hoc jure censentur Feuda juniorum fratrum, quæ à fratre primogenito possident, qui fratris sunt vasalli, sed jure paritatis. Feudum pleni obsequii rursus subdividitur in Ligium & non Ligium; Ligium, ut supra dictum est: Non ligium, quod simpliciore sacramento vasallum adstringit, quia diversæ etiam sunt formulæ jurandi, ut in moribus Andegavensium.

IX. Quinta divisio Feudorum: Quædam sunt primi gradus, quædam secundi. Primi, ut sunt *Beneficia*: Secundi, quæ dicuntur *Sub beneficia*. Beneficia sunt, quæ à Principe, nullo intermedio Domino, possidentur: Subbeneficia verò, quæ, intervenientibus intermediis aliquibus Dominis. Hæc Divisio probatur in *tit. de prohib. Feud. alienat. per Frid. lib. 2. tit. 55*. Exemplo est quod Duces in omnibus ferè provinciis habent vasallos Barones, & hi sunt Subbeneficiarii. Colligitur & hæc Divisio ex moribus Biturigum, quibus Feudorum alia sunt Dominantia, alia Servientia, in *Morib. Biturig. tit. de Feud. art. 20*.

X. Sex-

X. Sexta Divisio. Feudorum aliud est Re-
ctum, simplex, purum, liberum, id est,
in cuius constitutione vel creatione nulla
pactio sive conditio contra communem natu-
ram Feudorum intervenit; aliud verò est
Conditionale, in cuius constitutione pactum
vel conditio intervenit contra communem
Feudorum naturam, *lib. 2. tit. 23. in quib.
caus. feud. amitt.* Ut igitur primæ speciei de-
finitionem intelligamus, dicendum est, quæ
de natura Feudi sint. Primum est de natura
Feudi, ut sit gratuitum, id est, nec merce-
de nec pecunia constitutum. *d. tit. in quib.
caus. feud. amitt.* Secundò Natura feudi est,
ut dominum maneat penes dantem, usus-
fructus transeat in accipientem Tertiò, ut
transeat ad heredes, *tit. 1. lib. 1. Feudor.*
Quartò, ut non amittatur citra culpam, aut
voluntatem beneficiarii, vel citra factum. *d.
1. In quib. caus. Feud. amit. & tit. de natur.
Feud. lib. 1. tit. 7.* Quintò, ut ad solos he-
redes masculos transmittatur, id est, ut sit
masculinum, *tit. 1. lib. 1.* Sextò, ut fide-
litas, id est, fidelitatis iuramentum præstetur.
lib. 2. tit. 3. per quos fiat investitur. cum seq.
Hæc sunt, quæ ad naturam Feudi pertinent,
quæ omnia pactis contrahentium immutari
possunt, modò, ne de substantia Feudi
sint.

XI.

XI. Explicandum autem paucis etiam hîc, quæ sint substantialia, sine quibus nomen contactus constare non potest. Sicut enim in emtione merx & precium, ita in Feudo fidelitas & res immobilis necessario intervenire debent. Non enim potest pacto fieri, ne fidelitas interveniat, vel ut in mobili re feudum detur. Cetera pertinent ad naturam, non ad substantiam. Naturalia verò sunt, quæ in Contractus institutione adesse solent vel debent, non tamen necesse est adesse, sed pacto contrahentium fieri potest, ne adsint. Veluti in Empione, naturale est illius contractus, ne dominium transeat ad emptorem nisi precio soluto, §. 41. *Inst. de rer. divis.* Potest tamen pacto contrahentium aliter disponi; manente nihilominus contractu Emptionis. Exemplum adferri potest: Homini naturale est habere liberos, etiamsi non habeat, nihilominus homo erit. Ita naturale est in Feudo, ut masculi succedant: potest tamen fieri pacto, ut & foeminae succedant. Potest etiam pacto fieri, ut non sit tantum perpetuum, sed etiam temporale & annuum. Quæ igitur hic adduntur Divisiones, possunt sub hac divisione modo explicata comprehendî: ut *Feudorum aliud transeat ad masculos tantum, aliud ad feminas etiam.* Nam conditione fit, ut ad feminas transeat. Item aliud est perpe-

G

tuum

num, aliud *temporale*, veluti feudum *Guardiæ*, & *Caltaldiæ*, *titul de feud. Guar. & Caltald lib. 1.* quia *temporale* fit pacto. Item feudum aliud est *Pignoratitium*, aliud non potest oppignorari. Sed & hoc pacto contrahentium fieri debet.

XII. Septima Divisio. Feudorum aliud *Antiquum* sive *Paternum*, aliud, *Novum*, aliud *Maternum*. *Antiquum* est, quod fuit alicujus ex ascendentibus intra quintum gradum & supra primum gradum, idque jure Longobardico. Hoc etiam dicitur *paternum*, nisi quod *paternum* duobus modis dicitur: Latè *lib. 2. tit. 50. natura success. feud.* Strictè, pro eo Feudo, quod patris tantum fuit, *Tit. 1. lib. 1. de his, qui feud dar. poss. §. Cum verò Conradus. lib. 1. tit. 12. de content. int me & dom. de port. feud frat. &c.* *Novum*, quod per possessorem acquisitum est, non per successionem delatum vel quæsitum, *tit. Qui test. sint necess. ad non. investit. prob. lib. 2.* *Maternum*, quod à matre transmissum est, quod dicitur etiam *fam. lib. 2. tit. 30.*

XIII. Octava divisio. Feudorum quædam æqualiter dividuntur inter omnes heredes proximi gradus, sive descendentes, sive ex latere venientes; quædam inæqualiter dividuntur, aut etiam indivisa habentur à pluribus, jure Longobardico. *lib. 1. tit. 1. de his qui feud. dar. poss.*

poss. §. *Et quia lib. 1. tit. 8. de success. feud. & lib. 2. tit. 26. si de feud. defunct §. cont. tit. Omnes filii.* Sed jure Francorum, Anglorum & Siculorum omnino non dividuntur Feuda, sed integra ad primogenitum pertinent, ceteris exclusis. Et hoc intelligitur de Feudis majoribus; veluti de regno, vel ligiis Feudis ab ipso Principe immediatè pendentibus. Verum in Provincia Parisiensi & Bituricensi non pertinet totum Feudum ad primogenitum, sed unum jugerum & præcipua domus, reliqua pars dividitur æqualiter. In provinciis aliis integra Feuda pertinent ad primogenitum. Ita servatur in Ambiana. Sed primogeniti jus prorsus incognitum est apud Longobardos.

XIV. Nona Divisio. Aliud est *Dividuum*, aliud *Individuum*. Dividuum, quod in partes dividi & scindi potest, & regulariter dividitur inter heredes, sicuti media & infima Feuda, quæ in partes dividi possunt. Et ab initio quidem fuit, ut omnia Feuda essent dividua: sed per Fridericum constitutum est, ut nobilia feuda, id est, regalia sint individua. §. *firmiter vers. præterea. tit. de prohib. feud. alienat. per Frid. lib. 2. tit. 55.*

XV. Decima Divisio. Feudum aliud *intra territorium jurisdictionemque domini* constitit, aliud *extra*, tit. *Quib. mod. feud. amitt.*

in fin. lib. 1. tit. 5. & tit. 17. Non enim est necesse, omne feudum esse in territorio domini proprii. Hinc regula Francorum, *Feudum non esse sufficiens argumentum domini*, & contra, nec ex jurisdictione feudum probari posse.

XVI. Reliquæ omnes Divisiones feudorum, quæ recensentur à Feudistis, possunt ad has decem Divisiones referri. Quidam tamen Feudistæ habent undecimam Divisionem, quod quædam consistant in *rebus immobilibus corporalibus*, veluti prædiis, villis, urbibus: quædam in *rebus immobilibus & incorporalibus*, veluti decimis: jurisdictionibus, &c. Hæc divisio ad hoc prodest, quod aliter committitur feudum in corporali re consistens, aliter in incorporali.

XVII. Omne autem jus, quod consistit in patrimonio nostro, in his tribus versatur, in acquirendo, conservando, & amittendo, *l. ult. D. legib.* Hos igitur locos, quia & feudum in nostro in patrimonio habetur, sequemur in hac tractatione.

DE ACQUIRENDO
FEUDO.

I. **D**E acquirendo feudo primùm videamus. Feudum autem quo modo quærat, quæritur? Iustè acquiritur, si ab eo, qui dare potest, detur, & accipitur ab eo, qui jus accipiendi habet, & si eo modo datur & accipitur, quo dari & accipi debet. Ergo hic locus tres locos continet. Primùm, de personis duplex est consideratio, de Accipientibus & Dantibus personis: Tertia est de modis.

CAP. V.

DE HIS QUI FEVDVM
DARE POSSINT.

I. **D**ARE autem feudum possunt primò Imperator, qui jus dandi habet. Quod quamvis ab Oberto prætermisum est in tit. 1. tamen potest ex aliis titulis probari, nempe lib. 2. tit. 10. *Quis dicat. Dux*, &c. & lib. 2. tit. 34. de L. Corrad.

II. Potest autem dare omnis generis & dignitatis feuda, ut Comitatus & limitaneos Du-

citus; potest etiam dare inferiora, ut Baronatus & Castellanas.

III. Quod de Imperatore dicimus, idem & de Rege, qui nulli Principi obnoxius est, dicemus. In hoc genere constat esse Regem Francorum, quod indicat Titulus Regis: *Dei gratia Francorum Rex*: quasi à solo Deo imperium habeat, non autem ab alio. Ideoque non sunt audiendi Baldus & alii, qui Imperatori blandiendo fingunt Franciam subesse Romano Imperio.

IV. Tertiò, Pontifex Rom. potest feudum dare in his Provinciis & agris, qui olim Principum beneficio Ecclesiæ Romanæ datæ sunt, primùm à Constantino, c. *Constantinus*, 96. *Distinct.* secundo à Carolo Magno, qui devictis Longobardis multas civitates propriè patrimonio Ecclesiæ Romanæ addixit, ut ex Historiis & Legibus ejus cognoscere licet. Hinc Clemens V. asserit, se in feudum Regnum Siciliæ dedisse Regi Siciliæ.

V. Quartò, feudum dare possunt secundi ordinis Principes, Dux, Comes, Marchio, de quib. *lib. 1. tit. 1.* Nam quamvis in impressis libris nomen *Ducis* abest, tamen in antiquo exemplari manuscripto *Dux* rectè inseritur. Et hi propriè dicuntur *Capitanei Regis vel Regni*. Ducibus & Comitibus, qui dicuntur propriè Capitanei Regni, compa-
ra-

rari possunt pares Franciæ. Et hic est secundus ordo eorum qui feuda dare possunt.

VI. Tertius ordo, qui post Imperatorem feuda dare possunt, est eorum, qui sunt subiecti Ducibus, Comitibus, vel Marchionibus, qui Capitanei Regni dicuntur, id est, qui feuda ab illis accipiunt. In quo genere sunt Subcomites, Barones, & hujus generis personæ, qui Capitanei simpliciter dicuntur, non Capitanei Regni: Item appellantur *Valvasores Regis vel Regni*, & *Valvasores majores*, tit. 1. lib. 1. His personis in Francia comparare possumus eos Duces aut Comites, qui subsunt Paribus Franciæ, item Vicecomites

VII. Quartus ordo eorum, qui possunt dare feuda post Regem & Imp. est eorum, qui feudum accipiunt à Valvasoribus, id est, ab ipsis Subcomitibus: & hi dicuntur *Valvasores minores*. Et jure Longobardico non possunt minores Valvasores dare feuda. tit. 1. lib. 1. §. *Notandum*. Sed consuetudine Mediolanensium poterant dare feuda.

VIII. Et item hi minores poterant conferre feudum: & hic quintus erat ordo, qui *minimi Valvasores* dicuntur, vel *Valvasini*, lib. 1. Tit. 15. *An marit. succed. uxor. in benef.* & lib. 1. tit. 26, *de feud. dat. minim.* Valvasor. His comparare possumus in Francia, scilicet

minoribus, *Castellanos*, id est, illos, qui possident *Castella*; Minimis autem *Scutarios*, id est, Nobiles, qui nudum Nobilitatis nomen retinent. Et hi etiam feuda conferre possunt; quemadmodum etiam plebei apud Gallos, non tamen apud Longobardos. Sed hi in Francia feuda tantum dare possunt de proprio Allodio: Quod autem diximus de Duce, potest ipse dare in feudum rem ab imperatore in feudum acceptam.

IX. *Allodium* nihil aliud est, quam res mancipi, id est, ager nulli tributo aut vectigali aut canoni aut censui obnoxius. Et potest hoc Allodium comparari his prædiis, quæ dicebantur *optimo jure teneri* olim apud Romanos. Hujus Allodii plerisque in locis mentio fit in glossis juris Civilis. Sunt enim alia prædia *Allodia* sive *Allaudia*, id est, nec servitio nec censui obnoxia, liberrima & juris optimi: alia sunt *feudalia prædia*, quæ libera sunt ab omni pensione, sed possessorem suum alligant fidelitati & perpetuo obsequio: alia sunt *prædia censualia*, quæ censum annuum Domino debent. Ad hoc genus prædiorum refertur etiam *fundus Emphyteuticus*. Hi qui habent Allodia, possunt illa dare in feudum, qui autem habent censualia, non possunt. quia nihil tam contrarium feudo est, quam census. Plebeius autem feudum, quod à Principe

cipe habet, more Francorum, sicut diximus, non potest subfeudare: & si hoc fecerit, Dominus poterit feudum sibi vindicare. Potest tamen aliquis vendere, quia hodie feuda sunt in nostro patrimonio, ut *in consuet. Veromand. & alius.*

X. Quod autem diximus de maioribus personis, intelligendum est, si hoc illis non sit specialiter prohibitum, & de his, qui habent liberam rerum suarum administrationem, *lib. 2. tit. 3. Per quis fiat Investit.* Et hoc rursus est accipiendum de nonis feudis, non de veteribus. Nam illæ personæ, quibus interdictur alienatio, ut est pupillus, vetus feudum concedere possunt, idque possunt absque tutoris autoritate: novum autem neque cum tutoris autoritate possunt, *arg. l. 5. §. 5. D. de reb. eor.* quia tutor administrare, non alienare potest. Quod in pupillo diximus, idem quæritur in clerico, *An clericus in feudum dare possit?* Dicendum est, eodem modo illum posse vetus feudum confirmare; non autem novum feudum constituere. *c. Ad nostram, supra de reb. Eccles. alien. c. 2. h. t. de feud.*

CAP. VI.

QVIBVS PERSONIS
FEUDUM DARI POSSIT;

*sive, qui Feudum accipere & adqui-
rere possint.*

I. **G**ENERALITER traditur, omni-
bus personis, quæ sui juris sunt,
beneficia acquiri & dari, tam per se, quàm
per alios, veluti servos vel procuratores, *lib.*
2. tit 3. Per quos fiat investit. § personam. At
servi & Monachi suo nomine feudum adqui-
rere non possunt, cum jure Romano suo no-
mine nihil tenere possint. De Clerico dubi-
tatum est, *an possit suo vel Ecclesia nomine ad-
quirere?* Obertus dicit non posse; quia non
potest præstare obsequium, *lib. 2. Titul. 36.*
An mut. vel alias imperfect. feud retineat. Ipse
Obertus tamen fuit in alia sententia. Et
cum certum sit, quod possit hodie aliquis per
alium inservire, nihil videtur ob stare quò
minus clericus feudum suo nomine habere
possit. *ca. ex transmissa. X. De for. compet.*
Hoc etiam jure Francorum constitutum est,
ut possit clericus tenere suo nomine feudum:
Ecclesiæ autem nomine non aliter, quam si
autoritate Principis id consequatur, & obse-
quium

quum â feudo sit sublatum. Quod si principis rescripto non sit cautum, potest Dominus jubere, ut Ecclesia sibi vacuam reddat possessionem intra annum, vel substituat hominem mortalem, in cujus persona omnia jura feudalia consistunt, scilicet, ut commodum morientis ad dominum perveniat.

II. Idem dicendum est de muto, cum feudum tenere non posse; quia juramentum præstare non potest: Idem de cæco, claudò, furdo vel aliàs imperfecto, *tit. 36. lib. 2.*

III. Idem de femina, quæ potest possidere feudum femininum, non autem masculinum. *Femininum* autem est, in cujus prima investitura pacto adjectum est, ut etiam ad feminas transfret. Sed & femina jure Longobardico potest habere jurisdictionem, item jure Canonico, *c. dilecti. X. de arbitr. contra l. ult. C. de arbitr.* Dicit enim, *in mulierem posse committi.* Itaque femina potest feudum tenere, & jurisdictionem conjunctam feudo habet.

IV. De pupillo & minore quæritur, *An possint feudum acquirere?* Et constat, non posse acquirere jure Longobardico & Francorum. Durum quidem videtur esse, sed nulla iniquitas vertitur. Nam donec pupillus est, feudi jus in pendentem erit, & tenetur præstare dominus patientiam, donec pupillus ad justam æta-

ætatem pervenerit; & tutores & curatores precario petere à domino debent, donec pupillus possit iuramentum præstare. Quæritur, quæ censeatur legitima ætas? Nostri moribus scriptum est, ut censeatur legitima ætas, cum masculus vigesimum annum ætatis compleverit, femina verò, cum decimum quintum. Sed quid si dominus nolit præstare patientiam? Cogi potest, ut interim precario pupillo liceat possidere.

CAP. VII.

QVIBVS MODIS FEVDUM ACQIRATUR; ET
primum de INVESTITURA.

I. **N**UNC dicendum, quibus modis Feudum acquiri possit. Oberrus ait duobus modis feudum acquiri, investitura & Successione. *lib. 2. tit. 1. de feud. cognit. §. ult.* Sed videtur sibi contrarius, cum ait, *Neminem feudum posse possidere nisi Investitura.* Sed hæc non sunt contraria. Nam in *titul. de feud. cognit.* ait duobus modis acquiri, *Investitura & Successione:* At in *lib. 1. tit. 26. Quibus mod. Feud. constit. poss.* ait, *non posse constitui sine investitura.* Quia aliud est acquiri feudum, & aliud constitui feudum. Nam
per

per Successionem acquiritur feudum, non constituitur. Verbi gratia; Pater moritur, qui possidebat feudum, filius succedit; filius interim acquirit: sed nondum intelligitur constitutum feudum in persona filii, nisi investitus fuerit. Ergo rectè ait Obertus: *nullum feudum constitui sine Investitura*. Sed lege communi Francorum constat, quod defuncti possessio & dominium transferatur in heredem. Quæ consuetudo nata est ex Accursii sententia in l. II. de lib. & posth. in verb. quodammodo. Cum ergo ex successione iam habeat, non intelligitur opus esse, ut corporaliter capiat possessionem heres. Sed nostro hoc jure Feudistico non intelligitur possessor fundi, antequam sit investitus à domino: quòd uno modo constituatur Feudum, scilicet per Investituram, vel quasi investituram: ut, de Consuetud. rect. feud. in pr. lib. 2.

II. Acquiritur autem variis acquirendi modis: Primum Investitura. Apud antiquum interpretem manuscriptum, *Investitura est proprius contractus*. Sed Investitura accipitur pro quadam appendicula contractus feudalis, non autem est principalis contractus. *Investiendi* verbum antiquum est. Nam plerique putant, non esse Latinum, ideo, quia non est relatum inter Latina in hac significatione. Sed ut contradicam, monet me contractus anti-

ntiquissimus Emptionis. Nam in illius formula sic legitur: *Tu venditor fuste illum investito; tu emptor fustem illum manucapito.* Fustis igitur manucapitur, & hæc erat investitura. Investitura ergo est imaginaria venditio Obertus. lib. 2. tit. 2. *Quid sit Investit* ait: *Proprie Investituram esse possessionem: improprie autem dici Investituram hasta traditionem vel fustis.* Ex his apparet, fustis traditionem esse Investituram. Quasi investitura est, cum nulla quidem intervenit fustis aut baculi traditio, sed solius domini patientia aut iussus, ut si dicat dominus; *Vade in possessionem illius fundi, & ipsum tene pro feudo.* lib. 2. Tit. 33. de consuet. rect. feud. in pr. Sed per veram Investituram acquirit quis potestatem cogendi dominum, ut mittat vasallum in possessionem. lib. 2. tit. 7. de nov. form. fid. §. fin. Pro quasi Investitura habetur longi temporis possessio. Cum ergo vasallus possederit per triginta annos, non cogitur probare Investituram.

III. Testes in Investitura necessarii sunt, non propter solemnitatem, sed ob probationem. Requiruntur autem non quivis, sed Pares Curiae vel Curtis, id est, jurisdictionis: & requiruntur duo vel tres, id est, oportet praesentes esse duos vel tres Convasallos eidem domino subiectos ratione feudi. Unde etiam dicuntur *Pares Francie*, non quod pares sint

METHOD. DE FEUDIS. 117

sint regi, sed quod sint duodecim vasalli primarii Regis, & pares inter se. Sed si quis dominus paucos habeat vasallos, ut non possint Pares Curiae reperiri? adhibebuntur testes duo privatae conditionis, si alias pares non habeat. Ut tamen evitetur omnis difficultas, in Gallia sunt quidam homines, qui dicuntur *Feudales*, qui sunt imaginarii vasalli, ut illis omnibus investituris intersint, & hi habentur pro Paribus Curiae.

IV. Præterea interdum solet de investitura confici instrumentum, quod Obertus *breve testatum*, id est, testationem in instrumentum, quod veteres *breve* appellarunt, redactam nominat. *lib. 1. tit. 2. de feud. Guard. lib. tit. 4. si de invest. feud. contr. fuer.*

V. Sed an vasallus investituram petere debet primo statim die, vel intra quod tempus? Jure Longobardorum debet petere intra annum & diem, ex quo apertum est feudum; id est, adire dominum, & ei polliceri fidelitatem, & investituram petere debet. Et hoc in veteri. In novo feudo statim adire dominum debet, *lib. 2. tit. 32. quit test. sine necessar. &c.* Sed si intra annum & diem non accesserit dominum, amittit feudum, id est, consolidatur feudum cum proprietate domini, *lib. 2. tit. 55. § praterea si quis. De prohib. feud. alien. per Frederic. & lib. 2. tit. 24. qua fuit cans.*

caus. benef. amitt. Ante legem Frederici dabantur militi annus & mensis *lib. 1. tit. 22.* *Quo temp. investit. pet. debet.* Sed moribus Francorum tempus constitutum est quadraginta dierum. *consuet. Paris. tit. 4. Biturig. tit. 4. c. 9.* Sed de feudo novo viginti dies moribus Biturigum præscribuntur. *art. 7. eod. lib.* Sed pœna Francorum non est amissio feudi; sed ut patiaturs manus iniectionem & occupationem, id est, potest dominus occupare feudum & possidere tanquam suum, donec vassallus veniat, & dominus interim faciet fructus suos. Si tamen dominus occupaverit, non faciet fructus suos, nisi ab eo die, quo occupavit realiter feudum. Hinc dicitur: si dominus differt, facit vassallus fructus suos: si vassallus dormit, facit fructus suos dominus.

Vl. Sed si dominus renuat feudi investituram vassallo petenti? Hanc quæstionem movet Accursius *lib. 2. tit. 3. Per quos fiat investitur.* atque eandem æquitatem in contrario, quæ est in contrario, scilicet, ut dominus perdat jus feudi, si post petitam investituram intra annum & diem non investiverit. Sed hoc sine lege dicit: æquitas tamen hoc suadet. Sed jure Longobardico nulla formula instituta est alloquendi dominum, qua petat feudum. Accursius tamen fingit qualescunque, & quilibet

bet pro ingenio suo exquirere poterit, narratis tamen præcipuis solemnitatibus feudi.

VII. Post investituram sequitur juramentum fidelitatis incontinenti, priusquam accedatur ad actum extremum. Hujus Sacramenti verba referuntur in *lib. 2. tit. 6. De form. fidel.* & *lib. 2. tit. 7. de nov. for. fidel.*

VIII. Juramenti loco etiam intervenire potest præscriptio triginta annorum, quæ licet interveniat, tamen necesse est, eum præstare fidelitatem, *lib. 2. tit. 26. Si de feud. de funct. cant. fuerit. §. si quis per triginta.*

IX. In feudo igitur semper investitura præcedere debet, fidelitas sequitur statim vel ex intervallo, prout domino placuerit. His duobus celebratis, Vassallus habet possessionem.

X. Sed jure Francorum præterea duo sunt necessaria, primum solutio juris dominici, quæ varia est pro variis moribus; deinde exigitur editio instrumenti, quo demonstratur quantitas & bonitas feudi. Jure Longobardico non requiritur hæc editio, nisi Accursii fortè sententia, qui hoc *titul. de prob. feud. alien. per Frid. §. illud. gl. ub. nisi.* requirere videtur.

XI. Investitura fit aut de re allodiali, id est, quæ ante nunquam feudum fuit, aut de re feudali, quæ jam ante feudum fuit. De allodiali re fit investitura dupliciter, vel gra-

H

tis

tis & liberaliter, vel ob præstationem annuam. Cum gratis & liberaliter de re allodiali investitura fit, duobus id modis accidit: Aut dominus rem suam allodiale vasallo dat titulo feudi, ut dominum ipsum in bello sequatur & defendat, ejusque uxorem, famam, liberos, tueatur, excepto semper honore Imperatoris & superioris Principis.

XII. Altero modo fit investitura de allodiali, cum infirmior persona in tutelam alicujus Principis sua allodia confert, & eorum dominium transfert in dominum, solo sibi retento usufructu, suisque successoribus. Hoc casu nulla pecunia intervenit nostris moribus.

XIII. Præterea fit investitura ob certam præstationem annuam, quod est contra naturam feudi; quia feudum est gratuitum. Investitura feudi seu rei teudalis fit ex causa Donationis, cum Vasallus qui rem in feudum accipit, vult rursus alii vasallo dare. Id quod potest effici jure Longobardico (quamvis Accurs. hæsitaverit in hac sententia) modo id fiat sine fraude legis atque sincere, *lib. 2. titul. 55. de prohib. feud. alien. per Frid. §. illud quoque precipimus. gl. verb. Alium vasallum.* Sed jure Francorum non permittitur vasallo de feudo alium investire vasallum, ei scilicet, qui est infimus vasallus,

fallus, quamvis gratuito fiat. Sed nec partem dare potest in feudum.

CAP. VIII.

DE SVCCESIONE
FEUDI.

I. SEQUITUR secundus modus acquirendi feuda per successionem. Omnis autem successio vel est ex testamento, vel ab intestato. Ex testamento feudum acquiri non potest, *lib. 1. tit. 8. de success. feud.* quia testator non potest alicui relinquere feudum, nec facere testamento, ut unus filius magis habeat in feudo, quam alter: non potest (inquam) hanc naturam feudi immutare, *d. tit. de success. feud.*

II. Ratio diversitatis quæ sit, quæritur, cum tamen cuique sit libera jure civili rerum suarum administratio? Videtur æquissima ratio esse, si contemplemur naturam feudi: quia feudum nihil aliud est, quam usufructus, qui finitur morte vasalli. Nemo autem quicquam potest ordinare de his, quæ finiuntur ac delentur post mortem, & quæ non est transmissurus ad heredes. Sed feudum non transmittitur ad heredes, sed novandum est per investituram à domino feudi. Interpretes

H 2

ta-

ramen legari posse feudum pro parte, tradiderunt. *Alvarot. Ifern. & alii*, quod non est verum. Illi autem hoc ex jure Romano probant, *arg. §. Disponat. Auth. de Nupt.*

III. Ab intestato feudum defertur aliquo modo, quam jure Civili in allodiis succedimus. In eo enim quod Iustinianus tres ordines faciat, scilicet ascendentium, descendendum, & ex transverso venientium; differt hoc jus, quo tantum duo ordines faciendi sunt, scilicet descendendum & collateralium. Nam ascendentes non succedunt in feudo, quia nunquam retrograditur. Potius enim feudum ad fratrem quam ad patrem venit. *titul. II. lib. 2. de success. fratr. vel grad. succedent. in feud.* Jure autem Civili pater vocatur cum fratre, *l. ult. C. ad Tertul.* sed hoc non fit in feudo; quia natura constitutum est, ut filius succedat patri, non autem pater filio. Ergo primo ordine filii naturales & legitimi simul una cum præmortuorum filiorum nepotibus, qui succedunt in stirpes, vocantur æqualiter jure Lombardico. Hic ordo traditur *in d. tit. de success. fratr. vel grad. succedent. in feud.* Jure autem Francorum interdum in totum succedit primogenitus, interdum pro tertia parte, &c.

IV. Quod autem dicitur de Nepotibus, intelligendum est de his, qui per lineam masculinam

malculinam descendunt; quia foeminae non-
succedunt, nisi specialiter sit cautum, vel feu-
dum sit femineum, *lib. 1. tit. 24. Quemadm. feud.*
ad fil. pertin. § lib. 2. tit. 30. De Feud fe-
minin.

V. Adoptivi autem nunquam succedunt
in feudum. *tit. 26. lib. 2. si de feud. defunct. &c.*
§. Adoptivus. Naturales tantum nunquam
etiam succedit in feudo, *d. tit. 26. si de feud.*
defunct. §. Naturales. Et hoc procedit, etiam-
si sint naturales legitimati, quod jure Civili
aliter est.

VI. Quod dixi de filiis, accipiendum etiam
de exheredatis. Quamvis enim hi non suc-
cedant in alia successione, tamen in feudo
succedunt. Quod fit, non tanquam ex testa-
mento, sed quia sunt filii. Neque enim pa-
ter potest filium hoc jure exheredare.

VII. Sed an filius posset se a patris here-
ditate abstinere, & succedere in feudo? Non
potest. Et hoc differt filius ab agnato. Ag-
nati enim possunt feudum agnoscere & re-
liquam hereditatem repudiare. *tit. 45. lib. 2.*
An agnat. vel fil. defunct. &c. Ratio diversitatis
haec est: quod filius, ad quem tota pertinet
hereditas, pro parte eam incidendo adire non
potest, quod verum est ex *l. 1. de acquir.*
hered. Ad agnatos autem non semper perti-
net hereditas; quia accidit frequenter, ut

H 3

alius

alius sit successor feudi, alius hereditatis, cum successor reliquæ successionis est proximior, & ideo excludit agnatum. Exempli gratia: Si Titius mortuus sit relicta filia, fratre patruale, feudum quidem pertinebit ad fratrem patrualem, reliqua successio ad filiam.

VIII. Secundo ordine agnati succedunt in feudo deficientibus descendantibus in infinitum, sed masculi: Non tamen omnes, sed illi tantum, qui descendunt à communi parente, qui feudum acquisivit. *lib. 2. tit. 11. de success. fratr. vel grad. succed.* Verbi gratia: Avus Titii de novo beneficio erat investitus. Titio sine legitimo herede masculo defuncto, patruus magnus Titii superstes volebat succedere in feudo. Hic patruus magnus non potest succedere in feudo, quia est quidem agnatus Titii, sed non est agnatus descendens ex communi parente. Ergo non succedit in feudo. Ex eo consequitur, nec fratrem fratri succedere in feudo novo, si frater primum feudum acquisierit. Quia, quamvis sit ejus agnatus, tamen est tantum descendens ex eo parente, qui feudum non acquisivit. *lib. 2. tit. 11. de success. fratr. lib. 1. tit. 14. de feud. March. §. si duo fratres. lib. 2. tit. 14. de fratrib. de novo benef. invest.* Cognati autem nunquam succedunt. Hi enim feudorum sunt incapaces, non minus quam feminæ, scilicet in feudo masculino.

Neque

Neque succedunt inter se in feudo maritus & uxor, ut jure Romano. Neque fiscus succedit deficientibus cognatis & agnatis, sed dominus feudi.

IX. Diximus defuncti agnati feudum deferri proximo agnato, si descendat ex eodem communi stipite, à quo primum feudum fuerat acquisitum. Cum ergo hoc ita sit, videtur agnatus potius succedere communi parenti, quam illi agnato; nec succedere agnato, ut agnato; sed tantum locum facere successioni parentis communis, ut hoc casu locum habeat quasi Successorium Edictum. Quia si agnatus, quam diu vivit, refutavit, eo agnato defuncto, nihilominus proximus succedit in locum defuncti, quod probatur ex *tit. 49. lib. 2. de eo, qui fin. fec. agn. de feud. pater. item tit. 5. lib. 1. Quib. mod. feud. amitt. item tit. 38. lib. 2. de vasall. qui contr. constit. Lothar. alien. item ex tit. 39. lib. 2. de alien. pater. feud.* ubi nominatim exprimitur, feudum paternum non posse refutari nisi agnatis consentientibus, ad quos beneficium ab intestato esset venturum. Potest enim agnatus feudo renunciare. Idem dicendum, si pater cum viveret refutavit domino. Nam filius succedit nihilo minus in feudo. Non enim succedit tanquam filius, sed tanquam nepos ejus, qui acquisivit feu-

dum, nisi filius consenserit refutationi. Constitat igitur, nullum vasallum posse fraudare heredes seu agnatos successione in feudo. Valet tamen refutatio eo vivo; mortuo autem, revertitur ad proximum agnatum. Quod autem diximus, intelligendum est de extraneis personis, quibus non potest refutare feudum, sed agnato potest, qui alias in feudo ei successurus esset. Itaque pater potest, cum vivit, feudum refutare filio suo. Et hoc casu cum ipse pater feudum refutavit, & filius præmoriatur, an filio pater succedit? Quidam Interpretes illud probant, nulla tamen ratione. Verum illud potest tuaderi pro moribus utentium. Ut si filia detur feudum in dotem, & si filia moriatur sine descendente, quæritur, *an feudum revertatur ad patrem & matrem?* Respondeo quod revertatur. Similiter etiam hic est dicendum.

X. Feuda autem quædam sunt, quæ ad heredes non veniunt, ut sunt *Casteldia & Guardia*: Item majora, ut *Marchia, Ducatus, Comitatus*, & regalia feuda olim non deferebantur heredibus. Sed hodie hoc est usurpatum, ut succedant in his feudis. *Lib. 1. Tit. 2. § de feud. March. & lib. 4 tit. 49. de alien feud. § lib. 1. tit. 13. vult.* Item *feudum Soldata*, id est, præstationis annuæ, quod non propriè feudum dicitur. *lib. 2. tit. 10.*

Qui

Quis dicat. dux vel march. §. Soldata. Ideo autem dicta est *Soldata*, quia plerumque consistit in solidis, uti ea quæ dantur stipendiariis militibus, quæ non transferuntur ad heredes.

XI. Hactenus de Jure Longobardorum. In Jure Gallico, quod ad successionem pertinet, aliquando recedunt à Longobardico; quia in quibusdam Provinciis tam feminæ, quam masculi in feudo succedunt, & tam cognati quàm agnati, veluti moribus Biturigum & Parisiensium. Secunda differentia horum Iurium est, quod inæqualiter inter heredes feudum dividitur propter jus primogenituræ. Nulla autem est provincia in toto regno, quæ aliquod jus primogenituræ non agnoscat; sed quædam magis, quædam minus. Biturigum Provincia agnoscit tantum præcipuum castrum vel domicilium, quod jure Longobardorum non fit. In ceteris Provinciis est majus jus primogenituræ. Nam consuetudine Parisiensi habet primogenitus præcipuam domum, & dimidium solus feudum; cetera habebunt filii reliqui. Si verò duo tantum sunt filii, frater primogenitus accipit tres trientes, alter unam habet. Illo etiam jure nulla est prærogativa primogenituræ inter filias; præterea feminæ in transversali linea excluduntur, & ita demum vo-

H 5

cantur.

cantur, non concurrentibus masculis. At moribus Ambianensium est maximum Ius primogenituræ; quia totum feudum primogenitas accipit, nulla parte proprietatis fratribus reservata, sed sola quinta parte usus fructus relicta, & cum moriuntur, revertitur ad fratrem primogenitum. Moribus Turonum etiam tota proprietas feudi pertinet ad primogenitum, relicto tantum triente usus fructus reliquis fratribus.

XII. Tertia dissimilitudo inter jus Longobardicum & jus Francorum est, quod jure Francorum ad successionem vocantur cognati & agnati: modo illi descendant à communi parente, & in eo convenit inter jus Francorum & Longobardicum.

XIII. Quarta differentia est, quod institui potest heres extraneus in feudo dimidio, etiam si testator habeat filios. At jure Longobardico omnis testandi facultas sublata est. Moribus Parisiensium & Pictonum aliorumque non permittitur heredis institutio; at legare possunt vasalli partem aliquam feudi. In ceteris omnibus conveniunt. Nam quemadmodum jure Longobardorum non ascendit feudum, ita nec jure Francorum.

XIV. Ceterum dicendum est, quale jus solvere debeat is, qui per successionem feudum acquisivit. Quod totum jus dominicum intro-

introducitur est jure Francorum. Primum in recta linea descendentes heredes nullum jus dominicum debent; & hic mos generalis est in omnibus Francorum provinciis; quia tunc censentur magis continuare dominium, quàm de novo acquirere, secundum rationem l. 11. D. de lib. & posth. In transversa autem linea debetur jus redemptionis vel Dominicum. Hoc jus variè appellatur pro variis Provinciis. In hac Provincia appellantur *jura redemptionis*: in Parisiensi & aliorum jure vocantur *jura relevationis*. Quæ etiam jura diverse æstimantur pro variis Provinciis. In moribus Biturigum jus redemptionis æstimatur, ut vasallus pro jure redemptionis liberetur solvendo redditum unius anni, illius scilicet anni, quo feudum est apertum per mortem testatoris vel defuncti. Hoc ideo solvitur, quia antiquissimo jure feudum tantum ad descendentes pertinebat, tit. 1. lib. 1. §. & quia. non autem ad transversales. Franci autem hoc jus quodammodo retinuerunt. Quamvis etiam Obertus in uno casu redemptionem feudi exigat à filia, lib. 1. Titul. 24. Quem admodum feud. ad fil. per. quem casum Franci ad omnes casus retulerunt totius successionis transversalis. Moribus Parisiorum & vicinarum Provinciarum jus illud relevationis sic æstimatur, ut vasallus domino offerat unum

ex

ex tribus, certam quantitatem pecuniæ, vel quod boni viri arbitrabuntur, vel redditum unius anni : & electio est domini. Sed redditus trium annorum æstimantur, ut congerantur in unam summam, ut tertia pars domino præstetur. Singulare jus est in Provincia Uxellodonensi, ut primo gradu transversorum nullum jus redemptionis debeatur, sed inter ultiores duntaxat, *tit. de Feud. in morib. Biturig. art. 11.* quod legi Corradi congruit. Moribus præterea quarundam Provinciarum debetur equus militaris, qui olim in specie solvendus erat, hodie redigitur ad summam aliquam pecuniæ.

CAP. IX.

DE RELIQUIS MODIS

ACQUIRENDI FEUDI JURE

potissimum Francorum.

I. **T**ERTIO modo acquiritur feudum per vim bellicam, ut princeps potentior inferiorem dominum cogat, ut allodia sua jure feudi post ab illo teneat. quod factum est in Ducatu Britannia.

II. Quarto modo acquiritur feudum per dationem in dotem. Qui modus, quamvis possit

possit referri ad donationem, tamen rectius ad proprium modum acquisitionis redigitur. Quoties ergo pater vel mater, avus vel avia filiae in dotem dat feudum, datio hæc valet, & hoc casu nullum jus redemptionis debet novus vasallus; vel etiam, si pater dat favore matrimonii filio feudum; quia videtur ei filius succedere in directa linea. Secus autem, si extraneus dederit feudum in dotem. Si autem frater sorori det loco dotis, nullum quoque jus debebitur. *ut tit. de feud. morib. Biturig. art. 17.* Idem dicendum, si aliquis parentum det filio aut filiae in prorogationem futuræ successionis. Similiter si quis donet personæ, quæ aliàs successura esset in feudo, veluti si quis habeat consobrinum, qui ei ab intestato erit heres, nullum jus redemptionis debet. Idem dicitur in Compensatione, vel Cessione, vel Refutatione feudi vel partis ejus. *tit. de feud. art. 18. in morib. Biturig.*

III. Quintus modus acquisitionis feudi fit per donationem inter vivos, veluti si quis vasallus de feudo suo alium vasallum habens ita donat, ut remittat suo vasallo omnem fidelitatem, & eum domino feudi in locum suum substituat. Hic casus tam jure Longobardico quàm Francorum concessus est. Sed existimo in *tit. de prohib. feud. alien. per Frid.*

Frid. intelligi prohibitionem de non gratuita alienatione. Hoc autem casu idem dicendum, quod supra retulimus, partem trium annorum deberi domino pro jure redemptionis: eamq; præstare, non qui donavit, sed cui donatum est, debet.

¶ V. Sextò acquiritur feudum per legatum in testamento, quæ species acquisitionis probata non est ab Hortensio *tit. de success. feud.* interpretes tamen hunc modum acquisitionis admittendum duxerunt. *arg. Nov. de Nupt. s. disponat.* per legatum scilicet posse testatorem de feudo disponere. Quod & nostris moribus concessum est, cum distinctione tamen moribus recepta. Aut enim legat quis feudum paternum, aut novum, quod ipse acquisivit. Potest autem legare paternum haud integrum, sed tertiam tantum ejus partem, in quibusdam Provinciis quintam. In hac specie acquisitionis quæritur, cui incumbat solutio juris redemptionis sive relevationis, utrùm legatario an heredi testatoris? Et generaliter dicendum, in omni donatione eum debere solvere jus redemptionis, cui res donatur; non eum qui donat, aut ejus heredem. Ita autem demùm donatario incumbit onus solvendi jura redemptionalia, cum gratuitò donatur feudum. Si autem cum onere æris alieni vel alio, tunc trans-

transfertur onus redemptionis ad heredes testatoris. In onerosis enim illis traditionibus legatarius comparatur venditori.

V. Septimus modus fit per Divisionem hereditatis, quando scilicet heredes partes feudi inter se dividunt. Quo casu nulla jura redemptionalia debentur, nisi permutas adjudicationes alter feudum obtineat, & alteri in pecuniam numeratam condemnatur, sicut accidit in feudis majoribus.

VI. Octavus modus fit per permutationem, quando aliquis suum feudum cum alterius feudo permutat. Hoc loco nullum etiam jus redemptionis solvendum est, si modo utrumque feudum subest uni eidemque domino, id est, si est in territorio unius domini; quia dominus non acquirit novos vassallos, sed ambæ personæ manent in obsequio domini: Sed si in diversis sint territoriis, hoc casu debetur jus redemptionale, quia fit mutatio vassallorum, *consuet. Biturig. tit. de feud. art 41. Veromand. 178, art.* Item alio casu in permutatione debetur jus redemptionale, si intervenit contributio pecuniarum, veluti si feudum permutem decem jugerum cum feudo viginti jugerum.

VII. Nonus modus per venditionem fit, qui modus est incognitus juri Longobardico, sicut & alia quævis alienatio, quæ fit precio
in-

interveniente, & hoc traditur *Titul. de prohib. feud. alien. per Frid.* Sed jure Francorum licita est venditio feudi, dummodo redimatur potestas venditionis aliqua pecunia. Transigendum est igitur cum domino Feudi, ut vendere liceat. Cumque in his acquirendi modis major sit prohibitio, ideoque major summa pecuniæ redemptionis exigitur, quam in ceteris alienationis modis.

CAP. X.

DE ALIENANDO
FEUDO.

1. SEQUENS locus est, quibus modis feudum alienari possit, & alius locus, quibus modis feudum finiatur. Reponsio est: Nullo modo alienari posse feudum Jure Longobardico, *Tit. de prohib. alien. feud. per Frid.* Nam veteribus consuetudinibus feudorum non omnino libera erat alienatio feudi, sed licebat partem ejus vendere, retenta videlicet alia parte; in quibusdam tamen locis etiam totum alienare licebat, *lib. 1. Titul 13. de alien. feud. & lib. 2. Tit. 9. qual. olim feud. alien. poter. & lib. 2. Tit. 44. quid juris sit, si post alien. feud. vassall.* Postea permissa alienatio per libellum: postremo omnis alienatio prohibita est per Lotharium & Fridericum

eum. Hoc introductum jure Longobardico, conveniente cum vetere Iure Romano, quo stipendiaria & tributaria prædia non poterant per traditionem alienari §. 40. *Ins. de rer. divis. l. vn. C. de usucap. transformand.* Sed prædiis stipendiariis comparari possunt feudalia. Cum ergo generaliter sit prohibita, constat neq; donari, neque vendi, neque legari, neque permutari, aut alio alienationis modo transferri posse feudum inconsulto Domino.

II. Sed nec feudum dari posse per libellum, id est, per libellum quæsito colore, ut fiat fraus venditioni. Alioqui per verum libellum potest alienari. *Libellarius* autem contractus est, quando res aliqua in perpetuum locatur, modico precio, vel uno nummo annue pensionis nomine constituitur. Hic videtur esse *Consensualis contractus*.

III. Ut igitur ad propositum veniam, duplex est contractus libellarius, justus & injustus, id est, simulatus. Iustus est, quando nullum precium ab initio contractus solvitur, sed justa pensio annua definitur. Simulatus contractus est, quando is, qui accipit ad libellum, magnam aliquam pecuniæ summam clam & sine instrumenti confectione numerat venditori loco precii, & singulis annis, instrumento confecto, promittit se nummum unum soluturum libelli nomine. Hanc duplicem libellaris contractus

I

Divi-

Divisionem ex Hortensii verbis colligimus. Et simulati contractus libellus est interdictus, non autem iustus, *Tit. de prohib. feud. alienat. per Frid. & Tit. qual. feud. alien. possit.*

IV. Quod dicimus de prohibita alienatione, idem dicemus in Divisione feudi, non posse feudum in plures partes scindi: quia Divisio videtur quædam particularis alienatio. Denique eadem ratio suadet, prohiberi Divisionem, quæ alienationem. Nam ideo prohibetur feudi alienatio, ne feudatarius spoliatus feudo, non possit sumptibus bellicis dominum defendere.

V. Excipitur unus casus, scilicet, quando feudum dividitur iudicio familiæ eriscundæ inter heredes, *Tit. si de feud. defunct. §. omnes.* Nam hoc casu lex xii. Tab dividit hereditatem. Ceterum alienatio fieri poterit consentiente domino, & hoc modo intelligenda est lex Friderici. Uno tamen catu invito domino alienatur, si agnato proximo alienatio facta sit, qui aliàs successurus esset. Et hæc alienatio comparatur refutationi, *lib. 1. Tit. 5. 17. lib. 1. Tit. 13. de alien. feud. lib. 2. Tit. 34. de L. Corrad.* Feudum autem novum licet alienare cum consensu domini: ed in paterno feudo requiritur etiam ad consensum domini consensus agnatorum proximorum. *lib. 2. Tit. 39. de al. feud. pater.*

VI.

VI. E converso autem sicut vasallus non potest alium vasallum in suum locum substituere inconsulto domino; ita nec dominus invito vasallo vendere feudi dominium, ut *tit. de L. Corrad. §. 1.* Quod verum est, nisi dominus totam curtem alienaverit, *Lib. 2. Titul. 51. de cap. qui cur. vendid.* Hoc ideo fit, ne vasallus cogatur duos dominos habere.

VII. Iure autem Francorum permissa est omnino alienatio, dummodo redimatur illa alienationis licentia certo precio, moribus definito. Ideo sæpe pronunciatum est in Curia Parisiensi, omnia feuda esse patrimonialia. Nam in Gallia dicitur id quis in patrimonio habere, quod potest esse in commercio. Id quod est intelligendum de iis modis, de quibus diximus in acquisitione. Nemo enim potest acquirere per venditionem, nisi alius sit, qui per venditionem alienet.

VIII. Potest etiam vasallus dare pignori invito Domino, nulla imminente necessitatis redemptione. Potest item dare in Emphyteusin. Quia per hos modos obsequium non amittitur. Licet autem *ludere de feudo*, ut proverbio Francorum dicitur, *usque ab obsequium Domini.*

QUIBUS MODIS FEU-
DUM AMITTATUR ET FI-
niatur.

I. **N**OLO ego hinc subtilem differentiam constituere inter *amittere* & *finire feudum*, ut Paulus distinxit in usufructu. *Finitur* enim usufructus, cum suâ naturâ finitur & extinguitur: *Amittitur* vero, cum aliqua fructuarii culpa amittitur, veluti non utendo per modum & tempus. Sic etiam aliud est amittere & finire feudum. Sed nos confundimus hanc differentiam, quia hodie feuda sunt perpetua. Igitur non finiuntur, sed amittuntur, de quo in *lib. 1. tit. 5. 17. quib. mod. feud. amitt.*

II. Amittitur ergo feudum vel voluntate, vel casu, vel crimine, vel culpa, vel negligentia, Verùm culpam interdum generaliter accipimus sive pro culpa, sive pro crimine & pro negligentia.

III. Primum amittitur feudum voluntate vassalli. Quod fit duobus modis: primum si vassallus sponte feudum domino refutaverit; item, si filio suo vel agnato refutaverit,

rit, id est, cesserit, *lib. 2. Tit. 49. de eo, qui fin. fecit agn.*

IV. Secundo, si vassallus religionem ingressus vel clericus effectus sit, *lib. 2. Tit. 26. si de feud. defunct. §. qui clericus. & lib. 2. Tit. 36. An mutus vel alias imperfect.*

V. Casu deinde amittitur feudum, si res in qua feudum consistit, chasmate perierit. Nam sine re non intelligitur feudum. Item casu amittitur, si mutus vel surdus effectus sit vassallus. Tunc enim amittitur feudum; quia non potest servire domino. Hoc tamen casu modicum ex feudo relinquitur vassallo, unde se alere possit, *d. tit. An mut. vel al. imperfect.*

VI. Tertiò amittitur feudum crimine tam domini, quam vassalli. Quemadmodum enim Feloniam committendo perdit feudum vassallus: ita etiam dominus amittit dominium committendo Feloniam in vassallum vel alium, *lib. 2. Titul. 26. si de feud. defunct. content. §. domino committente.*

VII. Si ergo vassallus dominum assalierit, id est, manus injecerit in eum vel ejus filium, aut fratris filium hoc crimen vocatur *Feloniam*; & hæc est species prima Feloniæ. *Tit. quib. mod. feud. amit.*

VIII Secundo modo per Feloniam amittitur feudum, si uxorem domini vassallus adul.

adulteraverit, aut ejus pudicitiam attentaverit, vel (ut ait) cucurbitaverit dominum. Idem dicendum est de filia domini & nepte, itemque de sorore. De vidua domini an idem dicendum sit? Plerique dixerunt, non amitti, quia vidua domini mortui non continetur titulo (*lib. 1. tit. 21. de feud sine culp. non amit. §: si quis miles.*)

IX. Tertio modo Felonia committitur, si vassallus arcanum domini revelaverit, ut noceat domino, *Tit. quib. mod. feud. amit.*

X. Quarta species Feloniæ est, si vassallus dominum abnegaverit, cum ab eo ter citatus esset, ut investituram acciperet, *lib. 2. Tiul. 24. Qua fuit prim. caus. feud. amit. & Lib. 2. Tit. 26. si de feud. defunct.*

XI. Quintum genus Feloniæ est, si contra dominum in criminali causa testimonium dixerit, vel accusaverit aut detulerit dominum, *lib. 2. tit. 33. de consuet. rect. feud.*

XII. Sextum genus Feloniæ, si cum inimicis conjuraverit, *lib. 2. tit. 32. Qui test. sint necess. ad invest. prob.*

XIII. Septima species Feloniæ est, si vassallus dominum nondum mortuum, nec lethaliter vulneratum, deseruerit in prælio campestri; quod tamen ad culpam pertinere potest, *Tit. quib. mod. feud. amit.* Octava species est, quæ etiam ad culpam referri potest, si va-

si vassallus in expeditionem proficiscentem dominum non comitatus fuerit, si erat indicta expeditio, vel saltem stipendia ob eam causam imperata & indicta non constituerit. Illa stipendia vulgò ut plurimum taxantur medietate fructuum unius anni, & appellantur *Hostenditia*, lib. 2. tit. 40. de capit. Conrad. & lib. 2. tit. 55. de prob. feud. alien per Frid.

XIV. Quartò, culpa amittitur feudum, si alienaverit feudum contra legem Lotharii vel Friderici, lib. 2. Tit. 55. de prob. feud. al. per Loth. & Frid. & lib. 2. tit. 34. de L. Conrad.

XV. Item si vassallus alia lege infeudaverit, quàm accepit, aut eum investierit, ad quem feudum pervenire non possit.

XVI. Item si non indicaverit imminens vitæ periculum domino, quod etiam exemplum ad feloniam referri potest.

XVII. Item si libellario nomine amplius dimidio vel medietate alienaverit, inscio domino. Libellarius contractus est similis censuali: cùm res in perpetuam locatur sub certa modica pensione. Nam licet salvo jure feudi mediam partem Libellario nomine, consulto Domino, in feudum dare. Item si minus dimidia Libellario nomine alienaverit, & moriatur sine heredibus, aut postea

domino refutaverit. Nam his duobus casibus revertitur feudum ad dominum, nisi novus vassallus vel Libellarii possessor paratus sit domino fidelitatem præstare, & eum agnoscere, *lib. 1. tit. 5. 17. Quib. mod. feud. amitt. §. ult. & lib. 2. tit. 9. Qual. ol. feud. pot. alien.*

XVIII. Amittitur denique feudum negligentia, si vassallus intra annum & diem non petierit investituram, *Lib. 2. Titul. 24. Quæ fuit prima caus. benef. amitt.*

XIX. Quæritur, *An si pater propter Feloniam amittat feudum, filius vel agnatus amittat feudum paternum?* Dicendum est hoc casu in perpetuum amitti feudum. *Lib. 2. Titul. 31. Si vassall. feud. privet. cui deferat.* Hoc ideo quæritur, quia jure civili aliud respondendum esse videtur. *l. 8. §. ult. D. de in jus vocand.*

XX. Interdum quasi amittitur feudum, Quasi enim amittitur feudum, quando aperitur, id est, quando vacat, sicut *hereditas* dicitur *vacans*, quæ non est quidem amissa, sed pendet. Sic & feuda aliquando aperiuntur, id est, cum nullum habent possessorem, quo casu potest dominus jure dominii sui manum in feudum injicere, ut tantisper teneat id loco pignoris, donec novus vassallus investituram à domino petierit. Hoc
accidit

accidit uno modo jure Longobardico, quando per mortem vassalli transmittitur feudum ad heredes sive liberos, sive agnatos. Nam inter tempus mortis & investituræ censetur feudum aperiri & vacare.

XXI. Moribus Francorum quoties aperitur feudum, id est, quoties feudum destituitur persona, veluti quando femina possidet feudum, nupta viro, statim post nuptias aperitur feudum, & incipit feudum possidere vir, non tamen ante investituram; & antequam investiatur, intelligitur feudum apertum, & potest dominus in feudum manus injicere & fructus suos facere. Idem dicendum est, si vir decesserit, qui nomine dotali investitus erat. Tunc enim feudum destituitur persona, id est, aperitur. Opus est ergo nova investitura, si mulier superstes illud possidere velit.

XXII. Aperitur ergo feudum, quando destituitur persona: clauditur autem, quando nova persona petit investituram.

XXIII. Quibusdam autem casibus, quibus jure Longobardico amittitur, jure Francorum non amittitur, sed tantum aperitur. Veluti si intra annum & diem non sit petita investitura, non amittitur feudum, sed aperitur; quod tamen jure Longobardorum aliter decusum est.

XXIV. Quemadmodum autem aliis modis, ut per Feloniam, feudum amittitur jure Longobardico, sic & Francorum.

XXV. Necessaria tamen utroque loco est sententia. Oportet enim vasallum condemnatum esse, nec satis est crimen allegare. Verum Pares Curiae non habent locum jure Francorum, cum apud Pares de crimine jure Longobardicorum cognoscatur.

XXVI. Hoc etiam interest inter jus Francorum & Longobardicum, quod casu non amittitur jus Feudorum apud Francos, ut si vasallus fiat mutus, surdus, vel clericus, vel aliàs imperfectus. Nam his casibus jure Longobardico amittitur feudum, *Tituli. An surdo mut.* Sed jure Francorum propter superveniens vitium, aut clericatum, vel Monachatum non amittitur feudum. Ratio diversitatis est, quia receptum est moribus Francorum, ut possit quis per aliam personam feudo deservire. Feuda enim hodie sunt redacta ad patrimonia nostra. Quemadmodum igitur has res per alium possumus administrare; sic & feuda. Quæ duo jure Longobardico non erant permissa.

XXVII. In amittendo feudo quæstio est de fructuum divisione inter Dominum & vasallum aut heredem vasalli & heredem domini. Obertus hanc quæstionem tractat in tit.

tit. 28. *Hic finitur lex. §. his consequenter. lib. 2: Si, inquit, ante Martium mensem moriatur vasallus, omnes fructus illius anni pertinent ad dominum.* Verum non tradit Obertus, quando initium sumat annus. Quia quando de fructibus agitur, incipit annus à Cal. Octob. quia tunc plenissima est perceptio fructuum. In dubio existimandum est, Obertum constituere initium anni initio Januarii. Vasallus igitur toto Januario & Februarii maxima parte vixit. discessit ante diem primum Martii, eo mortuo omnes fructus erunt Domini. Verum Obertus intelligit omnes illos fructus, qui post mortem vasalli proveniunt. Quamvis enim vasallus aliquid severit, nihilominus fructus pertinebunt ad Dominum. Si verò post Cal. Martias usque ad mensem Augustum mortuus sit vasallus, quis tunc percipiet? Pertinebit ad heredes vasalli omnis fructus. Si verò post Augustum usque ad finem Decembris decesserit, fructus rursus pertinebunt ad Dominum. Ait tamen Obertus, quosdam aliter distinxisse: sed improbat illorum opinionem; ut scilicet, quocunque tempore vasallus decessisset, fructus pendentes essent Domini, quia fructus pendentes sunt pars fundi: exemplo fructuarii, qui cum mortuus fuerit, heredes ejus tunc demum fructus percipiunt,

percipiunt, si sunt à feudo separati, § 36. *Inst. de rer. divis. l. defuncta* 58. *D. de usufr.* Ratio differentiae esse poterit, quia magis comparamus heredem vasalli bonæ fidei possessori, qui facit fructus suos, quatenus sevit & coluit. Itaque quando moritur vasallus mense Martio, iniquum esset auferri fructus heredibus vasalli, quia sumptus magnos fecit vasallus, & sic præjudicium fieret heredibus. Hæc sententia mihi videtur esse non absimilis Papiniani sententiæ in §. 7. *D. sol. mar.* quatenus videlicet fructus rei dotalis ad maritum vel heredes ejus pertineant, soluto matrimonio per mortem, vel per divortium nimirum ut pro tota parte ultimi anni, quo stetit matrimonium, fructus ad maritum vel heredes ejus pertineant, ut si matrimonium stetit uno mense illius anni, fructus unius mensis percipiat, reliquæ partes anni pertineant ad uxorem vel heredes uxoris. Sciendum autem principium anni constitui debere hoc casu à die dotis constitutæ. Veluti si Titius & Titia tribus annis fuere in matrimonio; his elapsis, divortium factum est: Dotis autem nomine Titius accepit prædium. Cal. Septembris solutum est matrimonium, maritus faciet fructus suos trium annorum. Finge autem solutum esse matrimonium sequentibus Cal. Octob. Quomodo fructus dividen-

dividentur? Quia scilicet matrimonium est trium annorum & unius mensis, fructus erit pro tota parte ultimi anni marito assignandus.

CAP. XII.

DE CONSERVANDO
FEUDO; SIVE DE JUDICIIS

*feudalibus; & primum, ubi quis agere,
vel conveniri debeat.*

I. **SUPEREST** nunc tractatus, ut de conservando feudo dicamus. Conservatur autem per actiones & exceptiones, & his deficientibus, per arma.

II. Priusquam autem ad singulas actiones accedamus, prius dicendum est, Controversiarum feudalium aliàs jure Romano, aliàs Longobardorum legibus, aliàs moribus & consuetudine singularum Provinciarum decidendas venire, *Tit. de cog. feud.*

III. Primò autem Provinciarum, deinde Longobardorum jure utimur, tertio ad jus Romanum confugere solemus. Sit igitur hæc regula: *Decidi causam feudalem debere secundum consuetudinem loci, in quo situm est feudum serviens, non autem dominans.*

IV. Sed hîc initio explicandum est, apud quem

quem quis conveniri debeat. Agitur autem de controversia feudi apud dominum feudi, qui jurisdictionem habet feudo suo cohærentem & propriam, & hereditariam ac regalem. Sed *l. 1. & 2. de judic.* dicitur contrarium, in omnibus actionibus conveniri tantum debere iudices & magistratus publicos. Nam jure Romano nulla jurisdictio fuit perpetua; neq; prædialis. Est tamen hoc introductum jure Longobardico, *Lib. 2. Tit. 51. de Capit. qui cur. vend. Lib. 1. Tit. 18. Apud quem vel quos contr. feud. desin. Lib. 2. Tit. 46. An ap. jud. vel cur. dom. quæst. feud. deb. termin. Lib. 2. Tit. 55. de prob. feud. alien. per Frid.*

V. Consequenter illud ostendendum est, prorogationem jurisdictionis jure Romano permissam, *l. 2. de jud.* licebat enim consentire in alios iudices, hoc jure Longobardico, esse incognitam & interdictam. Ratio hujus prohibitionis fuit, quam refutavit *Io. Faber*, quia scilicet fit quædam injuria & damnum proprio iudici, quando illi aufertur controversia. Aufertur enim ei lucrum simul sportularum & mulctarum, deniq; solent etiam iudices nostro more laboris ergo capere quandam summam pecuniæ quod præmium illis tunc auferetur, si prorogatio jurisdictionis nostro more & Longobardico concederetur. Ideoq; interdicta est hæc consuetudo
suetudo

suetudo prorogationis. Hinc nec clerici in laicum judicem consentire possunt, *c. si diligenti X. de for. comp.* Item è converso non potest moribus Francorum laicus consentire in judicem clericum, *in const. Reg. per Francisc. Reg. latis*, quod jure Romano conceditur, *l. 7. cum l. seq. C. de episcop. audient.* Huic etiam accedit, ne vasalli possint in Regium judicem consentire, relicto domini judicio.

VI. Quod autem diximus, *Dominum esse judicem controversiarum feudalium*, in hoc distinctio est. Aut enim controversiâ agitur inter duos vasallos, & hoc casu apud dominum feudi litigandum est, *Titul. de prohib. feud. alien. per Frid.* Aut agitur inter dominum & vasallum, & hoc casu distinguendum item est. Si controversia inde nascitur, quod dominus dicit, *vasallum non esse vasallum, se esse plenè dominum*; hoc casu non agitur apud dominum, ne videatur esse judex in sua causâ, *Titul. C. Ne quis in sua caus.* sed agendum esse quidam ajunt apud Pares Curiaë Dominicæ. Ceteri volunt agendum esse apud judicem ordinarium; quia Pares semper magis videntur favere domino, quàm vasallo. Ceterùm si alia sit controversia, apud Pares decidenda est, id est, in Curia apud Pares, quod Longobardico jure obtinet,

obtinet, in *l. Longobard. tit. de Benefic. lib. 4.*
 Si autem sint suspecti, dominus quosdam
 Pares eligere potest, deinde vasallus totidem
 Pares eliget. *Lib. 2. Tit. 16. de controvers.*
feud. ap. Par. terminand. & Lib. 2. Tit. 22.
de mil. vasall. qui cont. est. Aut incidit con-
 troversia inter dominum & vasalli vasallum,
 id est, extraneum, putà emptorem feudi,
 quo casu actor sequitur forum rei, cùm ni-
 hil cautum sit jure Longobardico, *l. 2. C.*
D. Jurisd. Sed jure Canonico hoc mutatum
 est, scilicet ut dominus cognoscat, si paratus
 sit cognitionem suscipere, *c. ex transmissa &*
c. verum, X. de For competent. Jure Franco-
 rum semper dominus judicat, nunquam apud
 Pares agitur. Aut lis oritur inter vasallum
 aut alium extraneum, qui non est vasallus,
 & hoc etiam casu judex ordinarius cognos-
 cit; quia nihil hoc casu diversum est jure
 Longobardico. Ergo confugiendum ad jus
 Romanum, *Tit. de cognit. feud.*

VII. Dominus si agat adversus vasallum,
 & is in jus vocatus non venerit, evocandus
 est trinis edictis, qui ordo congruit juri civi-
 li. *l. 68 cùm 2. seqq. D. de judic.* Intra trina
 autem edicta singula dabitur spacium septem
 vel decem dierum, arbitrio Curiae vel pro-
 lixius vel angustius. Quod si non venerit,
 tunc Curia mittet Dominum in possessionem
 feudi.

feudi. Miffo autem domino, fi ne tunc intra annum totum venerit vafallus, ut contumaciam fuam purget; Dominus plenæ proprietatis fiet dominus. Hic ordo congruit ordini juris Canonici, congruit etiam juri Civili. l. 8. & Auth. feq. C. Quomod. & quand. jud.

VIII. Si verò vafallus in dominum agit, veluti fi dicat, *dominum nullum jus habere in Feudo*, debet dominum in Curiam vocare. Quo peracto, Curia debet admonere dominum, ut juri & Curiae fe committat, & respondeat vafallo, fervata debita à vafallo reverentia. Si dominus id facere renuat, evocandus eft trinis edictis; quibus peractis, fi nec tunc juri fe fiftat, vafallas adire majorem ipfius domini debet; apud quem fi nec tunc juri obtemperet, & contumax effe perfeveret, id eft, justiciam facere noluerit (ut dicit Obertus) tunc licet vafallo dominum deprædare, hoc eft, vi & armis fuum jus recipere, *Lib. 2. Tit. 22. de milit. vafall. qui cont. eft.*

K

DE

CAP. XIII.

DE ACTIONIBVS FEV-
DALIBVS.

I. **A**CTIO autem multiplex vasallo competit, quo jus suum conservat. Potest enim tam actionibus quàm interdictis, & actionibus, tam in rem, quàm in personam, se tueri.

II. In rem potest experiri, quæ *utilis vindicatio* dicitur, quæ similis est actioni vectigali, *l. i. si ag. vectig. Tit. de invest. de reial. en. fact.* Similiter & pro servitutibus competentibus habebit negatoriam & confessoriam actionem, *d. iii.*

III. In personam autem multiplices actiones habebit vasallus. Primò agit ex contractu investituræ, ut quod imaginariè traditum est per investituram, realiter tradatur, quæ actio potest dici præscriptis verbis, vel actio beneficiaria, exemplo actionis vectigalis, *l. si finita. 15. §. ult. D. de dam. infect.* Habet etiam vasallus actionem de evictione in dominum, si investitus est ignorans in re aliena, secus si sciens. Sibi enim imputabit, *arg. l. si fundum. 27. C. de evict.* Datur etiam ei condictio ex lege, veluti si vasallus contra legem alienaverit feudum. Competit etiam

CON-

condictio causa data, causa non secuta, si vasallus nolit obsequi domino, vel servire nolit, vel per longum tempus non servierit, *Lib. 1. Tit. 22. de feud. fin. culp. non amitt.*

IV. Hic quaeritur, cum agitur ad tradendum feudum, an Dominus cogatur praecise tradere feudum, vel an liberetur eo dando, quod interest? Cogitur praecise tradere feudum, *Tit. 26. lib. 2. si de feud. defunct. con. sit. §. si facta.* Agit etiam vasallus unde vi, & uti possidetis, interdictis contra quem libet possessorem.

V. More autem Francorum, praeter actiones, potest etiam Dominus manus injectionem usurpare. Potest enim quidem agere, sed expedit ei magis, ut manus in feudum injiciat. Ideoque hodie raro domini in vasallos agent.

VI. Illud notandum est: In causis sive judiciis feudalibus nunquam iurjurandum calumniae praestari, sicut & jure civili remittitur iurjurandum calumniae patrono. Et hoc procedit tam in vasallo, quam in domino feudi. Sed ratio, cur non possit dominus hoc juramentum à vasallo exigere, est, ut Hortensius ait, quia quod quisque juris in alium statuerit, ipse eodem jure utatur.

VII. Probationes fiunt, vel per testes, vel instrumenta. Instrumenta autem, de
K 2 quibus

quibus hic agitur, vocantur *brevia testata*, hoc est, quædam attestations quæ testatione non habent plenam vim probationis jure Romano, *l. non nudis. 14. C. de probat.*

VIII. Denique testes, de quibus agitur alterius conditionis esse debent, quàm jure Civili, scilicet, non quivis testes admittuntur, sed ii tantùm, qui sunt ejuldem Curia, si modò dominus habeat Pares. Aliàs si nullos habeat Pares, quilibet extraneus admitti posset, *Lib. 2. Titul. 33. de consuet. rect. feud.* Interdum etiam si dominus habeat Pares, tamen extranei admittuntur, veluti si Pares abfuerint, vel si adfuerint quidem sed jurare noluerint, aut jurati ignorare se dixerint, *Lib. 2. Tit. 41. de cont. int. dom. & fidel.* Est & alia exceptio, ubi testes etiam admittuntur extranei, ut in investitura clericorum, *Lib. 1. Tit. 26. si de investit. int. dom. & vassal. lis oriat.* Pares autem fuisse sufficit tempore investituræ, licet Pares esse desierint. *Lib. 2. Tit. 19. An remover. deb. test. qui par. ess. desier.*

IX. Porro quamvis jure Civili, actore non probante, reus absolvatur, *l. 23. C. de probat.* in controversiis tamen feudalibus id secus est. Nam debet interdum reus actore non probante jussurandum sibi delatum præstare. Debet autem non solum reus jurare, actore

actore non probante ; sed etiam duodecim sacramentales adhiberi debent , qui idem cum ipso jurent. *lib. 1. Titul. 4. si de investitur. feud. contr. fuer.* Verum hoc non requiritur semper. Duodecim Sacramentales sunt ejusdem domini vasalli, qui eodem juramento tenentur. Sed in domino hoc non procedit ; quia si vasallus in dominum agat, nec probat ; tunc vasallo non probante, dominus absolvitur sine jurejurando, & sine adhibitione duodecim Sacramentalium, *Lib. 2. Tit. 33. de consuet. rect. feud. §. item si & Lib. 1. Tit. 11. de pign. dat. feud. quid jur. sit. & Lib. 1. tit. 2. de content. int. me & dom. de port. feud. fratr.* Quod autem diximus in vasallo, non perpetuo verum est. Interdum enim remittitur, ut si dominus agit in gastaldum. Interdum (ut quidam contra Hortensium dicebant) ei qui defendit, sufficit sacramentum sine Sacramentalibus, *Lib. 1. Tit. 10. de content. int. dom. & fidel. de investitur. feud. & Lib. 1. tit. 23. de content. int. dom. & vasall. item Lib. 1. tit. 26. si de investitur. int. dom. & vasall. Lis. oriat. & lib. 1. tit. 18. de usu Mediolanens.* Quid igitur dicemus, si neque actor neque reus possidet feudum, cui incumbit probatio ? Respondeo , actori, quia dicit, reus negat, *l. 2. de probat. c. ult. X. de jurejur. lib. 2. tit. 33. de cons. rect. feud.* Sed sicut

jure Civili, cùm semiplena est probatio, adjungitur juramentum, *l. 31. D. de jurejurata & hîc, tit. de cons. rect. feud.* Interdum accidit, ut reus probare debeat non actor, scilicet quories actor verisimili aliqua præsumptione juvatur. Verbi gratia: Si dominus agit in Gastaldum vel possessorem feudi Guardix, & possessor agnoscat quidem se Gastaldum, excipiat tamen se tenere jam illud feudum tanquam proprium & rectum; quia hæc duo feuda impropria feuda sunt, *lib. 1. tit. 2. & lib. 4. tit. 14. de feud. Guard. titul. si de investitur feud. sit cont.* præsumptio est pro actore, ideoque reus probare tenetur. Si verò semel probaverit, tunc rejiciet onus probandi in dominum. Similiter si dominus agat in possessorem, dicatque se dedisse tantum feudum pignori; contra verò reus pignori se quidem accepisse fateatur, post autem pleno jure investitum esse in feudo contendat: etiam hoc casu incumbit probatio vasallo, *lib. 1. tit. 11. de pign. dat. feud. quid iur. sit.*

F I N I S.

DE FEUD.

D E
F E U D I S

CONSTITVTIO KARO-
LI III. IMP. CRASSI DICTI,

primùm edita; & exposita Com-
mentario.

MARQUARDI FREHERI

ILLVSTRIBVS ET GE-
NEROSIS DOMINIS, GE-
ORGIO & FROBENIO Comitibus in
Helffenstein, Dominis in Gundelhin-
gen, Imperialis Cameræ judicii
Præsidibus dignissimis.

S. P. D.

ILLUSTRE antiquitatis Ger-
manicæ monimentum, & ad il-
lustrem Feudorum materiam
illustrandam apprime faciens,
nonnisi Illustribus inscribere vi-
sum, & inter hos vobis potissi-
mum, Præsides generosi. Nam nec aliorum
potius est de talibus judicare, quam eorum
qui & à majoribus suis Imperii procerum pars
sunt, & indolis virtutisque propriæ merito
amplissimam eo in loco dignitatem obtinent,
ubi de feudis pariter allodiisque quotidie &
copiosissimè agitur, & gravissimè decernitur.
In splendidissimo, inquam, Imperii tribuna-
li, & Justitiæ theatro: quo nullum est aut
fuit unquam ullo in imperio melius rectius-
que constitutum: & à quo Areopagus ipse
& Amphictionum confessus formam mutua-
ri non erubescat. Accedit rata illa & singu-
laris comitas vestra, qua immerenti mihi &

K 5

non

152 EPISTOLA DEDICAT.

non speranti favorem benevolentiamque vestram denuntiandam ultro putastis, ut generosus BARO WINNEBERGIUS, ut eruditus SVINDIVS testes exstant. Quam in tanta dignitate humanitatem nisi colam & exosculer, nisi spontaneo & festinato aliquo officio vestram de me benè merendi voluntatem præveniam, & gratum utique animum qua licet ratione probare satagam; opinionem ipse de me vestram refellere & minuire velle videar. Accipietis ergo benignè, quidquid est libelli: auctoribus quidem & materiâ (ut ut opella in eo nostra patrocinium vestrum requirat) tam faciliè ab iniquorum morsibus tutum quam doctis bonisque pergratum & vobis igitur dubio procul acceptissimum futurum. Valete Patroni. Ex ædibus Plinianis, Kalend. Martii. Anno Salutis M D X C I X.

MARQUARDUS FREHERUS.

In

IN nomine sanctæ & individue
 Trinitatis, Karolus divina
 favente gratia, Rex Francorum
 & Romanorum. Si prædeces-
 sorum nostrorum morem sequimur, non
 solum præsentibus sed & succedentibus
 subvenire nitimur. Hac de causa uni-
 versorum cognoscat experientia, qualiter
 dum pro nostra consecratione coronaque
 perceptione proficiscendi tempus ad Apo-
 stolicam sedem instaret, cum quàm mul-
 tis principibus annum wormatiæ transégi-
 mus, ibique omnem Reipublicæ statum
 utilem & honestum confirmare, nocium
 atque contrarium radicitus extirpare de-
 crevimus. Interim dum hæc ageren-
 tur, casu contigit, principes cum mili-
 tibus de Romana expeditione, quætunc
 instabat, acerbè contendere, constrin-
 gentes eos multo plures halvespergas de be-
 neficiis suis sibi ducere, quam illi faten-
 tur se posse, vel jure debere. Sed quan-
 do hoc non ab aliquo antecessorum nostro-
 rum terminatum fuerit, duximus dignum,
 ut eorum altercationi finem commodum
 impo-

imponeremus, atque decretum & certam aliquam legem super omni Romana expeditione concederemus. Statuimus ergo & decrevimus, cum consensu tam spiritualium quam secularium Principum, ibidem nobiscum assidentium, quando pro corona nostra, vel aliqua regni utilitate aut honore, Romana expeditio à nobis vel à successoribus nostris præparetur, ad omnium nobiscum euntium præparationem annus cum sex hebdomadibus pro induciis detur, & per totum taliter regnum fidelibus nostris indicetur; Cuiusque autem secundum hanc legem eadem expeditio imperetur, si ad curiam Gallorum, hoc est, in campum, qui Rungalle dicitur, dominum suum non comitetur & ibi cum militari apparatu non repræsentetur; feodo (præter hos, qui cum gratia dominorum suorum remanserunt) in conspectu nostro, absque spe recuperationis privetur; Qui autem per hominum sive liberi, sive famuli dominis suis adhæserint, quot decem mansos in beneficio possideant, tot brunias

cum

cum duobus scutariis singulas marcas accipiant : & si eundo & redeundo cum hoc stipendio, sine omni dominorum damno vel expensa, nisi quantum ipsis dominis placuerit, fideliter serviant. Si autem fortè (quod absit) accidat, ut iidem milites diversos dominos propter diversa beneficia acquirant, ne aliquod beneficium indebitum vel sine servitio remaneat, singuli singula debita singulis dominis persolvant : videlicet, quantum ab ipsis, si irent, accepturi erant, tantum se daturos cognoscant; vel in præfato loco (ut dictum est) feodum amittant : sed stipendia, nisi voluntate dominorum, non prætermittant. Similiter de Ecclesiarum filiis vel domesticis, id est, ministerialibus, vel quorumcunque Principum clientela, qui quotidie ad serviendum parati esse debent, statuimus, ut quicumque, quinque mansos in beneficio possideant, domino suo, ad quem pertinent, bruniam cum uno frutario ducant. Et hoc in arbitrio dominorum pendeat, quos ducant,

156 CONSTIT. KAROLI III.

cant, à quibus stipendia accipiant, quibus *halspergas* concedant. Ipsis & ad itineris præparationem quinque libræ suæ monetæ in stipendium tribuantur; & duo equi, unus currens, alter ambulans, addatur, ac duobus sociis *soumarius* victualibus bene oneratus committatur, qui ab ipsis ad opus dominorum diligenter custodiatur. Ipsi quoque in dominorum tam diu vivant procuratione, quam diu in incepta vadant expeditione: & quicquid à rebellibus Regni pugnando acquisierint, partes duas ad dominos deferant, tertiam sibi pro consolatione retineant. Quos autem non pascunt domini, ad ipsos reportant tertiam partem acquisiti sui. Singuli vero Principes suos habeant officionarios speciales *Marsalcum*, *Dapiferum*, *Pincernam* & *Kamerarium*: Qui quatuor quanto plus sunt laboraturi, tanto plus in stipendio, in vestitu, in equitatu, præ cæteris sunt honorandi scilicet, & unicuique istorum, decem libræ cum tribus equis tribuantur: quar-
tus

tus Marsalco addatur : quorum unum ad præcurrendum, alterum ad pugnandum, tertium ad spatiandum, quartum ad loricam portandum. Isti vero tales remanere cupientes, si apud dominos impetrare valeant, quot mansos possideant. monetæ, vel totum fructum feodi in illo anno pro stipendio persolvant. Ut autem nostrum imperium ab omnibus habeat supplementum, hoc constituimus & firmiter præcipimus, ut singul. buringi decem cum duodecim funibus de canapo solidos dominis suis impendant, & in super soumarium cum capistro concedant, quem si domini voluerint, ipsi ad primam navalem aquam usque perducant. Mansionarius quinque solidos : Absarius triginta denarios : Bunajarius quindecim ; quorumlibet larium possessores sex suppleant. Et ut hæc nostri decreti auctoritas, inviolabilem & incorruptam in Dei nomine apud omnes successores nostros obtineat emunitatem, cunctis principibus qui aderant astipulantibus, manu propria subter eam robo-

158 CONSTIT. KAROLI III.

*roborare decrevimus, & annuli nostri
signo assignari iussimus. Signum Karo-
li gloriosissimi Regis. Hernustus notarius
ad vicem Lutwardi cancellarii recogno-
vi. Data VIII. Idus Iunii, Anno ab
incarnatione Domini N. I. X. DCCCLXC.
Regni autem ejus XXII. ante conse-
crationem. Actum Worma-
tie feliciter. Amen.*

Vide Notas Marq: Freheri

MARQUARDI

MARQVARDI FREHERI

COMMENTARIVS.

PROCERUM & Vafallorum Imperii omnis ordinis officium, & seruitium Imperatori debitum, vel primum hoc esse, ut Regem Romanorum ab Electoribus creatum, & solenni ritu Romæ in Augustum consecrandum & coronandum, honoris & majestatis ergo illuc comitentur nemo tam hospes apud nos est, qui ignoret. De eâ profectione multa in ipsis Feudorum libris mentio extat: quam ibi Lotharius & Fridericus *felicissimam sui nominis expeditionem* vocant, imitatione Honorii Imp. in l. 10. & 11. Cod. De sacros. Eccles. Ut autem Cæsarem Principes & Proceres, pro nexu suo, quo Imperio tenentur, comitari debebant, majori aut minori numero & apparatu, pro principatuum & feudorum suorum ratione; ita ipsi rursus clientes & beneficiarios suos in profectionem hanc comites & assecclas, trahebant, simili proportionem beneficiorum facultatumque habitâ. Quæ illorum sequestra nostrate ejus ævi voce *Hostenditiae* dicebatur ut mox exponemus. Duravitque institutum per aliquot jam secula, ad

L. patrum

patrum usque memoriam; donec eam unctionem & coronationem, ut superfluam & gravem, Cæsares ipsi insuper habere cœperunt, *Electi Imperatoris* titulo contenti. Fueruntque superiori ævo eam in rem vires totius Imperii, ejusque ordinum singulorum, majorum, minorum, medioxumorum, sigillatim consignatæ in eam quam *Matriculam Imperii* vocamus. Ne jam de illa Romanâ expeditione, ex publicis Comitiorum actis cuivis obvia, hoc loco cum tædio repetamus.

Id pervetus adeo institutum esse, à Francorum usque temporibus receptum, & modum jam tum Hostenditiis datum, vetus hæc noviter reperta Carolina constitutio fidem facit. Quam quidem hætenus ignoratam & sepultam, nuncque primum in lucem revocatam magno viro, & (quod unum dicere possum) præconiis nostris majori, *Martino Velfero*, Exconsuli & Septemviro Augustano, grata posteritas debere se nobiscum lubens fatebitur. Eam enim in codice manuscripto bene veteri, in quo cum Bojorum leges illæ calcæ, tum sacra quædam continebantur, primas invenit, fideliter descripsit, liberaliter nobiscum communicavit. Idemque subdubitantem me, & cum ob alia, tum *Feodi* vocem (quam equidem tam antiquam

quam esse absque hoc nunquam credidissem) in suspicionem falsi, aut saltem interpolationis diploma vocantem, auctoritate sua confirmavit, & dubitatione omni liberavit; voculam ullam à mala manu esse vix me suspiciaturum asserens, si autographum, unde descripsit, oculis inspicerem. Quamvis jam satis ipso rerum verborumque genere veritatem suam tueri poterit apud eruditos, qui ejus seculi, quo natum est, sermonem geniumque cognitum habent. Quod nos vix multo tandem studio consequuti, tam illustre antiquitatis Germanicæ monumentum (quo nullum ad rem Feudalem illustrandam aptius ab eo tempore, quo Feudorum libri manibus hominum teruntur, in lucem venit) neque ab eo, ad quem propriè pertinet, loco exclusum diutius relinquere, neque nobis in id observata (quantum quidem hactenus in eo enucleare potuimus) publico invidere volumus.

KAROLUS] Cum simpliciter ponatur, non addito *Secundus*, vel *Tertius*, non est quod quis ideo ad *Magnum* referat. Obstant fortasse alia etiam; sed illud validissimè, quod *Antecessorum Imperatorum* meminit, eo quidem modo. Sed nec ad *Quartum* detrahi se patietur, ut prima fronte aliquis putet, qui multa ab illo Cæsare super hac expeditione

Romana in *Aurea Bulla* sancita videat; neque tamen illius sæculi & hujus diversitatem in rebus verbisque cognitam habeat. Sed ex subscriptoribus rectissimè de tempore constitui poterit; ex quorum nominibus, aliis que conjecturis aliquidò probabimus, Carolo tertio Ludovici Regis F. *Crasso* dicto, esse adscribendum.

Rex Francorum & Romanorum] Nondum Aug. & Imp. ante consecrationem, ut est in subscriptione.

Proficiscendi tempus] quod Regino, Tritheimius, Aventinus, Mutius, Sigonius ad annum Domini DCCCLXXXI referunt.

Annum Wormatiæ] Comita agendo, ubi Boso ille, regii nominis per Burgundiam usurpator, se dediderat, aliaque transacta fuerant, quæ Aventinus refert. Sigonius lib. V. De regno Italiæ: *Crassus firmandi regni causa Kal. Nov. anno 882. conventum Wormatiæ habuit.* Non omitam hoc loco Karolum Magnum, eo ipso, qui huic diplomati adscriptus cernitur, anno, (sed malè, ut docebimus) eodem in loco resedisse, quod optimi illi annales Pithœani docent: *Hic annus à bellorum motibus quietus fuit, quem Rex apud Wormatiæm transegit.*

Principes cum militibus] subvasallis suis. Nam Principes & Comites, qui Vassi & Capitanei

CONSTIT. DE FEUDIS. 163

tanei sunt Imperii, militibus & equitibus de suis feudis aliquid largiendo, valallos & valvalores sibi faciunt, eaque beneficia Feudi jure optimo censentur. At quicquid hi in alios deinceps de suis feudis gratuito conferunt, quos *valvasinos* vocant, id Feudi jus & vim non habet; sed precarii simplicis instar, etiam absque illorum culpa, à dante ad lubitum revocari potest, *lib. 1. Feud. Tit. 16.* Nisi (quæ exceptio hunc ad locum pertinet) hi valvasini, suos illos seniores in hac expeditione & exercitu Romam comitati sint, *lib. 1. Tit. 1. in fi. & tit. 7.*

Acerbè contendere] Quam contentionem etiam sequentibus temporibus frequenter incidisse, apparet ex Lege Lombard. *lib. 3. tit. ult. cap. ult. & Feud. lib. 2. tit. 55.*

Plures hal(spergas)] Diu multumque hæc vox exercuit, quam nec alibi legi, audivi, nec doctissimis amicorum consultis discere potui. Observans animo similis compositio in *Halebreda, Halebarde, Halecret*, quin & *Helmo*, & *Heaulme*, atque adeò *Haubert*, ad communem *Halsperga* cum illis fontem me tandem deduxit. Nam *Alberga* Italicorum, & *Esberge* vel *Heberge* Gallorum nihil huc facit. Jam igitur expedio, Halspergam prisce & proprie esse thoracem vel loricam, sive ex laminis compactam, sive ex annulis orbicu-

lisque contextam, quam Franco-Galli adhuc *Haubert, Hauberge, & Haubergeon* appellant. Unde vetus proverbium illorum: *De maille à maille on fait le haubergeon*, id est, ab annulo ad annulum tandem conficitur lorica, atque adeò cataphractus. Est autem vox vetus Francica, seu Germanica, quam usu quidem desitam, tamen in libro veterum Cantionum, *Heldenbuch* inscripto, frequentet legimus.

Parte I. *Ott nit der sprach mit listen,
Noch bin ich unge Werth,
Dich kan doch nit gefristen,
Dein halssperg vnd dein schWert.*

Et postea: *Mit Zuchten (sprach der Kleine)
Du bist niet eins Weibs Wert,
Was Wolicstu so reine,
Fuhren halssperg vnd schWert.*

Et mox: *Da sprach der Lampartere,
Ik bin nach unge Werth,
Geh vnd bring mir doch here,
Mein halssperg vnd mein schWert.*

Et partell. *Da entstrukt sie den herren,
Die fra We lobesam,
Schild vnd sein schWert mit ehren,
Helm, Halssperg sie da nam.*

Et parte III. *Da diese starke Recken guet,
Wol Zu den streit kamen gesprungen,
Ire halssperg gar laut orklungen.*

Et ne etymon etiam nesciamus, sic dicta
quasi

quasi munimentum colli, quæ collum tegat
(id enim est *bergen*, quâ formâ Saxones di-
cunt, *se sind geborgen*, servati sunt è pericu-
lo) eadem compositione, quâ galeam idem
ævum *Hauptach* dixit, quod tecti instar sit
vertici. Eodem loco:

*Ich gib dir fürste Werde „
Ein guetes hauptach,
Das man auf aller erde,
Kein bessers nie gesach.
Wem es auch ist erlaubet,
Das er den Helm auffireit,
Dem kiesel man sein haubet,
Ein gantze raste breit.*

Halspergas igitur tot ducere, tot est cata-
phractos & loricatos ducere, in quibus splen-
dor & robur totius agminis præcipuum. Li-
vius lib. xxxvii. *His tria millia pedum lori-
catorum (cataphractos ipsi appellant) adjunxit.*
Historia Miscella lib. xxi. *Usque ad viginti
schaphas remanserunt, habentes centenos loric-
atos ad has custodiendas. Et lib. xx. Misit tria
millia loricatorum ad circumdandum eum ne fu-
geret.* Pro loricatis porrò etiam *loricas*
μετορμικῶς scriptores nostri amant dicere;
& promiscuè modò illos, modò has vocat
Helmoldus in historia Sclavorum, lib. i. c.
88. *In hunc modum rebus compositis profectus est
Dux in Langobardiam, cum mille (ut ajunt) lo-*

ricis, habens in comitatu suo Adolphum Comitem. Et lib. 2. c. 13. Filius quoque Regis ex concubina natus, Christophorus nomine, cum mille (ut ajunt) loricis venit Aldenburg, & per-
 ruserunt maritima ejus. Idem c. 52. Elegit de exercitu mille loricatorum, abiitque in occursum exercitus. Antonius Florentinus par. 2. tit. 6. c. 13. Inveni sunt habere peditum sexcenta millia: equitum vero loricatorum centum millia. Et lib. 17. c. 8. In solo domini Imperatoris comitatu equitum loricatorum erant ad septuaginta millia, absque peditum copiis. Hinc feudum Loricæ, apud Sigebertum anno MCLX de expeditione Henrici Regis, qui locus multum huc facit: Rex igitur Henricus iturus in expeditionem prædictam, & considerans longitudinem & difficultatem via, nolens vexare agrarios milites, nec burgensem, nec rusticorum multitudinem, sumptis sexaginta solidis Andegaven-
 sibus in Normannia de feudis uniuscujusque loricæ, & de reliquis omnibus, tam in Normannia, quam in Anglia, sive etiam aliis terris suis, capitales barones suos cum paucis secum duxit, solidarios vero milites innumeras. Est autem id feudum, quod militi assignatur ea lege, ut ad edictum præsto sit in armis loricatorum, sive cataphractus. Quod feudum Hauberticum, *fief de haubert*, Franci & Normanni etiamnum vocant, ut legimus
 Consuet.

CONSTIT. DE FEUDIS. 167

Consuet. Normand c. 85. *Celui qui tient fief de haubert, doit deservir son fief par pleines armes, par le cheval, par le haubert, par l'escu, par l'espée, par le heaulme.*

Antecessorum nostrorum] Karoli M, Ludovici Pii, Lotharii, Caroli Calvi, Ludovici Balbi. Qui tamen omnes in Urbem ad Augustum nomen adipiscendum cum selectis copiis profecti fuerant.

Concederemus] Fortè rescribendum, conciperemus.

Pro corona nostra] argenteâ Mediolani, aureâ Romæ accipienda, ferrea jam Aquilgrani à Colonienfi antistite accepta. Qua de re Pet. de Andlo in lib. de Romano Imperio ad Fridericum Imp. (auctor, *ὁ θεὸς*, per nos edendus) lib. 2. cap. 6. latè agit, & liber Ceremoniarum Pontificalium; necnon Alciat. in libello De formula Rom. Imperii.

Regni utilitate vel honore] Pro conservatione Italix, Apulix, Liguriæ, pacatione rebellium. Nam in bellum sacrum contra infideles non nisi voluntarii ibant.

Nobiscum euntium] Hi qui sint, exponit vetustissimus auctor de Beneficiis, §. 12. *Rex, quem eligunt Teutonici, cum Romam vadit ordinari, secum ibunt de jure sex Principes, qui primi sunt in ejus electione, ut pateat Apo-*

L 5

stolico

stolico Regis iusta electio & §. seq. Ibunt illuc & alii omnes imperialia beneficia habentes, quisque cum domino suo, nisi talento decimo ire redimat; Sed tamen cis-Salani præcipue. §. 10. Omnes trans-Salani in beneficiatum in parte orientali serviant, in Poloniam, Slaviam, & Bohemiam. De quo alias commodius.

Annus cum vi hebdomadib.] Idem auctor §. 9. Regis iustum servitium à Domino suo sententialiter præcipiam, anno & sex hebdomadis ante diem expeditionis in duorum hominum suorum audientia, serviat (inquam) ex iustitia intra terram Teutonicam Romano regno subditam. Et §. 14. Hæc expeditio prius tribus diebus & anno & sex hebdomadis ante diem expeditionis cuilibet ex iustitia erit intimanda.

Indicetur] mox Imperetur. Auctor de Beneficiis, Sententialiter præcipiatur. d. §. 9. & §. 56. & §. 108. Hæc indictio scripta aut voce præconis fiebat, quæ & Bannus illâ Latinitate dicebatur, & mulcta emanentis Heribannus. Et indicebatur in duorum hominum sive comparium præsentia, ut d. §. 9. & lib. 2. Feud. tit. 54. Si de vocatione legitima à domino suo convinci per compares suos poterit, feudum perdat.

Curiam Gallarum] Sic Latinè expressit nomen loci Rungalle. Roncalias posteriores dixerunt. Mansitque institutum hoc rigidè, à Fran-

CONSTIT. DE FEUDIS. 169

Francis ad Saxons & Suevos propagatum, Conradi etiam, Lotharii, & Friderici ævo, ut ex libris Feudorum apparet. Otho Frisingensis lib. 2. c. 12. *Est autem consuetudinis regum Francorum, qua & Teutonicorum, ut quotiescunque ad sumendam Romani Imperii coronam militem ad transalpandum coegerint, in campo Roncalia super Padum, non longè à Placentia, mansionem faciant. Ibi ligno in altum porrecto scutum suspenditur, universorumque equitum agmen feda habentium ad excubias, proxima nocte Principi faciendas, per curia praconem exposcitur, quod sequentes qui in ejus comitatu fuerant, singuli singulos beneficiatos suos per pracones exposcunt. At sequenti die quicumque nocturnis vigiliis defuisse deprehensus fuerat, denuo ad praesentiam Regis aliorumque Principum, vel virorum illustrium evocatur, sicque omnes omnium beneficiati, qui sine bona voluntate dominorum suorum domi remanserunt, in feudis condemnantur.*

Guntherus libro II. Ligurini ita exprimit:

*Roncaliam properat rapidis attingere castris,
Hic quoties claram regnator tendit ad urbem
Teutonus, Ausoniam sumpturus ritè coronam,
Ponere castra solet. Ligno suspenditur altè
Erecto clypeus, tunc præco regis omnes
Convocat à dominis feudalibus jura tenentes.
Excubias Regi primâ celebrare fideles
Noctæ vetustorum debent de more parentum.*

At

*At quicumque domi domino nolente relictus
Defuerit, feudo privari curia censet.*

Feodo suo] Hanc vocem non credebam tam antiquam, sed Friderici demum ævo cum usibus & consuetudinibus illis natam. Perlegi tot diplomata, tot veteres memorias, *Feudum* nunquam, *Beneficia* semper inveni. Habeo librum de Beneficiis antiquum, Consuetudinibus illis vulgatis vetustiore; nimirum cum penes Saxones Imperium esset, scriptum; quem cum primum otium erit (Deo juvante) in publicum dabimus. In eo nec semel *Fendi* vox, nec *Fendalis*, nec *Infendati*; semper *Beneficii*, *Beneficialis*, *Inbeneficiati*; ita constanter, ut si vox altera ignota prorsus fuisset. Nunc credo fide hujus diplomatis, esse antiquiorem: quæ tamen (quod mireris) nec semel in totis Legibus Carolinis apparet. Postea demum sub Henrico IV. occurrit apud Abbatem Stadensem, ita scripta, *Phoedum*, ut in Chronicis Flandriæ sub Wilhelmo Imperatore *Foedum*. Sed de his aliàs pluribus.

Qui cum gratia] Otho dixit, *bona voluntate dominorum*. Guntherus; *Domino nolente relictus*. Hinc & infra: *quibus halvespergas concedant*.

Privetur] Iudicio curiæ (ut Guntherus ait)

CONSTIT. DE FEUDIS. 171

ait) condemnatur, ait Otho. quod notandum ad Feudistarum contentionem, utrum sententia privationis requiratur.

Per hominum] Delendum *per*, vel scribendum, *per hominum*, id est, vigore debiti & officii sui.

Adhaferint) In comitatu hujus expeditionis, ubi à latere dominorum (ut sic dicam) non recedent.

Quot mansos) Mansum variè exponunt. Aventinus *lib. 3.* hubam & mansum, quæ bigis aretur; curtim & hosam, quæ quadrigis. Amerbachius putat esse jugerum, & quasi à mensura mansum dici: quem sequitur Hotomannus, inductus consonantia vocis *Mansmat*. Rectè Cujacius & Pithœus, esse prædium, fundum, heredium, unde tueri colonus se & familiam commodè possit, ac insuper vectigal & censum domino præstare. Idque ex Capitularibus & monumentis omnibus Carolinis abundè apparet. Denique *mansum* & *curtem* promiscuè dicit ipse Gerardus, *de Feud. lib. 1. tit. 1. §. si quis de manso*. Nec potest esse feudum inferius uno manso, vel saltem dimidio, ut tradit auctor ille *De Benef. §. 37. & tit. De ordine placitationis. §. 58.*

Tot brunias) Suprà dixit *loricas*, sive *halspergas*, pro loricatis; nunc *brunias*. Idem autem

autem est *Brunia*, veteri Franca & Saxonica voce, quam adhuc legimus in cantilenis illis veteribus & fabulosis, *Im Heldenbuch*:

*Darumb Wil ich euch geben,
Ein brinne Wunnesan,
Die kein Herr in seim leben,
Nit besser mag gehan.
Wol achzig tausent marcke,
Ist dieselb Brinne Wert,
Zu dem geschmeid vnd starcke,
Gib ich euch ein gut schWert.*

Et parte II. Sie kundten helme haWen,
Vnd auch die Brinne gantz,
Das man sie must aanychaWen,
Mit manchen Weiten schrantZ.

Et parte IV. Nan legen vñ euch das streige wāt,
Helm vnd schild wol von der hand,
Die schwert vnd auch die Brinne
gut,

Ir seit vor schaden wol behut,

Et man sit vox Gallis, *Brunie*, loricam, sive thoracem totamque adeo armaturam significans. Nam quod in Lege Lombarda libr. 3 scriptus est titulus xvii. talis: *De bruacis* (*bruneis* legendum, quod & in margine inuenies) extra nostrum regnum non vendendis; tali lege Karoli Imp. subiecta: *De bruneis ut nullus extra regnum nostrum vendere presumat*

presumat. Et congruit Romanæ legi vlt. Cod. quæ res export. non deb. Id ipsum (inquam) in Capitulari lib. 6. c. 212. ita est: Ut armilla & brunie non dentur negotiatoribus. Et Addit. lib. 4. cap. 94. De lorice extra regnum non vendendis. De bruniis, ut nullus foras nostro regno vendere presumat. Ubi Pithœus in Glossario locum nescio unde petatum addit, apprimè hûc facientem: Ut omnis homo de XII. mansis bruniam habeat.

Duobus scutariis) An scutis duobus, quorum uno perforato vel disiecto alter supersit; an vero armigeris, schützen, non liquet. Hoc notemus, ut feudum lorica Gallis dictum luprà tetigi, ita scutagium, id est, servitium scuti Anglis. Feuda Scutiferorum appellantur etiam apud Ardizonem. Cujac. lib. 4. tit. 74. Ut feuda Vexillorum, Vahnlehen, Bandereiz, bannereiz.

Scutariis singulas) Suspicio hic esse lacunam, & legendum: Tot brunias cum duobus scutariis ducant, & in singulos singulas marcas accipiant. Utinam & alterum exemplar adfuisse vel adesset.

Quod absit) Abominatur clientelæ fidem non solidam, & in plures dominos divisam, quod grave sit duobus dominis servire, ut est in Euangelio. Itaque apud majores nostros memorat & laudat Tacitus, quod singulis

gulis Principibus Comites, & clientes sui adhærerent, & quidem eâ devotione, ut *infame illis & probrosum haberetur, superstitem Principi suo ex acie rediisse. Illum defendere, tueri, sua quoque fortia facta gloria ejus assignare præcipuum sacramentum, Principes pro victoria pugnant, comites pro Principe.* Hoc quomodo fiet inter plures dominos? Unde jure cautum est, duorum dominorum vassallum ligium esse non posse. *lib. 2. tit. 52. §. satis bene.*

Tantum se daturus) Ipsis dominis, unde hi alios sibi comites conducere possint. Hæc velut mulcta quædam est, in odium diversos dominos habentium constituta, quod prisca illa integritas (ut dictum) averfabatur. Vetus Auctor de Beneficiis, §. 110. *Si homo duos vel tres habeat dominos, si quis prius inter eos sibi Regis servitium denuntiet, illi homo serviet, & expeditionis auxilium alius det, si quod habet ab eis beneficium.* Vel substitutum acceptabilem alteri domino mittet, ut est apud Ardizon. in *extracr. cap. 21. & lib. 2. Fend. tit. 52. §. firmiter.*

Præfato loco.) Roncaliis.

Ecclesiarum filiis) Fortè scribendum *fidelibus.* Quid enim filii Ecclesiarum, quum nec Ecclesiasticorum esse debeant? Nisi fortè ita mos tulit, quum prælatos *Patres* suos vocarent,

CONSTIT. DE FEUDIS. 175

vocarent, & *Paternitatem* illorum salutarent, vicissim *Filios* ab illis audiisse. Ceterum Ecclesiae, ex quo tempore bonis, latifundiis, praediis, redditibus auctae fuerunt; beneficiarios etiam suos sibi libellis, precariis, feudis acquisierunt; & milites, fideles, ministeriales, advocatos suos habuerunt. Immo pro hac ipsa regia expeditione peragenda certum numerum militum, id est, nobilium vassalorum sibi assignatum sustentare necesse habebant, ut praeter historias ex hoc ipso diplomate, & aliis Imperatorum constitutionibus notum est, ut *libr. 2. Feud. tit. 52. tit. 55. in princ. & §. firmiter.*

Ministerialibus] Ita in diplomatis Episcoporum & Abbatum, post clericos subscriptus Advocatus, post hunc ministeriales, deinde fideles. Videtis valvas Ecclesiarum, Spirensis, Wormatiensis, Moguntinensis.

Principum clientela] Qui feuda à Principibus non habent, sed affidati, clientes, stipendiati, ministeriales, Palatini eorum sunt, & (ut mox exponitur) quotidie ad serviendum parati esse debent. Diversi ergo ministeriales à vassallis, re & nominibus, quibus in antiquis instrumentis separantur. *Cometium de N. cum castris & munitionibus, fidelibus vassallis, ministerialibus, hominibus, & omnibus*
M *attinentiis,*

attinentiis. Et in Teutonicis fideles, *Mann* & *Lehenleutte*; ministeriales *dienstleutte* veruntur. Vide §. *Si ministeriales. tit. de pace tenen.* & Lombard. *lib. 2. tit. 32.*

Quinque mansos] Restrigitur hoc in praelatis, ut non denorum, sed quinquorum mansorum beneficiarii totidem halvespergas bruniasve ducant; quod hi non tam crebras mansorum decades clargiri possint, vel soleant.

Et hoc in arbitrio] Dominorum est electio & dilectus: quos ducant secum, quibus stipendiâ imperent, quibus remittant.

Halvespergas concedant] Prorsus remittant, condonent. Hi sunt quos suprâ diximus, bonâ cum gratiâ & voluntate dominorum domi remanere.

Quinque libra] Libra (ait Cuiacius) æstimatur solidis xx. solidi denariis xii. inter Salicos; xl. inter Saxones, & Frisones. *L. 1. & 3. Longobard. De quantitat. solid.* sed calculus & nummaria ratio ejus ævi posterioris nobis valde obscura, & propè inexplicabilis est.

Quartus addatur) Ergo vasalli equos non præstabant, sed domini eos præbebant. Vel fortè hîc legendum, *alatur*, pro *addatur*.

Soumarins) Equus clitellarius, onerarius, *saumros*. In epistolis Petri de Vincis læpe *sauma*, clitellæ, quæ ab equo commodè gestari possunt.

Procura-

CONSTIT. DE FEUDIS. 177

Procuracione) Id est, victu, sumptu, cibariis. Nam in cundo quidem ad Roncalias & redeundo (ut supra cautum) stipendio ibi definitio contenti esse debent; in loco autem à dominis pascuntur. Ut & cum vasalli ad dominorum instantiam curiam habent, id est, iudicium feudale exercent, à domino pascuntur. De quo latè Auctor ille *De Beneficiis, tit. De ordine placit.* §. 62.

Quicquid à rebellibus regni) De præda tertiam retinent vasalli, quos domini pascunt; quos non pascunt, duas tertias. Alia manubi- arum & agri occupati dividendi ratio apud Romanos, ut *Tit. D. De re militari, & Limi- tum* Auctores docent, nec explicare hujus est loci.

Officiarios speciales) Ministeriales hi vocan- tur; qui non beneficiati seu feudati, sed Curiali & Palatino vel Aulico jure censentur. Vetus auctor de beneficiis §. 131. *Quid- quid homo non suscipit per hominum, non judicetur esse beneficium; sicut quum bona concedit dominus suis ministerialibus, non per hominum, sed secundum jus curia; hac con- cessio caret beneficii jure, si est concessio officialis.* Quivis etiam ministerialis natio- ne erit ex justitia, Dapifer, aut Secreta- rius (malim legere pincerna) aut Camerarius

aut Marschalcus. Hec quatuor officia (ut sic dicam) cardinalia; in ipso Imperio & Aula præcipua, pro summo beneficio à Cæsariibus olim dabantur. Sed & sine his nullus iustus Principatus habebatur. Ut autem in Imperio paulatim hereditaria esse cœperunt; ita & sub Principibus, equestribus tandem familiis jure perpetuò adscripta fuerunt.

Decem librae) Ergo duplo plus, & uno equo amplius habent hi officiales cæteris ministerialibus. Marschalco autem, cujus sub dispositione stabulum & res equestres, non injustâ prærogativâ quartus etiam additur.

Præcurrendum) Levis equus, *Rozinum* Lombardi, & Franci vocant, *Roussin de service.*

Pugnandum) Dextrarium illa ætas vocabat, *Destrier.*

Remanere) domi.

Moneta) Incertum quomodo hæc lacuna explenda sit, tot libras, marcas, talenta. Nam & in hoc variatum. Vetus auctor de Beneficiis, §. 13. *Ibunt illuc & alii omnes imperialia beneficia habentes, quisque cum domino suo, nisi talento decimo iter redimat, quod annuatim à domino suo habuerat.* Ita in libris Feudorum Conradus Rex statuit, in Lombardia de modio duodecim denarios, in Tentonica

nica terra tertiam partem fructuum persolvi, libr. 2. Feud. tit. 40. §. præterea. Fridericus modò indefinitè, pro quantitate Feudi stipendia militiæ persolvi. libr. 2. tit. 54. §. ut autem modò definitè, dimidium, redditus feudi unius anni domino subministrari. Tit. 55. §. firmiter. Hic totus fructus feodi in illo anno exposcitur.

Pro stipendio) Ita & supra; Sed stipendia nisi voluntate dominorum non prætermittant, & libr. 2. Feud. tit. 54. Quicumque indicta publica expeditione Regem, aut sub rege dominum suum, non adjuvaverit, aut eundo cum ipso, aut pro quantitate feudi stipendia militiæ persolvendo, feudum perdat. Proprio autem & vernaculo nomine hæc stipendia vocantur Hostenditia. libr. 2. Feud. tit. 40. §. præterea. Hostenditia dicuntur adjutorium, quod faciunt dominis Romam cum Rege in hostem pergentibus vasalli, qui cum eis non vadunt. Quam vocem à nullo hætenus Feudistarum rectè expositam video, nec patiar certè ab exteris eam in Hostelitium, aut Hostelitias corrumpi. Est enim merè et verè Teutonica, Oostendinst, servitium in exercitu, vel pecunia, quâ illud redimitur: eadem compositione qua Frohndinst, Herrendinst, Rentterdinst, quomodo etiam hodie appellatur illa contributio, quam equestris nobilitas Im-

perio immediatè subjecta et alioquin immu-
nis, voluntariè præstat.

Præcipimus ut singuli] Post vasallorum et
militum officia definita, statuit, quid colo-
ni, rustici, subditi, dominis ad expeditio-
nem illam subministrare debeant. Quorum
genera et gradus quoldam distinguit, mihi
hactenus (nec aliis puto) non satis cogni-
tos, non magis quam ipsæ sunt Hubarum
et Mansorum species; *regales, dominica, in-*
dominicata, ingenua, serviles, tributales, item
mansu vestiti, apsi, barschalci, sensi. Sed nec
quid *Terra Salica*, quid *Aphinnna* (quam
jurnalibus et terræ aratoriæ jungi video)
quid *Bifangum* sit, adhuc investigando in-
venire possum, et docenti Minerval liben-
ter debeam.

Buringi] Hos esse puto colonos, qui justa
prædia et villas, curtes integras et instruc-
tas exercent, non possessiones scæneas, quas
Justinianus vocat; quos à colendo et ædifi-
cando *Bauren* dicimus. Nam terminatio
illa idiomatici nostro familiaris, similis apparet
in *Edilingis, Freilingis, Agilolfingis*. Quin
et Guelfos illos, *Guelfingos* dictos Aventi-
nus auctor est.

Decem solidos] Solidus conficiebat quadra-
ginta denarios. Adscribam ex Pithæo lo-
cū

CONSTIT. DE FEUDIS. 181

cum Hincmari de vita et actibus B. Remigii: Solidorum quantitas numero quadraginta denariorum computatur, sicut tunc solidi agebantur, & in Francorum Lege Salica continetur. Et generaliter in solutione usque ad tempora Caroli perduravit, sicut in ejus Capitulis continetur.

Navalem aquam] Rhenum, Nicrum, Danubium, Albin, Lycum.

Mansionarius] Qui mansum vestitum habet, quem bigis aret, si Aventino credimus, vel manlum dimidium. Quandoquidem iste dimidium tantum ejus, quod Buringus daret, pendere jubetur.

Absarius] Qui mansum absum: quod quid sit, pariter scio cum ignotissimis. Est apud Wellerum Annotatio Arnonis Episcopi, tempore Karoli M. Regis, hoc est, Index eorumquæ quis Episcopatu Salisburgensi tradidit in quo mansi nunc Apfi, nunc vestiti sub, inde recurrunt: Tradidit Romanos, & eorum tributales mansos LXXX. inter vestitos & apfos. Mansos vestitos tres. Mansi XX. inter barscalcos & sensores, & inter vestitos & apfos. Mansos tributales IV. apfos. In loco qui vocatur Salinas, fornaces XX. & totidem pacellis, & tertiam partem de putiatorio ibidem concessit, cum sylvis, campis, pratis, pascuis, farinariis. In loco nuncupato Hal, unum putiatorium, inte-

M 4

grum,

grum, quod vulgariter dicitur Galgo (hoc uobiter addam, est puteus aquæ in Sal excouendæ, Orfrido monacho docente lib. 2. c. 14. *Bi einemo brunnen, thaz Wir ouch puzzi nennen.* Et postea: *Er gab uns ouch zi nuzzi thesan selbon puzzi*, cujus machina & tolleno gabalum seu patibulum refert) cum mansis xxx. inter vestitos & apsos, & exercitales viros. Et farinariis in fluenta *Vischaha*. Decrevit censum dare unusquisque homo, qui in Hal habitaret, quod barbaricè dicitur *Adalparo*, tam hi qui in *Mana* & *Mona* manerent, quam & illi qui in ipsas salinas manerent. Appolui omnia, etiam extra rem, si quid inde fortè Lector eruere sibi possit.

Bunajarius] Calamum abjicio. Obversatur tamen vox *Bune*, quæ partem ædium sub tecto, aut superficiem, vel suggrundam etiam hodie significat. Ergo forte superficialius hic aliquis, vel fortè *Bifangarius* legendum, qui pariter nobis notus.

Quorumcunque larium possessores] Qui focum & caminum habent, unde vectigal pendant, cetera fortè egeni, & victum operis diurnis quæritantes.

Emunitatem] Ita scribebant, unde *Mundat* dicta. Sed malim legere, *firmitatem*.

Asti-

CONSTIT. DE FEUDIS. 183

Astipulantibus] Suffragantibus, assentientibus. In sexcentis, & amplius diplomatis antiquis donationum, prestatiarum, legatorum, contractuum, negotiorum quorumlibet illo ævo Carolino scriptis legi in fine adscriptum: *Stipulatione subnixa*, ut solennem formulam fuisse appareat,

Manu propria] Id est, quod mox sequitur, *signum*; qualia singulorum Cæsarum apud Aventinum, & Onuphrium expressa videre est. Ea illos proprio manu subnotasse, haud vana conjectura ducor. De ejusmodi signis mentio fit in *l. bene à Zenone. 3. Cod. De quadrien præscript.* Ubi eruditè Accursius notat, ea *Epist, almata* vocari.

LutWardi Cancellarii] Hoc notore jam de tempore & auctore hujus constitutionis certò constitui potest, quem nec in Magni, nec Calui actis invenio, sed in Caroli tertii hujus, *Crassi* vulgo dicti, diplomatis; quorum unum fidei faciendæ subjiciam. Hunc LiutWardum (quem ita diplomata, & Regino, Paulus Æmylius *LiutWaldum*, Aventinus, *Luithardum*, nominant) idem *lib. 4. Bojorum histor.* Vercellensem Episcopum, & magistrum Epistolarum facit: ab eoque è comitiis illis Wormaciensibus Richardem Caroli III. conjugem in Urbem, ubi regiam

M 5

ducat

ducat vitam, deductam memorat. Eundem postea Romam ad causas cognoscendas litesque dirimendas profectum, decretum à Romano Pontifice retulisse, *Licere Episcopis parochias, quas hostis alienus a religione Christi invaserit, deferere, atque ad alias migrare urbes, hasque incolere.* Nec omit- tam, quæ tandem hujus Cancellarii apud Principem suum fortuna fuerit: similis ferè ei quam Petrus de Vineis in pari dignitate apud Fridericum II. Imp. constitutus, tan- dem expertus est. Nam (ut Regino auctor est, libr. 2. sub anno 887.) *Carolus Imperator Luitwardum, virum sibi prius percharum, & in administrandis publicis utilitatibus unicum consiliarium, obiecto adulterii crimine, eo quod Regina secretis familiaris, quam oportebat im- misceretur, a suo latere cum dedecore repulit. Deinde, paucis interpositis diebus, conjugem Richar- dem in concionem vocat, & publice protestatur, nunquam se carnali coitu miscuisse; cum tamen plus quam decennio ei conjugio fuisset sociata. Illa è contra non solum ab ejus, sed etiam ab omni virili contactu se immunem professa, glo- riansque de virginitatis integritate, idque se approbaturam divino judicio, vel duelli vel igni- torum vomerum, cum fiducia affirmans, facto dissidio, in monasterium Andelaw, quod ipsa dedicaverat, velum sumptura discessit.* Quod & Anvetinus

CONSTIT. DE FEUDIS. 185

Aventinus postea, Sigoniusque referunt. Sed & ipse Carolus (non illaudatus alias Princeps suos passus est manes : successorum vivus accipiens Arnulphum, & amplissimis regnis amissis, in summa egestate contabescens, ut verè in eum quadraret illud:

Irus & est subito, qui modò Cræsus erat.

Anno ab incarnatione] Aventinus scribit, hunc Carolum primum annos Christi in instrumentis annotari fecisse. Sed fallitur; quando & in Caroli M. Francorumque Regum diplomatis apparent.

DCCXC] Hæc Era constare non potest. Eo enim anno Magnus vixit, & comitia Wormatiæ (ut diximus) egit. Atqui huic tribui diploma istud nullo modo potest. Et facilis lapsus est scriptorum in numeris. Rescribendum ergo est necessario *DCCCXXCI.* vel sequens annus.

Regni autem ejus] Hæc quoque confusa & mutilata sunt; cum aliàs distinctè singulorum regnorum suorum annos annotare consueverit; ut in illo diplomate quod Peutingerus refert in Sermonibus de Germania: *Dat. XIV. Kalend. Mart. anno dominicæ incarnationis DCCCLXXXVI. indictione IV. anno Imperii piissimi Imperatoris in Italia VI. in Francia V. in Gallia II. Actum in villa que RotWil vocatur.* Ita & in aliis apud Sigonium,

nium, & in hoc memorabili, quod fidei faciendæ (uti promisimus) subjiciemus ex veteri membrana.

IN nomine sanctæ & inviduæ Trinitatis, Carolus, divinâ favente clementiâ Imperator Augustus. Si locis Deo dicatis ex nostris rebus pro Dei amore, & remedio animæ nostræ & parentum nostrorum aliquid conferimus, & necessitates servorum Dei assidue sibi famulantium nostro sublevamus juvamine, id procul dubio & nobis ad æternam vitam feliciter obtinendam, & parentum nostrorum animabus ad veniam consequendam profuturum liquido credimus. Quæ de causa omnium sanctæ Dei Ecclesiæ fidelium nostrorumque, præsentium scilicet & futurorum, comperiat mansuetudo, qualiter nos ob amorem Dei, & remissionem peccatorum nostrorum, atque pro remedio animarum piæ recordationis genitoris nostri HLudoWici, necnon & karissimi fratris nostri HLudoWici, gloriosissimorum Regum, ad monasterium quod vocatur Lauresham, ubi S. Nazarius corpore requiescit, & præfati Reges humati habentur, expectantes diem resurrectionis, ubi Gerhardus Abba et rector ejusdem monasterii esse videtur, quasdam res juris nostri, in jus et proprietatem perpetuò possidendum concessimus, videlicet in Comitatu Nor-
matiensi,

CONSTIT. DE FEUDIS. 187

*matienſi, ad villam, qua dicitur Alesheim, cur-
 tem indominicatam, ſicut ad Imperatorem per-
 tinet, cum manſis, edificiis, utriusque ſexus
 mancipiis, terris, pratis, vineis, ſilvis, cultis
 et incultis, pascuis, aquis, aquarumve decur-
 ſibus, viis et inviiis, et adjacentiis, finibus, et
 omnia ad ſe jure legitimo pertinentia. Eo ſcili-
 cet rationis tenore, ut perpetuo monachis ibidem
 Deo famulantibus in uſibus deputentur, atque
 indeficiens luminaria exinde in Eccleſia ubi pra-
 fati viri requieſcunt, habeatur; et nulli praſa-
 ta res in beneficium tradantur, ſed ita, auxilian-
 te Deo, permaneant, ad uſus fratrum et lumi-
 nariam inextinctam, veluti pralibando ſtatui-
 mus. Unde et hoc noſtra auctoritatis praecep-
 tum fieri juſſimus, per quod decernimus atque
 jubemus, ut nec noſtris, nec ſucceſſorum noſtro-
 rum temporibus ullus habeat poteſtatem, ex ſu-
 pra ſcriptis rebus aliquid minuire, ſubtrahere,
 vel immutare: ſed ita inviolabiliter permaneant,
 veluti pralibavimus. Et ut haec noſtra conceſſi-
 onis auctoritas plenior in Dei nomine obtineat
 firmitatem, et per futura tempora verius à cunc-
 tis credatur, et diligentius obſervetur, manu
 propria ſubter eam firmavimus, et annulo noſtrae
 impreſſionis juſſimus ſigillari. Karolus Impera-
 tor Auguſtus, Segoinus notarius ad vicem Luit-
 Wardi Archicancellarii recognovi, et ſubſcripſi.
 Data III. Id. Junii, An. ab incarnatione Do-
 mini,*

188 KAROLI III. IMPER.

mini. DCCCLXXIV. Indictione II. an-
no verò regni domini Karoli Augusti VIII.
Imperii autem IV. Actum Wormacie,
in Dei nomine feliciter.
Amen.

FRAN

FRANCISCI
HOTTOMANNI

I&ti

Elementa Iuris Feu-
dalis.

Opus postumum

Nunc primum editum

Ex Bibliothecâ

CORNELII VAN ECK

Antecessoris Ultrajectini.

Præfatio.

CORNELIVS VAN ECK

L. S.

Hunc ego postumum Francisci Hottomanni, at quanti qualisque viri! Libellum diutius tibi, Benevole Lector, invidere nolui. Plures sunt anni quod in hunc thesaurum auro contracarum, fato ad invidiam usque felici, incidi. Volumen dico non magnæ molis complectens quædam Fr. Hottomanni opuscula, manu Johannis Hottomanni, Fr. Fil. descriptum, ut ipse hoc chirographo in subscriptione testatum facit: in gratiam nobilissimi & pietate singulari præditi viri Do. Eppii ab Heringa, ut hoc quaecunque observantiæ erga ipsum suæ testimonium exstaret, ista Juris Civilis Feudalisque Elementa describebat Genevæ mense Sextil. c10 10 LXXVI. Johannes Hottoman. Continentur in eodem volumine,
M. S.

M. S. Elementa juris Civilis, & De Lite ordinandâ Observatio Fr. Hottomanni, præter hæc quæ nunc. Tibi exhibeo, Juris Feudalis Elementa. Sed cum illâ Juris Civilis Elementa à Partitionibus Hottomanni, quæ in Operibus ejus extant, in multis non nisi titulo differant, & Observatio de Lite ordinandâ, nihil commune habeat cum Juris Feudalis Elementis; non putabam me operæ pretium facturum, si ea, ut nunc est, typis committerem. Sed cum hæc, quæ nunc tibi damus, Juris Feudalis Elementa, nunquam vel in Operibus Hottomanni, vel seorsim, quantum colligere potui, sint edita, nolui committere, ut meâ culpâ diutius delitesceret opusculum Hottomanno dignum, & , ut omnia magni illius Icti scripta, studiosæ legum juventuti utilissimum. Quod cum Fornerii, & Contii de Feudis Tractatibus, olim à Marquardo Frehero editis, sed nunc à nobis, tenebris in lucem revocatis, junctum, justum juris Feudalis systema, in usum Collegii Feudalis,

N

quod

*quod vocant, efficere posse vid:batur.
Tu, ulere ~~tu~~ frueri, & nostris de Juris,
prudentiâ bene merendi conatibus fave.*

ELEMENTA JURIS

FEUDALIS

FR. HOTTOMANNI JC.

I. **F** Feudum est Beneficium, eâ lege alicui tributum, ut, gratiæ testificandæ causa, obsequium aliquod præbeat. Itaque promiscue Beneficium & Feudum usurpantur. Plerumque autem obsequium feudale militare est, hoc est, ut feudatarius cum armis & equis ad domini sui voluntatem præsto sit, ut in *Constit. Conrad.*

II. Qui Beneficium dat, modo *Dominus*, modò *Senior* promiscuè appellatur: unde vulgata vox *Signor*. Qui accipit, *homo*, *miles*, *vassus*, *vassallus*, *valvasor*, *valvasinus*, *feudatarius*, *beneficiatus*, *cliens*; hæc enim promiscuè usurpantur.

III. *Feudum* & *Allodium* inter se opponuntur. Nam *Allodium* est, quod pleno patrimonii jure sic tenetur, ut eo nomine
nulla

ELEMENTA JURIS FEUDALIS. 193

nulla neque gratia, neque merces, neque opera debeatur. *Lib. 2. Tit. 26. §. 2. & Tit. 17. §. 2.*

IV. Feudi jus est, ut Clientela militaris inter Seniore[m] & Vassallum contrahatur, cujus hæc vis est, ut illi mutuam inter se fidem ac benevolentiam præstent. *Lib. 2. Tit. 26 §. domino. & Tit. 47.*

V. Vassalli obsequium duplex est, *Homini-um & Servitium*. *Homini-um*, quod etiam *Homagium & Fidelitas* appellatur, est veneratio, quam Vassallus Seniori, propter beneficium acceptum, tribuit; cum se eo nomine hominem ejus esse profitetur, id est, in ejus fide mansurum.

VI. Unde fidelitas definitur Jusjurandum, quod vassallus Domino præstat. *Lib. 2. Tit. 3. §. & Tit. 26. §. 9.*

VII. Ea fidelitas variè, pro cujusque regionis consuetudine, præstatur, plerumque autem iungendis dextris. Interdum Vassallus aversam senioris manum osculatur, ejusque jurisjurandi formula traditur in *Lib. 2. Tit. 6. §. 2.*

VIII. Servitium plerumque operæ militaris fuit. Quâ de causâ Vassallus passim *Miles* appellatur: quia etiam ei demum feudum proprium habere licet, qui miles est. *Lib. 2. Tit. 26. §. Beneficium. & Tit. 30. Tit. 34. §. Similiter.*

N 2

IX. Re-

IX. Regulariter tamen feudum aliud est Civile, aliud Militare. Civile est partim Ecclesiasticum, ut Episcopatus, Abbatia. *Lib: 1. Tit: 1. § 1. & Tit: 3.* Partim Laicum; quales sunt Magistratus, & Jurisdictiones. *Lib: 2. Tit: 61.*

X. Porro Feudorum gradus sunt tres: Summus, Medius, & Infimus. Summus, qui & Regalis dicitur, est eorum, quæ ab ipso Imperatore conferuntur: Veluti Ducatus, Comitatus, Baronatus, Marchia. *Lib: 1. Tit: 1. §. 1. & Tit: 7. & Tit: 44. Tit: 17. Lib: 2. Tit: 10. & Tit: 34. §. 1.*

XI. Medius ordo eorum est, qui Vassi Regii, & Valvasores Majores dicuntur; quibus Civitas aliqua gubernanda data est. *Lib: 1. §. 1. Tit: 7. Tit: 17. et Lib. 2. Tit: 10.*

XIII. Infimus est eorum, qui ab illis intermediis constituti sunt: atque hi minores Valvasores ac Vasalli appellantur. *Lib: 2. Tit: 10 §. 1. et Lib: 1. Tit: 15.* Quamvis autem ab his quoque alii infeudari in infinitum possint; *lib: 2. tit: 34. §. 4.* Tamen, quia eadem omnium conditio est, idem quoque feudorum gradus censendus est. *lib: 2. tit: 26. et tit: 34. §. 4.*

XIV. Altera Feudorum divisio est, ut aliud sit Vetus sive Paternum, aliud Novum. Vetus est, quod non ei primum, qui jam Vasallus

FLEMENTA JURIS FEUDALIS. 195

Vasallus est, concessum fuit, sed ei, cui Vasallus successit, *lib: 2. tit: 11.* Novum est quod ei primum, qui jam illud obtinet, concessum fuit. *lib: 2. tit: 11. et tit: 50.*

XV. Postrema divisio est, ut aliud sit Proprium, sive Rectum aliud Improprium, quod appello Feudastrum. Proprium est, quod propriam, feudi naturam conditionemque retinet; veluti, ut à milite habeatur, ut pro eo fidelitas juretur, ut sine judicio & damnatione adimi non possit. *lib: 2. tit: 2.*

§ 4. Improprium est, cujus nomine fidelitas non debetur, vel non militi datum est, vel adimi senioris arbitrio. quasi precarium, potest. *lib: 2. tit: 3. in fi. et lib: 1. tit: 1. §. 4. et tit. 7.* Qualia sunt feuda Guardiae, Gastaldiae, Camerae, Cavenae, & Soldatae. *lib. 1. tit. 2. lib. 2. tit. 1. et tit. 2. §. 2.* Item quod foeminis conceditur. *lib. 2. tit. 3. §. pen.*

XVI. Vulgaris divisio, ut aliud sit Ligium, aliud non Ligium, repudianda est: neque aliam auctoritatem habet, nisi ex Gloss. C. *Pastoralis. De sent. et rejud. in Clem.* Ligium vulgus interpretatur, qui fidelitatem alicui nullo excepto jurat: At hæc jurisjurandi feudalis verissima est formula: ut patet ex *lib. 2. tit. 2. et tit. 28.*

XVII. Deinceps ad partitionem accedamus

N 3

mus

mus, de personis, rebus & jure. De personis regula hæc esto: Is demum feudi proprii capax est, qui miles est & militarem operam præstare potest. Qua de causa neque mutus, neque cæcus, neque mancus feudi capax censetur. *lib. 2. tit. 74. lib. 1. tit. 6. §. 3* Sic qui clericus aut monachus efficitur, ejus feudum, si novum est, domino suo aperitur, id est, committitur; si paternum est, agnatis ipsius aperitur. *lib. 2. tit. 26. §. Qui cleri. et tit. 21.* ubi generalis regula traditur: Beneficium ei soli conceditur, qui potest præstare officium; vel sic: Beneficium datur propter officium.

XVIII. Cum Feudalis clientela sit militaris, proprium feudum in feminas non cadit. Itaque Mulier ad Paterni feudi hereditatem non admittitur. *lib. 1. tit. 1. §. 3 et tit. 8. et tit. 24.* Ubi proles feminei sexus, vel masculus ex femineo sexu descendens à feudi successionem removetur. *lib. 2. tit. 11. §. 1.* Impropii tamen feudi mulier capax est, primum beneficio, id est, investitura deinde pacto in Infeudatione adhibito, ut etiam ad mulieres transeat. *lib. 1. tit. 15. et tit. 24.*

XIX. Minor jure feudali dicitur plerumque respectu plenæ pubertatis id est, 18. annorum *lib. Lombard 2. tit. 29.* Interdum tamen pro impubere usurpatur: ut

ut *lib. 2. tit. 26. §. Si minori.* Huic autem deferri feudum & beneficio & successione potest, ut *pag. 14. h. e. lib. 2. tit. 55. §. præterea si quis.* Tunc igitur vasallus vicarium muneris militaris substituet, ut in *§. firmiter, eod. tit. & tit. 26. §. Si quis decesserit.*

XX. Adoptivus autem & naturalis filius neutro modo feudi sunt capaces: *d. tit. 26. §. adoptivi & §. naturalis.* Servi autem Infodationis quidem testes esse non possunt, quanquam, alieno nomine investiri, h. e. infodari possint. *lib. 2. tit. 58. §. 2. et tit. 3. §. per servum.*

XXI. Rerum earum demum constitui feudum potest, quæ vel immobiles sunt, vel in jure consistunt: nam mobilium feudum non constituitur. *lib. 2. tit. 1. §. 2.* In jure autem consistunt feuda de Camerâ, id est, pensio pecuniaria, quæ de camera sive arca depromitur. Item feuda de Cavenâ, id est, annona, quæ de senioris cella sive penu præstatur. *lib. 2. tit. 2 §. 2.* Utrumque feudum *Soldanie*, quasi dicas *Annona*, appellatur in *lib. 2. tit. 10. §. 2.*

XXII. Inter jura præcipuum locum obtrinent Ducatus, Comitatus, Marchiæ, item Episcopatus, Abbatia, cæteraque opima sacerdotia, quæ idcirco Feuda Regalia dicuntur, quoniam à Rege, id est, Imperatore

conferebantur. *lib. 2. tit. 40. §. ult.* Idem-
que traditur in Lombard. *lib. 3. tit. 1. l. 31.*
& in Capitul Caroli Magni *tit. 2. cap. 6.*

XXIII. Dari autem in feudum non pos-
sunt, quæ jure alienari non possunt. *lib. 2.*
tit. 3. §. Sed etiam. à quâ tamen regulâ res
ecclesiasticæ, vel potius opima sacerdotia ex-
cipienda sunt, ut suprâ diximus.

XXIV. Regulæ autem ratio est, quo-
niam, ut locatio in longinquum tempus quæ-
dam alienatio est, ita constituendo feudo
alienari quodammodo res videtur; quando-
quidem Lotharii lege ad posteros feudum
transfertur. *lib. 1. tit. 1. §. 2.*

XXV. Feudum sex acquiritur modis,
quorum primus est donatio. Hæc autem do-
natio non pura est, sed sub modo fit, nego-
tiumque in se continet, nimirum ut certum of-
ficium, sive servitium à vasallo præstetur.
lib. 2. Tit. 23. §. 2.

XXVI. Secundus est Emptio *lib. 1. tit.*
16. Quod tamen à proprii feudi naturali
conditione abhorret, quod non pecuniâ,
sed beneficio acquirendum est. *lib. 1. tit.*
27. §. 1. Et huc pertinet Lex Commissio-
ria pignoris, quam Obertus probat. *lib. 2.*
tit. 51. §. 2. Sed contra Gerardum *lib. 1.*
tit. 27. Nam si donare licet, quid ni do-
nationis causâ vendere viliori preuo licebit?

Sil.

Si quis donationis. 38. D. de cont. emt.

XXVII. Tertius est Permutatio, quod Cambium appellatur, cum vel feudum vel allodium pro feuda traditur. *lib. 1. tit. 4. §. 3. lib. 2. tit. 25.*

XXVIII. Quartus est Successio, quæ tota legitima est: nam de feudis testamenti factio non est. *lib. 1. tit. 8. §. 1.* Propterea, quod Imperatoris instituto feuda in Vassallorum filios posterosque transeunt. *lib. 1. tit. 1. §.* Itaque ne Pater quidem uni ex filiis suis prælegare Feudum potest, ne filius patrem potius, quam Seniore beneficium patrum agnoscat. *arg. L. si arrogator. 22. D. de adopt.*

XXIX. Hoc loco fundamentum illud jaciendum est: Feudum vasallo datum liberis posterisque ipsius, qui virilis sexus sunt, datum intelligitur. *lib. 1. tit. 1. §. 2. & tit. 20.* Unde præcepta hæc sequuntur:

(1.) Cum de filiis & posteris virilis sexus nominatim cautum sit, & filiarum & mares ex filiabus prognati excluduntur. *lib. 1. tit. 15.*

(2.) Cum hoc jus successionis tertii ordinis vassallis nominatim sit concessum; *lib. 1. tit. 1.* in regalibus feudis non est locus successioni jure scripto, sed moribus & consuetudine successio in regalibus feudis admittitur. *lib. 1. tit. 14. §. 1.*

N 5

(3.) Fi-

(3.) Filii posterique omnes æquis ex partibus, sine ullâ ætatis prærogativâ, succedunt, quamvis dividere inter se feudum suo arbitratu possint. *lib. 1. tit. 1. §. 2. Et tit. 50. & tit. 55. §. præterea ducatus.*

(4.) Feudum liberis posterisque attributum omnibus inferioribus gradibus in infinitum attributum intelligitur. *lib. 2. tit. 50.* Sic ut repræsentationi sit locus, veluti ut nepos ex filio simul cum altero filio, patruo suo, in avi feudum succedat. *lib. 1. tit. 1. §. 3. & tit. 8. & tit. 20.*

(5.) Liberis deficientibus, si quidem feudum sit paternum, frater, unâque cum eo fratris demortui filii succedunt. *lib. 2. tit. 2. §. 2.* At si novum sit feudum, frater non succedit, ut postea dicemus.

(6.) Si è pluribus filiis uni feudum ex divisione obtigerit, quod gradatim ad ipsius posteros devolvatur, ut primum masculus in eâ lineâ desinet, continuò ad cæteras stirpes revertitur. *lib. 2. tit. 50. Et tit. 11. §. 11.*

XXIX. Atque hæc quidem de liberis: nam feudalis successio transversaria nulla est. Feudi natura talis est, quod adscendentes non succedunt *lib. 2. tit. 50.* Id est, supra primum investitum adscendere Feudi successio non potest. Itaque neque parentes

tes, neque agnati primi investiti ad successionem admittuntur. Cum igitur paternum feudum est, eo, qui hereditate illud obtinuit, mortuo sine liberis, frater quidem succedit, sed non tanquam fraterno feudo, verum tanquam paterno. *lib. 2. tit. 70. §. 2.* Quod si feudum novum est, nulla in eo fraterna successio est, sed ad dominum revertitur. *lib. 1. tit. 8 §. 3. & tit. 18. & tit. 20. & lib. 2. tit. 12.*

XXXI. Quatuor tamen casibus frater ad fraterni feudi successionem admittitur (1) Si pacto id convenerit (2) Si pecuniâ communi feudum adquisierint. (3) Si simul habitarint. Et (4) si unâ in castris milites id adepti fuerint, *Pag. 3. §. 4. h. e. Lib. 1. tit. 20. & 1. §. 2. & Lib. 2. tit. 12.*

XXXII. Quod de fratribus dictum est, idem in cæteris agnatis locum habet. Itaque si tres fratres fuerint, quorum unus relictis liberis decesserit, alter jam sine liberis moritur, superstes frater unâ cum demortui filiis succedet. Verum neque ille, ut Fratri, neque hic, ut Patruo, succedet: sed tanquam nepotes avo. Hujus ergo disputationis duæ regulæ teneantur:

(1) Jus Feudalis Successionis primi investiti personam non transcendit: Nam ut primum stirpe unâ extinctâ constitit, continu-

nuo ad alteram stirpen defertur. At iis omnibus extinctis, ad Seniore beneficium auctorem revertitur. *lib. 2. tit. 11. §. 2. et lib. 1. tit. 8. §. 3.*


Quod si plures sint stirpes, pluresque demortuorum liberi, tum divisio fit in stirpes, propter jus representationis, quod illis liberis conceditur.

(2) Jus feudalis successionis inter agnatos tam gradus, quam stirpis sive lineæ prærogativâ nititur. *lib. 1. tit. 50.* Eaque est quæ *πρωτημοניה* appellatur, quæ non satis consideratè *Prioritas graduum* dicitur: cum illa prærogativa potius stirpis, quam graduum propinquitate constet. *lib. 1. tit. 5. §. præterea.*

XXXIII Ponatur Titius primus investitus A. ex eo duo filii B. C. feudum ad B. pervenisse, qui duos filios reliquit, D. & E. feudum ad E. pervenisse: quo moriente, cum ex D. natus esset F, ex hoc vero G.;

Quæritur, uter ad successionem E. defuncti admittatur G. an C? nam si gradus prærogativam spectemus, C. tertio tantum gradu distat ab E. G, verò quarto. Sed quia G. stirpis prærogativâ nititur, idcirco præfertur C. quia alterius stirpis est.

Sic



XXXIV. Sic igitur *περὶ τῆς* definiatur *ἰus*, quo agnatus, qui ejusdem stirpis est, alteri agnato, qui ejusdem tantum gentis est, praefertur. Vel sic, *Prærogativa* inter agnatos est, ut is qui ejusdem *ἑ* stirpis et gentis est, ei, qui ejusdem tantum gentis est, praeferatur. *Lib. 2.*

XXXV. Quare in jure feudali, ubi de successiōibus posterorum & descendentiū tantummodò quæritur, non integra cognationis figura usurpanda est, sed genealogia tantum

tandum describenda, semperque is, qui de feudo (cujus de successione agitur) primus investitus est, primo ac summo loco collocandus est; tum sub eo stirpes ac progenies demonstrandæ. *lib. 2. tit. 31.* Ubi quartus gradus dicitur respectu primi investiti, qui gentis auctor ac princeps est: neque unquam patruus vel propatruus, vel patruelis propriè nominandus est, quia nunquam, tanquam patruo vel patrueli successio deferatur, sed tanquam nepoti vel pronepoti primi investiti.

XXXVI. Quintus acquirendi feudi modus est, Præscriptio 30 annorum, si modò vassallus à seniore rogatus servitium & homagium præstiterit. *lib. 2. tit. 26. §. Si quis et tit. 33. §. 1.* Sed præscriptio non ipsius proprietatis intelligenda est, verum usus fructus feudalis; quia vassallus non sibi, sed seniori; non *pro suo* sed *pro alieno* possidet. *lib. 2. tit. 8. §. ult.* Senior autem ob servitium non præstitum libertatem sui prædii nullo tempore præscribit: quia Vassallus nisi monitus servitium non debet. *lib. 2. tit. 26. §. præter. et lib. 1. tit. 21.*

XXXVII. Sextus & ultimus acquirendi feudi modus est traditio, quæ investituræ fiebat; cujus quatuor sunt partes (1) insigni-

ne

ne honoris, (2) hominium, (3) testatio, & (4) inductio in possessionem.

XXXVIII. Insigne honoris varium est: nam insigne Regni tradendi est sceptrum, vel gladius. Ducatus verò, vexillum ab Imperatore Principi alicui porrectum. Unde Ducatus *Feudi Vexillorum* appellantur: Comitatus vero & Baronatus, Hasta; Episcopatus, Annulus & Virga. Minorum autem feudorum, Fustis: Unde vetus formula: *Tu, Pascuti, fustem illum manu capito. Tu, Segniti, fuste illum investito.*

XXIX. Duces autem sunt, quibus merum mixtumque imperium in regionem aliquam universam ab Imperatore mandatum est: *Comites*, quibus pars ejus regionis regenda commissa est: Nam proprie *Dux* dicitur, cui XII. Comites subiunguntur: *Comites* cui XII. Barones. *Barones* autem sunt Regni Optimates, id est, nobilitatis Principes: qua propter his in libris *Capitaneorum* nomine appellantur. *lib. 1. tit. 1. & tit. 7.* Ac notandum est, illa honoris insignia, si de feudis illis regalibus, eorumque investiturâ controversia oriatur, præferenda esse. *lib. 2. tit. 27. §. Si duo.*

XL. Homagii definitionem, & ritum suprâ attigimus. *Testatio* autem est *Convassallorum*, qui *Pares* appellantur, præsentia:

sentia : Nam pro Collegio investiturâ fit.
lib. 2. tit. 2. Tamen si duorum triumve
 præsentia sufficit. *lib. 1. tit. 26. lib. 2. tit.*
33. Si Pares nulli exstent, duo tresve extranei
 testes adhibentur. *lib. 2. tit. 58. §. 2.* Scrip-
 turâ autem opus non est, quæ si adhibeatur,
breve testatum appellatur. *Lib. 1. tit. 4. §.*
1. 4. 6.

XL I. Inductio in possessionem hoc jure
 est, ut si ante Investituram facta sit, pœni-
 tententiæ locus sit. *lib. 2. tit. 33. lib. 1. tit.*
25. At qui prius investivit, neque pœnitere,
 neque consilium mutare potest. *lib. 1. tit.*
4. lib. 2. tit. 26. §. Si facta. Investitura
 autem semel facta, toties renovanda est,
 quoties vel Vassalli vel Senioris persona mu-
 tatur. *lib. 2. tit. 3. et tit. 32.*

XL II. Deinceps de jure Feudorum videa-
 mus nam Vassallus quidem obligatur, Senio-
 ris sui caput & fortunas contra omnes, &
 filium & fratrem, excepto superiore domino,
 defendere, *lib. 2. tit. 5. et tit. 6.* Et quo-
 ties Senior poscit promissum servitium præ-
 stare. *lib. 1. tit. 21. §. 2.*

XL III. Obligatio Senioris est, ut mutu-
 am in Vassalli capite & fortunis defendendis
 fidem ac benevolentiam præstet. Itaque ob
 buas perfidiæ ac felonix causas Vassallo feu-
 dum eripitur; ob easdem Seniori adimitur.
lib.

lib. 2. tit. 26. §. Domino. & tit. 47. Itaque præclara Lex apud Germanos exstat *lib. 3.* *Art. 54.*

ut, cum Imperator eligitur, Juret fidem & homagium Imperio, & quod salva Imperii Jura tuebitur.

XLIII. Reale Jus Feudorum est, ut Seniori non liceat Vassallo feudum adimere, nisi causâ Parium consilio cognitâ, & judicio pronunciatâ. *lib. 1. tit. 7. & Pag. 5.* Item ut Senior sine Vassalli voluntate, feudum alienare, aut in feudum alteri concedere non possit. *lib. 1. tit. 22. §. 2.*

XLIV. Item ut Vassallo sine liberis virilis sexus, & ex virili sexu prognatis mortuo. vel ejus stirpibus omnibus extinctis, feudum Seniori aperiatur, id est, tanquam vacans & caducum committatur. *lib. 2. tit. 11. & tit. 15.*

XLV. Item ut Vassallus nullam sui feudi partem sine Senioris permissu, alien. Et *lib. 2. tit. 52. §. 1. & tit. 40. §. 2. & tit. 55.* Adeo ut, etiam si, antequam senior resciscat, illud fortè recuperet, retinere tamen illud ne feudi quidem nomine & jure possit. *lib. 2. tit. 44.* Nisi fortè id alteri in feudum cedat, sine fraude ac dolo malo. *lib. 2. tit. 8. §. 1.* Quod tamen Frederici constitutione sublatum arbitror, nisi Senioris

O

ris

ris permissu id faciat. *lib. 2. tit. 55. §. cal-
lidis & §. illud quoque.* Item ut si Vassallus
agnatos habeat ex eodem primo investito
prognatos tum alienare Paternum feudum in
Personam extranei, ne Senioris quidem
permissi, possit, nisi adjuncto agnatorum
omnium consensu. *lib. 2. tit. 39. §. 1.* Ac
ne in Filiam quidem suam investituram
transferre. *lib. 1. tit. 8. §. 2.*

XLVI. Item ut neque illud oppignora-
re possit. *lib. 2. tit. 55. §. 1. & tit. 8. §. 2.*
Cum tamen antiquitus partem & oppigno-
rare & alienare posset. *lib. 1. tit. 5. §. 2.*
Quamquam si eâ lege investitura facta est,
ut Vassallo feudum alteri cedere liceat, id,
etiam domino ignorante & invito facere,
possit. *lib. 2. tit. 26. §. pen. & tit. 48.*

XLVII. Hoc loco de Refutatione Feu-
di dicendum est. Est autem Refutatio
*Cessio Feudi, cum Vassallus aut Seniori aut Ag-
nato alicui, qui modò ex primo Investito, qui
eodem capite prognatus est, vel feudum, de
quo jam investitus est, vel ejus spem ad se
pertinentem, transfert.* Nam feudi quidem
alienatio interdicta est, quasi si testator præ-
dium aliquod extra suam stirpem alienari
vetaret. *l. ult. C. de reb. al. non alien.* Sed
feudi & delati, & sperati refutatio, etiam
pretio accepto permessa est. *lib. 2. tit. 39.*

XLVIII. Si


XLVIII. Si feudum vel totum vel ex parte Seniori refutetur (quod etiam invito Seniore, facere licet) præstandi quidem servitii obligatio exstinguitur: at honoris & reverentiæ obligatio semper manet *lib. 2. tit. 9. §. 1. tit. 39.*

XLIX. In agnatum verò refutatio fit ita demum, ut dixi, si agnatus ex primo investito sit prognatus, & feudi capax, h. e. non lurdus, mutus, cæcus, ut supra dictum est: Alioquin Refutatio extra stirpes primi investiti pro alienatione illi cita haberetur. *lib. 2. tit. 39.*

L. Quid igitur, si plures ex eodem capite sint prognati? Nulla ne inter eos prærogativa est? Nullum privilegium? Imò hic quoque Privilegium sive *ægotimonia* servatur eadem quæ in successione, hoc est, ut non tam gradus, quàm stirpis ratio ducatur. *lib. 2. tit. 50.* Refutatio igitur in eum, qui ejusdem stirpis est, potissimum, facienda est; nam is, qui ejusdem stirpis est, potior habetur eo, qui est alterius stirpis sive lineæ, quamvis gradu sit propinquior, ut in successione docuimus: Velut in hac tabula,

O 2

LI. Quin-



L I. Quintus hic privilegiarius dici potest. Sextus ergò si refutare volet, potius in quintum id facere debebit, quam in Tertium.

L II. Licet tamen Privilegiariis, id est, iis, qui stirpe potiores sunt, suum Jus remittere, & refutationi in alium consentire, Ac tum praelationem in perpetuum amittunt, h. e. ut etiam post refutatoris mortem recuperare feudum non possint, quamvis pretium, quod forte alter dedit, offerant. *lib. 1. tit. 5. § 3.* Velut in eadem tabulâ: Quintus consentiens refutationi Sexti in Tertium, suo Juri in perpetuum renuntiat: Quod eodem modo de iis, qui ejusdem & stirpis & gradus sunt, intelligi debet.

L III. Quod si refutatio illa facta sit sine potioris, h. e. Quinti consensu, tum Quintus vivo quidem Sexto repetere feudum
non

non potest, at post ejus mortem potest, non reddito pretio. *lib. 2. tit. 25. Titus, & tit. 39.*

LIV. Quod si Refutatus filium habeat, si quidem filius non consensit, poterit, etiam Patre vivo, reddito tamen pretio, id repetere. Si consensit, aut per annum tacuit, omnino removebitur.

LV. In Refutatione verba pacti diligenter notanda sunt; quia Refutatio nominatas personas non egreditur. Itaque si Titius tres habeat filios; Primum, Secundum, Tertium. Eo mortuo Secundus Primo suam partem ita refutet; *Pro te tuisque heredibus: Mortuo sine filiis primo, Tertius suam tantum, id est, dimidiam ex illa successione portionem obtinebit. lib. 2. tit. 26. §. ult. & tit. 49.* Nam heredis appellatione in hoc Jure solus filius aut nepos, qui in filii locum successit, continetur *lib. 2. tit. 34.*

LVI. Feuda quidem Regalia, nimirum Ducatus, Marchiæ, Comitatus Friderici constitutione individua sunt. *lib. 2. tit. 55. §. præterea.* Atque ita Justinus de regno *lib. 21. Firminus, inquit, futurum est Regnum, si penes unum remanserit, quam si portionibus inter filios plures dividatur.*

LVII. Vulgaria autem feuda & communionem & divisionem recipiunt: Nam &

duo de uno feudo investiuntur. *lib. 1. tit. 14. §. Si duo & lib. 2. tit. 12.* Et plures filii feudum paternum interdum divisum, interdum indivisum possident. *d. §. praterea. & lib. 1. tit. 8.* Sed illa divisio tantum ad fructus & proventus feudi pertinet, ut plures Vassalli feudum inter se partiantur. Sed quantum ad Servitium & Hominium, magis quaestio est.

LVIII. Nam inter Pragmaticos dici solet, unum posse duorum Vassallum esse non Ligium: Itemque unius ligium, alterius non ligium: Duorum vero ligium uno eodemque tempore dici non posse. *Gloss. in c. pastoralis, De sent. & re iudic. in Clement.*

LIX. Sed jam supra dictum est, Ligii nomen ab Italis confictum esse, neque aliam fingi ligiorum conditionem, quam quod Vassallis tribuitur. *lib. 2. tit. 26. §. 7.* Quare ex Jure nostro haec potius regulæ serventur.

LX. Cum Dominus unus est, feudum unum, Vassalli plures; fidelitatem quidem & hominium singuli præstare debent. *d. §. praterea. & lib. 2. tit. 26. §. omnes.* Sed servitium unicum ex unico feudo debetur, *arg. L. 7. D. Commandatid.* Ubi Vectigalis ager inter coheredes dividitur, sed mercede ab uno soluta ceteri liberantur: ita tamen

tamen, ut qui solus servitium præstiterit, indemnitate à cæteris postulet. *l. here. 25. §. an ea & §. seq. D. Fam. excise.*

LXI. Cum Dominus unus est, feuda plura, Vassallus unus, si nihil nominatim convenit, cum ejusmodi feuda sunt, ut ex singulis ali singuli equites possint, pro singulis singula & servitia & hominia debentur: non quo unus plura uno tempore servitia præstet, verum ut muneris sui vicarios præbeat. *lib. 2. tit. 54. & tit. 55. §. firmiter.*

LXII. Cum plures Domini sunt, feudum unum, licet Vassallo postulare, ut Domini communi consensu statuunt inter se, cui tum hominum, tum servitium præstetur. *arg. l. 23. §. 1. D. d. oper. libert.*

LXIII. Quod si Domini inimicitias inter se exercent, subsidium ei debetur, cujus justior causa Vassallo videbitur. *l. 3. §. 2. D. de Sen. Silian.* Uby servus non succurrens dominæ, quam maritus in adulterio deprehensam necat, excusatur.

LXIV. Si plures sunt domini, feudum unum, Vassalli plures, distinctio adhibenda est. Nam si feudum novum est, & à duobus ejusdem prædii sociis, duobus constitutum, quia par est, ejusmodi feudum esse, ut ejus fructibus ali plures possint, tot servi-

tia debentur, quot sunt Vassalli: Si plures sint Domini quam Vassalli, impetrandum erit à dominis, ut inter se statuant, cui servitium præstetur. Si paternum feudum est, si quidem feudum opimum, singuli Vassalli singulis dominis singula servitia debent: Sin autem exilius, idem impetrandum. Cum plures Domini sunt, feuda plura, Vassallus unus: tunc Vassallus singulis dominis, pro singulis feudis, singula servitia debebit: quorum partem per Vicarios præstabit. *d. §. firmiter et lib. 2. tit. 54.*

De Judiciis Feudalibus.

L XV. Varia variis in locis jura de iis traduntur, sed novissimum quodque retinendum est: Ergo Friderici Constitutione sancitum est, si Vassallus cum Patrono controversiam habeat, ut Parium judicio disceptetur. *lib. 2. tit. §. ult.* Sunt autem Pares qui ab eodem domino de suis feudis investiti sunt, qui et *Pares Curtis* et *Pares de domo domini* et *Compares* dicuntur. Horum officium est triplex: ut novi Vassalli investituræ adsint. *lib. 2. tit. 2.* Ut rogati de investitura testimonium dicant. *lib. 2. tit. 19.* Ut feudalium causarum judicia exercent. *lib. 2. tit. 52.* Si verò inter ipsos Convassallos controversia sit, Senior ipse judex est. *d. tit. 55. §. ult.*

L XVI. Quod si inter Vassalli defuncti agnatos,

agnatos, & extraneum possessorem lis exorta sit, Senior cum reliquis Vassallis cognoscet. *lib. 2. tit. 46.* Quod si de regalibus feudis controversia sit, ad Imperatorem appellandi jus est. *lib. 1. tit. 21. et tit. 22.*

LXVII. Causæ autem feudi amittendi in Vassallo sunt hæc XX. quæ passim *Felonie* appellantur, quæ sunt crimina feudalia; quorum hæc sunt quatuor: Cædes Senioris, Vulneratio, Pulsatio, & Insidiæ ipsi factæ. *lib. 2. tit. 57. lib. 1. tit. 17.* Quinta est, obsessio & oppugnatio arcis ipsius. *lib. 1. tit. 5.* Sexta, domini desertio in prelio, aliove capitis periculo *lib. 1. tit. 5. & lib. 2. tit. 24. §. 3.* Octava & Nona, accusatio & testimonium capitale in Dominum. *lib. 2. tit. 24. §. 4. et tit. 33.* Decima: Celatio insidiarum et periculi, quod vitæ & fortunis domini comparatum est. *lib. 2. tit. 24. §. 4. et tit. 28. §. 2.*

LXVIII. Aliæ (X) hæc sunt. Nam undecima hæc est. *Cucurbitatio* dominæ: quo verbo maculam, quæ ex stupro in Senioris domum illata, Feudistæ significant. *lib. 1. tit. 5. §. 1. et tit. 21. §. 2. et tit. 24. §. 3.* Ubi etiam conatus attentatæ pudicitiae et lusiones obscenæ prohibentur (XII) Parricidium in Senioris patrem aut matrem, aut Vassalli fratrem. *lib. 2. tit. 37.* (XIII) Con-

O §

tem-

temptus Evocationis: cum patrono ad expeditionem evocanti non paruit. *lib. 1. tit. 12. §. 1. (XIV)* Prætermisio renovandi hominii per annum et diem. *lib. 1. tit. 22. et lib. 2. tit. 24. (XV.)* Abnegatio clientelæ, cum Vassallus Seniore suum inficiatur. *lib. 2. tit. 25. §. 2. et tit. 22. (XVI)* Contumacia in iudicis id est, desertio litis. *lib. 2. tit. 22. (XVII)* Commisii secreti enunciatio, quod Feudistæ *Credentiam manifestatam* appellant. *lib. 1. tit. 17. (XVIII)* Alienatio vel pignoratatio feudi, sine permissu Senioris. *lib. 2. tit. 55. §. 2. (XIX)* Debilitatio corporis. *lib. 1. tit. 6. §. 3. (XX)* Sacerdotium; cum Clericus aut Monachus sit is, qui Vassallus erat. *lib. 2. tit. 21.*

LXIX. Si publicum crimen est, hoc est, ex eorum genere, quæ in jure civili publica nominantur, tum non Seniori, sed agnato proximo feudum aperitur, etiam liberis damnati Vassalli præteritis. *lib. 2. tit. 24. §. 5 et tit. 31.* quasi unâ stirpe damnatâ feudum ad alteram, cui destinatum à Seniore fuerat, deferatur.


XLXX. Porro, quibus de causis feudum à Vassallo amittitur, iisdem de causis à Seniore amittitur, et Vassallo aperitur. *lib. 2. tit. 26. §. domino et tit. 27.*

F I N I S.

Schemata


Schemata de Successione Feudali.

LXXI. Prima tabula pertinet ad quæstionem, utrum mortuo *A.* succedat in ejus feudum *D.* superstes ex præmortuo *C.* unà cum *B.*? an verò solus *B.* sit heres? Respondetur *D.* una cum *B.* admitti. *lib. 1. tit. 8. et tit. 19. §. Si quis miles. Si quis miles.* Ex quo intelligitur repræsentationi locum esse. Ac proinde si cum *D.* ponamus *C.* hoc est, duos filios ex *C.* superstes, hereditatem in stirpes, non in capita, dividendam esse. *lib. 1. tit. 8. et tit. 11.*




LXXII. In secunda figura *D.* mortuo sine filio *E.* qui est superstes ex *B.* præmortuo, succedit in illius patrum feudum una cum *C.* *lib. 2. tit. 11. §. his verò.* Ex quo intelligitur repræsentationi locum esse, ac proinde si cum *C.* ponamus *F.* hoc est, duos filios ex *B.* hereditatem in stirpes divisam
iri

iri: sic ut C. semissem habeat, E & F. alterum semissem: arg. l. 2. l. 3. l. 4. C. de su. et leg.



LXXIII. In tertia figura, D. mortuo, E, F, G, superstites ex B. demortuo, succedunt illi D. una cum C. idque in stirpes, non in capita: ut modò dictum est, ex lib. 2. tit. II. §. 2.




LXXIV. Quarta Figura, in qua feudum, quod, hereditatis divilione, ad B. pervenit, et gradatim ad C. pervolutum est, ipso sine liberis virilis sexus mortuo, redit ad tres reliquas

reliquas stirpes æqualiter. *lib. 2. tit. 50.*



LXXV. Quinta, in quâ huic regulæ locus est: jus feudalis successionis non tam gradus, quam stirpis prærogativâ nititur. Itaque *G.* solus succedit *E.* qui solus sine liberis mortuus est. et *C.* qui uno gradu prærior erat, excludetur:


LXXVI.



LXXVI. Supereſt figura Refutationis,
 in qua *apportionis* ſive prærogativa eadem ſer-
 vatur, quæ in ſucceſſione: ut is, qui ejus-
 dem ſtirpis eſt, ei, qui alterius ſtirpis eſt,
 præferatur, quamvis remotiore ab illo gra-
 du ſit. Itaque *F.* cujus in perſona feudum
 verſatur, debet potius feudum refutare in
H. qui quinto gradu ab illo diſjunctus eſt,
 quam in *C.* qui quarto tantum ab illo gradu
 diſ-

ELEMENTA JURIS FEUDALIS. 221

disjunctus est. *lib. 1. tit. 5. §. praterea lib. 2. tit. 38. et tit. 49.*



Finis Elementorum Feudalium
Fr. Hottomanni.



C
p

A
accu
Adaz
Adop
qui
Adop
Anp
rue
ccl

An
Ato
Auo
24

Ad

Alla

B
B

INDEX

CAPITUM, & RERUM

Quæ in his Iuris Feudalis Tractatibus continentur.

- Bruniæ quid? 171.
& seque.
- A.**
- A**bfarius quid? Bunaiarius quid? 182.
pag. 181. Beneficia. 93
- Accursius notatus. 112
- Adæquationis ius. 34
- Adoptio, ejusque re-
quisita. 45.
- Adoptio per arma. 32.
- Adoptivi liberi, eo-
rumque jura in suc-
cessionem Feudorum. 32. 34.
- Annulus. 23.
- Azo vindicatus. 24
- A**ctiones Feudales. Constantini M. dona-
tio. 146 & seque 214 102.
& seque
- Adulterium. 17 & Credentia 216.
seque Cucurbitatio. 71. 215.
- Allodium quid? 104.
& seque.
- B.**
- B**aculus 23.
- B**udeus notatus 4.
- C.**
- Capitanei. 102.
- Castellani. 104.
- Clientela, Clientes
quid? 5. 6. 9.
- Collateralium succes-
sio. 53. & seq.
- Comites. 85.
- Compares. 214.
- Constantini M. dona-
tio. 102.
- Corasius notatus 24.
- Credentia 216.
- Cucurbitatio. 71. 215.
- D.**
- Decimæ 27.
- Donatio Const
M. 102.
- P**

INDEX

- E. — Effectus 12. 13. 16.
17. 58. 59. 62. &c.
- E**Xpeditio Impera- — Libri 1. 88.
toris Rom. 159. Feudum Francum 30.
& seq. — Guardia & Gastal-
die. 13. 110.
- F** Feodum quid? 170. — Laicum. 91.
Feuda introducta- — Seculare 91.
contra dispositio- — Nobile. 16. 92.
nem juris. Rom. — Plebeium. 16. 28. 92
3. 4. 5. — Ligium. 16. 93. &
Feuda quibus modis seq.
acquirantur? 101. — Non ligium. 16.
108. 121. 95.
— Conseruentur. 241. — Rectum. 15. 16.
— Alienentur. 128 78. 96.
— Amittantur 68. — Conditionale. 16.
132. 215. 96.
Feudi definitio. 10. & — Regium. 16. 93.
seq. 88. 192. — Non Regium. 16.
— Divisio 15. & seq. 93.
91. & seq. 193. — Dominans. 95.
& seq. — Seruiens. 95.
— Successio 11. 12. — Perpetuum. 97. 98.
38. 42. 115. 217. — Temporale. 98.
— Usus & retentio. — Pignoratitium. 98.
61. 91. 138. — Antiquum. 98.
Feudorum origo. 5. & — Novum. 98.
seq. 84. & seq. — Paternum 98.
— Ma-

INDEX

— Maternnum 98 um. 179.
 — Dividuum. 98 Hostenditiæ 179.
 — Individuum. 98 I.

Feuda à quibus dari
 possint? 27. 101. Impossibilium obli-
 — quibus dari possint I gatio. 14.
 29. 106. Inhonestorum obliga-

Feudorum Naturalia tio. 13. 14.
 14. 15. 97. Investire. 24. 109.

— Substantialia 14. Investitura. 12. 23. &
 15. 97. scq. 109.

Felonia. 215. — quotuplex. 26. 35.
 Fidelitas. 25. 36.

Fidelitatis iuramen- — Ejus Requisita. 26.
 tum. 113. — Solennia. 36. 37.

Frohdienst. 179. — quarum rerum fiat
 Investitura. 33. & seq.
 108. & seq.

H.

Iuris Feudalis auctori-
 ras. 1. 2. 3.
 H Aloander nota- ras. 1. 2. 3.
 tus. 4. 84. — libri. 1. 88.

Halsperga quid? 163. — origo. 5. & seq.
 & seq. 84. & seq.

Hermaphroditus. 52. Inramemtum fidelita-
 Herrendienst. 179. tis. 113.

Homagium vel Ho- L.
 minium. 13.

Homo. 13. L Egitimatio 47.
 Hostelitia. Hosteliti- 48. & seq.

INDEX.

Liberi Legitimi, &
 illegitimi 46. & seq.
 Libellarius contrac-
 tus. 129
 Libra quid? 176.
 Luitprandus Cancellarius. 183.

M.

Mansum quid? 17. 171.
 Mansionarius quis? 181.
 Militiæ quid in libris
 Iur. Civ. 5 7. 8. 86.
 Ministeriales. 175.
 Minor. 107.
 Monachi. 30.
 Morgengavica quid? 31.
 Mulier an Feudi capax? 50. 56. &c.

N.

Naturalia contractus. 97
 Nobilitas. 16. 17.

O.

Officiarii speciales
 qui? 177.
 Osculum. 22.

P.

Pacta vestita 24.
 Pares Curia 23. 40.
 41. 60. 110. 214.
 &c.

R.

Rewardus notatus. 20.
 Refutatio Feudi quid? 38 39. 208.
 Roncalia. 168 & seq.
 Reuterdienst. 179.

S.

Sacramentales. 149.
 Schemata de Successione

INDEX.

cessions Feud. 217.

& seque.

V.

Scutarii. 173.

Scotatio quid? 23. 24.

Soldata quid? 121.

Solidi. 180.

Soumarius quid? 176.

Senior. 192. & seque.

Sub-beneficia. 93.

Substantialia contrac-

rus & Feudi 47.

V Afalli, Vassi, Val.

valores. 103.

163. &c.

Veteranis prædia data.

7. 9. 10. &c.

Vestire. 24.

Vinetus notatus. 20.

Viglius notatus. 85.

T.

T Erritorium. 86.

87.

Tutoris auctoritas in

Feudis. 28. 29.

Z.

Z Afius notatus 4.

30. 32. 49 84.



